
 CENTRALE V. E. II 



~~170~~  
N.

M

12

4

8

30





JULII CÆSARIS

*Scaligeri*

Viri Clarissimi

In Librum

DE INSOMNIIS

HIPPOCRATIS

COMMENTARIUS

Auctus nunc & recognitus



AMSTELÆDAMI,

Sumptibus JOANNIS RAVESTEINII.  
CLC LCC LVIII.

# R. CONSTANTINUS.

Η. Θέμις ἡδ' ὅτι πανδημεὶ μηπάδα  
 Παῖσαν ἀληθείῳ νέμεσις ᾗ φθύνῃ τε κ' ἀπέσω.  
 Ἔστι παλαισμοσύνη μακροτέραις μορμολυκειῶν.  
 Τίς γδ, ὅτι μὴ ἄφροτ, οἰχομένοισι μεγάροισι;  
 Οὐτ' ὁ Σκαλανός κ' τ' ἐνομα κ' τ' ὀπίκλιω  
 Ὡς Καῖσαρ πρὸς τὸν δ', ὅς ἀοιδίμῃ ἐπλέο πάντα  
 Ἦν λῆς ἡγορέω ἀρετῇ τ' ὡς εἰσρχὸν ἄλλων  
 Οὐτ' ὁ Σκαλανός ᾗ μετέφριπεν ἰδμεσύνῃσι,  
 Ζῶς ἐὼν, πᾶσιν· πάντας τ' ἀπεκαίνυτο τέχνη  
 Μισσάων, ὅς ἀοιδὸς ἔλω μελίηρης, ὁ καί πορ  
 Πάντας ἀκροεῖν πέρι, κ' σοφίῃ ἐκέκασο.  
 Μάρτυρες εἰσὶν ἐμοὶ σωταῖματά σιγαλόοντα  
 Καὶ τόσα τῷ πλήθει, ἅλλ' ὅσα μινδὲ τις ἀνὴρ  
 Τῷδε πολυμαθὴν κ' εἰδύησι φραπίσσειν.  
 Τίς χρεὼν πολλὰ λέγειν; Δημόκριτ' ὡς ἄσπερ, ἐν γὰρ  
 Παντοδαῆς. Αὐτὰρ γλυκὴς ἀγλαὰ τέκνα,  
 Σὺλκιον ἐν πρὸς τοῖς παρ' αἰῶνι αἶνον ἐλόντα,  
 Τεθνηκεν δ' ὁ γέρον σοφός· ἐς τέλος ὀλβιοδαίμων  
 Εὐσεβίῳ ἐπέεσσιν κ' ἐργοῖς ὡμολόγησεν.

*Iulius Cæsar Scaliger*  
Joanni Alefmio Senatori Bur-  
digalensi, S.



*Q*uas olim tibi miseram mearum primitias lucubrationum ex eo medicinae cultu, qui affinis est naturalium disceptationum, nuper ab optimo viro atque doctissimo. Jano Maumontio appellatus eas ut reviserem, feci, nec tam necessario quàm libenter: nempe magis ut amico meo summo, ac de me optimè merito gratificarer, quàm quòd in illo quicquam meminissem obnoxium accuratiori castigationi. Si quid tamen labeculae vel incuria nostra, quæ toti humanæ speciei perquam est familiaris, vel librariorum negligentia aspersum esset: imò verò etiam si quid non esset, tamen quoniam ipse esse suspicaretur, petebat ut recenti opera liceret sibi securiore animo hanc typographis mandare novam editionem. Mihi ergo quæ hoc longo lectionis usu, frequentique rerum exercitatione digna visa fuerant, eorum ad formam direxi pauca: cætera verò, ita uti erant, relicta sunt. partim quòd nullo modo contemnenda videbantur: partim ut Et tu, Et studiosi omnes ex illorum priorum atque horum posteriorum comparatione cognoscere-

sceretis, ecquid in probando & repudiando iudicii maturior ætas attulisset. Hunc verò librum qui semper tuus fuerit, ut in nova editione ad alterius nomen recentiorum more transferretur, neutiquam tuis virtutibus, meâque tuorum erga meos memoria beneficiorum, denique sanctissimo amicitie nostræ jure, dignum arbitratus sum: Neque existimavi liberos meos semel adoptatos, toties tot in alienas familias transcriptos ullo vel suo, vel meo merito pati capitis diminutionem. Sed tamen viri illi doctissimi atque optimi suas quoque habent, quas foveant rationes. Quamobrem mihi illos, neque de eo quod factum est jam admonendi jus, neque de eo quod jure tuentur, objurgandi ullus est relictus locus. Sed illa unica ratio, qua mihi persuadeam satis esse, si officiorum continuatione constantis animi retineam opinionem, quam gratissimo ac fortissimo cuique viro esse oportet in prima commendatione. Vale.

JULII



JULII CÆSARIS  
• SCALIGERI

Præfatio in Librum  
DE INSOMNIIS  
HIPPOCRATIS,

*Ad Ioannem Alesinium regium Consi-  
liarium in supremo Senatu  
Burdigalensi.*



Requentium ac diuturnorum erga  
nos tum magnitudo, tum memo-  
ria officiorum tuorum, Joannes  
Alesmi, tantum potuit: ut non so-  
lum me non ingratum ostenderet,  
sed etiam faceret audacem. Neque  
enim debuit tantarum splendor vir-  
tutum, quarum præfidiis muniremur, carere debitis  
laudibus, cujus merita recompensari nequirent. Ne-  
que potuit tam insignis animi tui vis quicquam effi-  
cere, quod vel moderatissimum quenquam non ex-  
citaret. Quare cum propter excellentem nostri secu-  
li perversitatem, quæ jam omnia penè vetèra studia  
aut subverterat, aut etiam damnaverat, collegissem  
me, mihi ut viverem: & suppuderet, si posteritas  
nunc vixisse resciret aliquando, aut ab omnibus pe-  
nè dissentientem, id quod esset fortunæ perditissi-  
mæ: aut frustra ambitiosum, quod erat animi infel-  
licis; tu virtute tua cum imbuisti me iis exemplis,  
quibus non pœniteret me extitisse: tum beneficiis  
affectum impulisti, ut aliquid sciperem, quod ab  
studiis tuis non abhorreret. Nam qui primas civilis  
sapientiæ tibi partes comparasses, Philosophiam, a-  
liâque veræ vitæ ornamenta non contempsisses, no-  
men nostrum dignitate tua illustrasses, opes autho-  
ritate

## E P I S T O L A.

ritate auxisses : is mihi visus es , cujus authoritati eadem opes , dignitati nomen , Philosophiæ nostræ decora sapientiæ deberentur. Igitur cum è secessu quodam mentis in hanc quasi republ. me deintegro retulissem , deponendum in sinu tuo metum illum existimaui , quem in Philosophiæ luctu valde sanè merueram : ne tanta in vivendi licentia , ac potius libidinum dominatu , futurus essem superstes integriorum literarum. Nam cui placebimus , Alesmi ? aut quis nobis favebit istorum , quorum in manibus , atque utinam verò in manibus , non etiam toto in pectore , solus aut Lucianus , aut Aristophanes est ? Non tam hercule propter orationem , cujus nitorem aut æmulari nesciant , aut nequeant imitari , quàm propter acerbiter sententiarum : si modò sententiæ eæ , ac non venena sint vocanda. Quorum igitur impietatem imitentur , eorum exitum non exhorrescere ? Nimis securè vivimus hodie , atque adedò otiosè , ne dicam solutè , mi Alesmi. Hanc vocamus libertatem. Quæ si ita est , malim equidem me quidvis esse bellæ , cui sanè liceat sine criminis objectione , quod nobis propter hominis nomen saltem non licet , & facimus tamen. Ac quanquam nonnullis per ignaviam vitam trahere videbamus , propterea quodd procul à Republ. & partibus animum abduxeramus : nobiscum tamen eramus nos , nec soli , nec penitus non soli , ut sine contentione horum temporum servitutem declinarem. Itaque difficilima in re cum universam intelligentiæ meæ vim excuterem , in periculossima , optimum quenque exitum exoptarem : in perditissima , pessimum expectarem : quodd efficere nequibam . ut istis quicquam persuaderem , omisi. Nam eorum inanitatem , qui nullam haberem orationem qua explerem , silentio præteribam : sed eo silentio , quodd appàratum esset ad suipsius aliquando reddendum rationem. Etenim quæ tempora ad illorum conjurationes atque potentiam colendam ponere cæteri cogerentur , ego clandestina opera ad Philosophiam trans mittebam. Quid enim præterea facerem , cum nemo

inter-

## E P I S T O L A.

interveniret huic meæ calamitati , quæ me in illud  
 quasi exilium quoddam abdidisset : cujus ego præsi-  
 dio ad hanc culpam sustinendam confirmarer ? Atque  
 nunc quoque de metu illorum languerem , vel etiam  
 jacerem , Alesmi , nisi vestrum aliquot authoritas  
 subvenisset mihi. Quorum consiliorum summa illa  
 exitit : cum tantopere sibi placerent illi , ut hæc no-  
 stra despiciatui haberent : neutrquam fraudi futurum  
 nobis , si inter tot tantosque tractus ingeniorum mi-  
 hi quoque aliquod famæ spatium constituerem : ut  
 non jam dissimulatione , sed apertis judiciis animi  
 mei pristinum tenerem institutum. Erant mihi tum  
 plurima ac præclarissima in manibus monumenta :  
 ea protuli ac produxi nomine meo. Ibi istis frigere  
 ac torpere animus : hæere vox : dissimulationem ,  
 qua maximè cum valent , tum regnant , non posse  
 regere. Mutavi consilium : iisdem eodem tempore ,  
 aliorum nomine , quos nolo nunc appellare , ostendi  
 nonnulla haud paulò deteriora. Illi illic obstupescere :  
 dejerare , nihil polius , aut absolutius excogitari po-  
 tuisse. Sensi hominum animos non nunc hoc pri-  
 mum sapere ac niti , ut æquales suos propioribus  
 nolint agnoscere. Inter cætera , librum De infor-  
 miis , Hippocratis , Latinum factum , atque au-  
 ctum commentariis commonstravi. Rogant cujus  
 sint operæ. Ego pro me tunc satis officiosè ubi plu-  
 rimum essem mentitus , conjeci eos in stultissimam  
 lætitiâ. Quam tandem ut agnoscant , mitto ad te  
 Alesmi , eum librum : non ut solent ii , qui aliquid  
 dicant. Quid enim tibi , aut afferam , aut commit-  
 tam novi , quod tanto antea in teipso non habeas  
 perfectum ? Sed eum uti emendes , qua opus est :  
 vel totum , id si tuo judicio meritis sit , atque ita ex  
 mea dignitate videatur. Nam cum fuit periculosum  
 mihi , apud istos tractare alia studia , quàm quæ ipsi  
 amplectuntur : tum pene interierit nomen nostrum ,  
 si hanc possint urgere occasionem labefactandi pro-  
 positi mei. Atque illud quoque me profectò pluri-  
 mum movebat , qui homines verba vetera , Latina ,  
 proba , in religionem nostram , cui uni se suæque o-  
 mnia

## E P I S T O L A.

omnia devovisse videri volunt, recepta aboleverant, alia substituerant : quid his quæ ipsi damnant , monumentis facturi sint , si quid extra suum Ciceronem deprehendent ? Verùm pro Cicerone quid egerimus , quæ odii , arque invidentiæ tela passi sumus : quos temeritatis impetus obstinatè exceperimus , fortissimè retardarimus , jam vulgò sciunt : pro me verò etiam Cicero sentiat , si hæc , quæ sum locurus loquatur ipse. Neque verò mirum est : hæc foedissimi otii mancipia obrectare verborum laudi , qui res contemnant ipsas. Sed tu qui tam judicii nobilitate , quàm morum integritate præditus non solum æquo animo audis ab aliis , sed etiam libenti docere potes Philosophiam : & hæc scripta cum forensibus nostris comparabis , & veniam non modò dabis mihi , verum etiam petes pro verbis ipsis. Quorum verborum pudor quantus est , ut in alienas sedes non invadant : tanta est fortitudo , ut de suis sese dejici non patiantur. Tibi sese dant , tibi loquuntur , non ut doceare , sed ut alios doceas hoc , Nos etiam ab istis contentiosis Disputatoribus intelligi voluisse , ut doceremur.



JULII

JULII CÆSARIS  
SCALIGERI

*In librum Hippocratis , de*

INSOMNIIS,

COMMENTARIUS.



Ubjectum hujus libri , homo est : finis , sanitas : ratio formalis , præservatio : modus præservationis , præcognitio valetudinis humanæ , quod Prognosticon Græci vocant.

Via & ratio indagandæ præcognitionis (quam Methodum illi nominant ) est à posteriori , scilicet per signa , quippe à somniis : quare libri titulus is fuit , De somniis. Per ea enim agnoscit Hippocrates humanam valetudinem , ut præservetur. Igitur non rectè fecit Calvus , qui cum additamento sic inscripsit , De languentium somniis. Maxima enim libri pars ostendit imminentes , non factos morbos. Languor namque si indicatur futurus : nondum est. Ex his satis constat , librum hunc referri ad illam medicinæ contemplationem , quæ ob servanda corpora comparatur. Methodi rationem assignat ipse : Quoniam , inquit , anima soluta corporis functionibus per somnum , sibiipsi restituta : hoc est divinis principiis , quibus est constituta , cohæret :

A

tra-

trahitque inde similitudinem, quam per visionem repræsentet, conjungens originem suam illam cælestem ab ipsis mundi elementis cum fini suo: qui est hominem informare. Est enim anima, media natura quædam, inter æternas res & corruptibiles. Media verò sic pote, neque alio modo ipsa quidem æterna est, at corruptibilibus conjuncta, duo extrema, quasi sequestra, suo complectens nexu. Si igitur soluta, non quidem corpore, sed corporis brutis officiis: puta ambulandi, sedendi, currendi: quasi in recessum quendam, ac potius portum ex his subducta tempestatibus, tota sibi sua est. Cognoscit quæ intus sunt, in corpore scilicet. Ibi tum quibusdam quasi coloribus, figurisque ac quantitibus pingitur earum rerum, quas intus nacta est. Quare his affectionibus satis opportunè statum corporis explicat. Id quod Hippocrates ipse sibi in tertio De ratione victus assentiens, repetit: Quibus, inquit, corpus afficitur, ea clausis oculis videt animus: ac jam in eo est, ut ægrotet. quod malum ex proximis percipitur indiciiis. Quæ res cum à sapientibus perpenderetur: non solum ab hoc divino viro, Galenóque, atque aliis compluribus tractata est ita, ut ad rem medicam accommodaretur: verum etiam eò progressi sunt, ut divinitatem quandam quoque profiterentur. Quod ut amplius cognoscamus: quid sit somnium, quótque ejus genera, ac potius modi, censeantur, intelligendum est.

Ac quanquam omisit Hippocrates definitionem : quid ipsum tamen esset , non omnino omisit : cùm recipere , colligeréque dixit animam in se ipsam. Nos autem è Philosophia accipiamus. Aristoteles somnium non solum eorum quæ intelligerentur , dixit esse repræsentationem , sed etiam quæ sensu perciperentur ; propterea quòd in somniis ita versemur , quasi cùm videmus vigilantes , aut audimus , aut tangimus. Quæ evenire sanè non queant , nisi sensuum vis interior aliquid afferat momenti. Itaque refert omnia hæc ad communem sensum : cujus facultas intus communis una , secundum instrumenta ac potestates foris multiplicatur. Quod quum legerent recentiores , qui legendo ut omnia colligant , quàm judicando ut eligant , sunt attentiores , ut sensibus rectè attribuere , ita falsò sustulere ab intellectione. At multa sunt opera intellectus in somniis : ratiocinatio , disceptatio , consilium , deliberatio , etiam poëticæ exercitationes non poenitendæ. Tum hîc Hippocrates ea proponit , quæ ad intellectum pertineant : veluti cùm vult ab anima iniri rationem cursuum stellarum , atque alia talia. Ergò ex Aristotelis sententia intelligemus ab extimis officiis sensus quiescere : intus autem non ita : hoc autem vero in somno. nam est modus quidam somni imperfectus , ac quasi dimidiatus , quum aut ipsi loquimur , aut etiam rogati respondemus , surgimus , ambulamus. Cujus rei rationem reddit Aristoteles in quinto De generatione

Animalium. Somniorum autem rationem ad hunc modum constare assentietur, qui meminert animam esse totam, & in toto, & in quavis parte. Quare nihil impedimento est, quin & intelligat, & sentiat, aut quasi sentiat: ambulet, aut quasi ambulet. Animæ nanque ad multa officia, pro instrumentis, spiritus sunt: voco spiritus vulgi more, tenuiores sanguinis partes quæ aliis atque aliis delegatæ locis, obeunt munus quæque suum. Omitto nunc vehiculum illud cæleste, quod tanquam sedes quædam animi ab Aristotele homini attributum est. Sive igitur vehiculo, sive instrumentis illis retracta in aditus suos, secum habet etiamnum motus pristinos eotundem, ambulandi, ridendi, potandi, pugnandi, quibus motibus ita, uti antea, afficiatur: tum argumenta præbeat illorum expergefactis nobis: nec dubitabit, qui intelliget, ex vertigine voluntaria, aut aliufmodi quum nosmet recipimus, quanquam sedemus: tamen adhuc versari videri nobis. Item à fluctuatione, quæ in salo, aut flumine fit, tametsi in terra constitisti, tamen existimes te vacillare. Sic rubras res ubi diutius intuemur, ad albas conversi, eas putamus prioribus concolores. quandoquidem reliquias eventorum receptas in spiritus circunferimus adhuc. Sensio enim receptio, sive impressio est. Quamobrem visa hæc, sive audita, sive alia per speciem, cum in sensibus insedere, atque in memoriæ thesauro sese induere, nocturnis appulsibus reddunt sese.



se. Itaque & infantibus, quibus mens inconstans est, & iis qui satagunt multarum rerum, item temulentis, atque helluouibus, aut nulla somnia, aut confusa referuntur: propterea quod sensilium rerum imagines perplexæ inter se, haud aliter corrumpuntur, quàm cum citissimis versationibus rota circumducta, sibi nobis radii nulli percipiuntur. Quemadmodum si multos confundas sonos, nullus tibi præcipuus erit: veluti is qui plures lapillos in stagnum demittit, efficiet ut circularum orbis anfractus illos suos inter se impeditos consultent. Habes etiam historiam. Herodotus in Melpomene scriptum reliquit, in terra Africa populos esse, qui ad Atlantem incolant, eos nulla somnia videre. Quam partem Plinius quoniam laxius est interpretatus, ejus verba ponam: λέγουσι δὲ ὅτι ἐν ψυχῇ οὐδὲν σιτέουσιν; ὅτε ἐνύπνια ὁραῖν. At Plinius videtur somnia concedere, sed enim à nostratibus quæ sint diversa. Sic enim in quinto scribit: Neque insomnia visunt, qualia reliqui mortales. Idem in decimo quum scribit, aliquos nunquam somniasse: ut addidit ex Aristotele letiferum esse iis, cum primùm somnient, ita omisit nomina ponere. At ponit Plutarchus in commentario quo vestigat rationem desitorum oraculorum, Cleonem Dauliensem, idémque credi solitum de Thrasymede Hereense. Causam autem recentiores cum ascribunt corporis temperaturam, sanè latam nimis ineunt viam. Quid enim in nobis fit, quod à concrezione corporis

non proficiscatur? Sed ita accipiendum est, spirituum torpore, aut hebetudine fieri, aut tenuitate, aut lubricitate, ita ut spiritus illico solvantur. Exemplum addendum est: Si puer arrideat, statim ubi destitit, rugas diducit, vultus subsidet. si ætate provectiore rideamus, etiam absoluto cachinno diutius ridibundus vultus perseverat. Sed & Plinius multis in locis quæ tollant insomnia, quævo levent, ostendit: sicuti contrà, tum ipse tum Dioscorides, quæ efficiant lymphatica, mala, gravia, turbulenta. Sed iidem recentiores bis falluntur super eadem re. Nam cum ex decimo libro Plinii verba illa adducerent: Infantes statim somniant. Et ex septimo historiarum Aristotelis illa: Infantes somniare manifestum est, sed serò memores fiunt imaginum. primum, putarunt inter se eos esse contrarios: deinde frustrà conati sunt conciliare. Nam neque inter se adversantur: neque isti rectè dissolvunt nodum sic: si propriè loquamur non somniare infantes: si impropriè, somniare. At Aristoteles dicit, *δηλον εἶναι πάντα ζῷα μὲν τὰ βρέφη*. Et Plinius addit, statim: tantum abest, ut sint contrarii. Sed duo adverbia, Plinianum, statim, & Aristotelicum serò: illud ad somnium, hoc ad memoriam refertur. Non potuit autem ab infantibus ipsis exploratum id habere Aristoteles: sed collegit argumentum à potiori: nam si pueri non meminere, tantominus infantes. His de causis somniorum genera alia alii describere: verùm omnes confuso homines iudicio: qui,  
quæ

quæ legissent, illico transcriberent: nihil apponerent de suo. Omissa igitur Macrobiani, aliorumque negligentia, ac præterea ineptiis Grammaticorum, sic partiamur:

ὄνειρ Græca vox somnium significat, species illas scilicet, earumque affectiones. Quam vocem prisca mortales à bene ominando fabricarunt. Ita enim dicebant, ὄναϊο ἐρῶν. Nam concisum fuit ὄναρ. Nostri vox simplicior, somnium: quasi quod somni esset proprium. Græca & ipsa, ὕπν: unde ἐνύπνιον, quod & nos insomnium. hæ appellationes univ. ambitum somniorum communi significato amplectuntur. Unde Aristoteles ὄνυμνιον vocat eum, qui probioribus utitur somniis: quoniam sunt etiam σκολιόνειροι, sive ψευδέιονειροι. Est igitur generis vox, quæ in boni, malive distrahi possit differentias. Neque enim verum est quod ajunt, insomnium non esse nisi cum is qui somniat, putat se videre vera. Nam neque ratio nominis petit, ut huc coarctetur: neque aut Cicero aut alii aliter sunt locuti.

Fit autem somnium, aut quo diximus modo, per eas species quæ in animam receptæ sunt: aut per principia divinitatis, ejusque cælestes cognationes. Ac primo quidem capite duobus fit modis: Aut enim ὄνυμνιον est, aut σκολιόνειρ ὄνυμνιον, cum species, uti sunt, ita sese offerunt. Fit autem hoc à tribus causis. Aliquando ex animæ affectionibus, cura, metu, odio, lætitia: ut quod quis exercuerit interdium, per quietem quum

videt. Interdum ex corporis affectibus, puta ebrietate, inedia, pugna. Nonnunquam pro modo fortunarum, ab eventis: veluti, divitiis, paupertate, exilio. Hujus generis est, cum dormire somniamus. Ipsa enim anima tunc in seipsam reflexa, contemplatur corpus dormiens. Hoc totum genus *ἐνύπνιον* Græci vocant: propterea quod ut in re fuisset, ita *ἐν τῷ ὕπνῳ* re poneretur. Quare hæc partim physica dicuntur, ea scilicet quæ rerum naturam quasi evocant, atque ei hærent: veluti cum ignem suo motu atque calore, terram suo statu atque frigore somniamus. Partim syncratica, cum res naturales, non suapte natura, sed ex temperatura somniamus. Biliofus enim aquam calidam videbit tangetque in somnis. Hæc autem à recentioribus minus probè sunt explicata.

*Σηολιόνειρ* & autem evenit, ubi formæ prodeunt terrificæ. Quapropter sæpenumero contingit neque pleno somnio, neque verà vigilia fieri. Nam cum intus agitatio est, quiescere verè non permittit. Itaque contingit quod in tremore. Nam omnis nimium cum tollis, vis nititur sursum, contra premit pondus. ita tremor fit, ubi neque vera quies, neque simplex motus est. Tunc gemunt, loquuntur, respondent, ut diximus, stupidi consistunt. Hæc Græcorum nonnulli phantasmata appellare maluêre, nihilo prudentius cogentes magni vocem significatus, in angustum: id quod etiam fecerant, cum *ἐνύπνιον* ad certam speciem adigerent. eo nomine

mine utitur Theocritus in Piscatoribus.

Alterum caput est, cū defecata anima, per se ipsa agitatur, aut per agnationes: puta dæmonas, cæteraque id genus, quæ à Plotino, Proclo, Iamblichio prodita sunt. Hoc vocant ὕπνος Græci: unde noster sopor: propterea quod corpus penè mortuum est, in anima totus homo constitutus, atque ipsa in sese reducta, recepta, collecta. Ejus vocabuli originem & causam intelligamus: quoniam res vera subsit: ὅτι τὸ ὄν ὅτι οὐκ ὄντι. Homerus in undevicesimo Ulyssææ, ὕπνος, non ὄναρ esse dicit: non quod res ipsa visa esset, sed quod vera portenderent rerum imagines. Nam aquilam Ulyssii comparat: anseres autem procis. Theocritus in Europa pro vera visione. τὸ δ' αἶς ὕπνος εἰδένοντες. Ita Cicero multa narrat in libro de Divinatione primo: & Socrates apud Platonem Critoni recitat somnium, quo verum prævidit. Alia præterea multa habeas non solum ex Valerio Maximo, sed etiam ab eodem M. Tullio in primo de Natura deorum. Galenus quoque nonnihil experientiæ nocturnis per quietem præceptionibus sibi partum scribit. Et Aristides Orator dicitur curatus somniorum indicatione. Iamblichius in libro De arcanis initiis, memoriæ prodidit, ægrotos somniorum integumentis captare curationes consuevisse: Strabo in octavo, adversa affectos valetudine in Epidaurici Æsculapii templo pernoctare solitos. Hoc genus etiam ὄραμα vocitarunt: quasi dicas, visionem: perinde at-

10 IN LIBRUM HIPPOCRATIS

que sensu ipso vero percipias : nihilominus  
quàm cùm vigilares. Herodotus cùm alibi ,  
tùm in Terpsichore appellat semel atque ite-  
rum , ὅψιν ἐνυπνίῳ , pro eo quòd ad hanc divi-  
nitatem pertineret. alii autem φάσμα : quo  
nomine inscripta esset vetus Menandri fabula.  
& qua voce utitur Thessalus Hippocratis fi-  
lius in legatione , ad sensum eundem hunc :  
& Plutarchus in libro De Socratis dæmonio :  
ita pro numinum visione in ea epistola , quæ  
circumfertur Hippocratis nomine ad Philo-  
pomenem , & Theocritus in Europa. Quare  
etiam extra somnum usurparunt veteres pro  
re vera. Inter quos Sophocles in Electra ,  
Herodotus in Erato , & in Melpomene ; at-  
que etiam alibi pro visu miraculi ponit. Hoc  
genus somnii tripliciter accipitur. Aut enim  
præsentem ostendit rem , ut apud divinum  
Poëtam , Hector Æneæ : aut præteritam , ut  
Elisæ Sichæus : aut futuram , ut Anchises Æ-  
neæ. ea pars χρημῆλισμός à Græcis , à nostris  
divinatio appellatur : sitque modis aliis mul-  
tis. Aut enim per gryphos sive ænigmata : ut  
cùm satyrum somniavit Alexander , interpre-  
tatus est , Tyro sese urbe potiturum : diviso  
verbo sic scilicet , οὐκ ἔστιν ὅτι. Aut per rerum  
similitudinem : ut Polycrates Tyrannus Sa-  
miorum : suspendio enim , somni persolvit fi-  
dem. Nugatores Magi hanc divinitatem etiam  
per gemmas conciliari posse prodidère. unam  
appellant Eumetridem : alteram Hammonis  
cornu : ut omittam sinistrum chamæleontis  
harmum. eum enim ridiculum citius quàm  
admi-

admirabilem reddidit Democritus: qui ejus vi prodiderit, posse quæ quibus velis somnia mittere, nedum tibi repræsentare. Hac ratione partim allegorica Græci vocarunt, propterea quòd aliorum agerent animum, quàm in re esset, atque ita interpretationis indigerent. partim theorematice, in quibus id quod est, perspicimus. Ea somnia prædivina appellat Plinius in libro tricesimo septimo. Quare allegorica referebant ad conjectores: quorum artem instituisse primus dicitur Amphiçtyon, ut est apud Plinium in libro septimo historiæ naturalis.

Fit autem oraculum sive divinatio, ob rem aut privatam aut publicam: ut cùm somniat Hecuba facem parere, publico malo fuit illud. Plautini Dæmonis suum sibi privatum extitit. Cæsar visus est sibi per quietem matri suæ stuprum afferre: hoc cùm privatum fuit, tum publicum. Nam & ejus interfuit dominatio, & publico detrimento invasit: quod etiam somnium demonstrabat. Neque enim solùm subjecit sibi terram, sed turpiter subjecit. utrumque autem adhuc dividimus in alienum, & proprium. Possum enim & de meo privatim, & de aliena rep. somnium excipere. Verùm ridiculè addunt aliam affectionem. Cùm partiuntur in Generale, apponunt exemplum, Solem, Lunamque si quis deficere somniet: ineptè sanè. Somniorum namque differentias intelligimus, non ab somniata re, sed à fine sortiri nomen. Etenim si uni portendat, privatum esse, si omnibus

publicum : Igitur à mundo somniato quare vocant generale , quod uni tantum destinari possit ? At mundo universo quid evenit unquam è somniis nostris ? Præterea neutro modo Lunæ Solisve somnium appelles generale. Nam neque universitas est Luna : neque ex ea quicquam præscribitur universitati. Postremo generale minus est , quàm commune. Genus enim sive gens , est in civili prudentia ambitus quidam certorum capitum ab uno proficiscentium. unde apud Philosophos id quod species complectitur , ductum est. At multa sunt in Philosophia quàm in usu communi longè ampliora , quàm ut generis appellatione contineantur. Entis namque nomen latius funditur , quàm generis. Sub voce quoque Reipublicæ multa sunt genera : sub nomine Provinciæ multæ gentes comprehenduntur. Sic communis lux est , generalis non est : Communis mundus , non generalis. Sed more suo Grammatici plus laboris afferunt ad refellendum , quàm boni quod ediscamus.

Hæc sunt genera sive modi differentiarum , affectiones somniorum : quorum significationes atque judicia , quæ ad institutum nostrum pertinent , ob eas quas diximus rationes , non negat Aristoteles. Ait verò exactissimum somniorum judicem , indicemque futurum , qui rerum calleat similitudines. At enim verò ex illis eventum ullum significari portendive necessario , id sanè negat. casu aliquando accidisse assentitur ; verum nihilo certius,



tius, quàm cum Venus aut Canis in tesseris jacitur. Videtur autem ipse sibi maximum afferre argumentum : Si à Deo sunt somnia divinatoria, quare stolidis sæpius eveniunt ? Noluit meminisse vir ille divinus, stolidorum animum cum ipso corpore minimam habere conjunctionem : Iraque eos nobis stolidos esse, hoc est foris : intus autem ipsos seorsum sapere. nam si anima divina est, ergo quo tempore sua erit, non corporis, divinationem illam redintegrabit. Plutarchus in libro De abolitis oraculis, vaticinia ex somniis fuisse ostendit : reddique solitas responsiones à vatibus ad Mopsi oraculum : qui vates stratis pellibus hostiarum incubarent, id quod de Fauni sacrificio prodidit doctissimus Poëta. Averroes verò etiam inepruit. negat divinationem dari posse ab intellectu separato. Sanè addit, Eum non cognoscere materialia & individua, circa quæ fit divinatio : Eset enim, inquit, materialis. Quantum verò errat ille, non semel. Etenim intellectus ille non cognoscit per phantasmata : sed se ipse utendo, videt omnia. Quid ? nonne ille motor ille ? ergo motum cognoscit : ergo & rem motam. At omne quod movetur naturaliter, ex materia est. Item omnium rerum efficiens causa prima, intellectus ille est. Igitur materię quoque primę author erit. Quomodo fecerit si non norit ? Verum ille non mutatur, cognoscendo mutationem : sed cognoscit se non mutari, quia est immutabilis : simul non mutatur, quia cognoscit

se non mutari. nihil enim est prius, aut posterius. Neque recipit cognitionem cognoscendo: esset enim intellectus imperfectus: sed ipsemet sua, sui que cognitio est. Ad hæc, universalia in materia sunt. sunt enim unum in multis. Nam idearum figmenta non admittimus. Ergo si cognoscit universalia, materialia quoque nota habebit. Dicet, Abstrahere. igitur id quoque unde abstrahit, cognitum ei erit. Respondebit, Cognoscere abstracta sine abstractione, sed non solvet. eorum namque naturam si norit, noverit esse in materia. Postremò non negabit, omnia præter Deum modo quopiam composita esse: alia ex materia & forma, alia ex genere & differentia: quædam ex esse & essentia, ergo si hæc cognoscet, ipse quoque talis erit. quare Averroes cogetur negare, Deum quicquam fecisse: quippe qui nihil intelligat. Hoc enim agebat hominem, intelligens, intellectum, intellectionem unum esse in intellectibus separatis. Itaque si separatus intellectus intelligit corruptibilia, ipse sit corruptibilis. Sed ille intellectus intelligit corruptibilia per seipsum, ut diximus, non per illa. Sic quoque intelligimus nos vacuum, per plenum: ficta, per vera. unde fit, ut animus noster neque inanis, neque fictus sit. Ita ille sese intelligendo, omnia facit: omnia movet: omnia est à se, non ab illis: quoniam illa ab se esse intelligit. Ejus enim perfectio est, nequire sibi quicquam efficere aut idem, aut par, aut simile. Quare concludendum est: & à Deo posse

posse somnia demitti, & ipsam animam repetita sua divinitate, frui ea tantisper posse, dum à corporis vinculis libera agitarit. Quibus rationibus moti religionis nostræ primores, ipsique Platonici, à Deo esse proficisci que somnia posse profitentur. Inter quos Xenophon quoque in Symposio sentit idem. inquit enim, Σημαίνουσί μοι πέμποντες ἄγγελοι, φήμας, ἐνύια, καὶ πνοίαις. Et Herophilus θεόπνοια somnia appellare solitus est quædam.

Animadvertemus id, à Calvo bis hunc esse translatum Commentarium : quos, qui volet, conferet inter se : neque enim operam perdet. Sed jam Hippocratem latinè loquentem audiamus.

## A P O T E L E S M A

## P R I M U M.

*Quæ per somnia conjici possunt, si quis nota habeat : magnum ad omnia sanè momentum ea conferre intelliget. Etenim anima, dum vigilat atque corpori vires administrat, in multa differtita loca, nequaquam vacat sibi : sed singulis corporis functionibus intenta est : quippe ipsis sensibus, auditui, visui, tactui, ambulationi, actioni : omni denique cogitationi : ipsa verò pro se nihil agit. Cum verò quiescit corpus, illa movetur : atque egrediens è corporis partibus, suo domicilio*

*lio continetur : ibi omnibus illius fungitur officiis. Corpus enim somno captum nihil sentit. at ipsa vigilans cognoscit : videnda videt : audienda audit : vadit , tangit , moeret : temporis momento ratiocinatur : ibique in somnis tum sua , tum corporis obit munera omnia. Si cui igitur recto hæc erunt comprehensa iudicio : ei magna sapientiæ pars fuerit comparata.*

## C Æ S A R.

Fraçtaturus somnia, ostendit operæ necessitatem : dicitque posse conjici. Argumentum est à possibili , item ab usu , & consuetudine & modo : cum dicit , conjici. Deinde utilitatem statuit : cum dicit , ad omnia. Magna enim est pollicitatio. intelligit enim omne vitæ genus , tam civile , quàm quod spectet ad medicandi facultatem , propter diversa , quæ diximus , genera somniorum. Hæc est ~~propositio~~ *proemii* : in quo proponit rem , qua de agitur , non sine captatione benevolentiae , docilitatis , atque attentionis. Quod autem ad iudicia spectat medicinæ , sibi ipse assentitur etiam in tertia sectione letalium contagiorum : Ab insomniis nanque , morborum & indicia sumi , & iudicia dari. Post hæc reddit rationem propositorum. Anima , inquit , vigilanti inservit corpori : scilicet ad actiones. ergo ibi occupata hoc agit. at dormiente corpore sibi ipsa vacat. Sic Xenophon 8. Pediz : In somno , inquit , anima est proxima divi-

divinitati : & futura multò ante prævidet : propterea quòd per id tempus potissimum libera est. Sic etiam Galenus : In somnis , inquit , anima reducta ad corporis intima , libera atque otiosa ab exteris functionibus , seorsum & indicat quæ corporis intersunt : & ea , quæ suapte natura expetit , quasi habeat præsentia , contemplatur. Ubi dixit , eam moveri : veterum sententiam secutus est : inter quos Plato quoque fuit , ut legimus in Atlantico. Hoc libri quoque nostri sacri autumant. Aristoteles nequivit apprehendere intellectione aliud moveri posse , quàm corpus. Anima enim nostra si est incorporea , extra magnitudinem est : ergo nullis præscripta finibus. Figura enim corporis extremitas est. Quæ inter alias rationes una ratio Themistio , Averroïque persuasit unicam in omnibus eandemque animam ut existimarent. Cæterum nihil impedimento est , quin intelligamus , substantiam aliquam incorpoream finitam esse. Nam mentes illæ æternæ , quæ versant cælestes orbes , neque informant illos , neque ab illorum finibus finiuntur. essent enim materiales. Quare suapte natura finitæ sunt , non propter magnitudinem materialem : sed circumscriptæ alia quapiam re , quæ res alia ab ipsis est. Omne autem finitum moveri potest. Mutare enim potest id , quod Græci vocant  $\pi\epsilon\pi\epsilon\sigma\tau\omicron\varsigma$ . quod quanquam in loco esse verè dici nequeat , quia corpus non est : tamen in suo , ubi , est. Quemadmodum autem moveantur , & ad duodecimum divinæ Philo-

Philosophiæ, & ad secundum sententiarum pertinet disputare. Disceptavimus enim ibi, falsum esse moveri rem incorpoream per momenta discreta. Sed hîc de his satis. Unum illud animadvertendum est, Animam, cùm una sit, non retrahi à corporis extremis partibus, morerentur enim : à qua privatione non datur recursus ad habitum. Sed spiritus instrumentarios huic & illi officio delegatos, retrahere sese ad principia intelligamus, tanquam ad pabulum, aut vexillum quoddam, ubi recreentur : propterea quod in continuo opere esse non possumus. quæ est causa finalis somni, & apud Aristotelem & apud Galenum in libro De continua resolutione.

Nota locutionem dubitabilem : Egressa, inquit, è corporis partibus, suo domicilio continetur. Falsum namque est corpus destitui : aliudque ei tunc esse domicilium. Sed voluit intelligere à reliquis eductam partibus, recipere sese in cerebrum & cor, quæ sunt sedes primariæ : sicut & sentit Galenus ex Timæo, animam in cerebro habitare. quam Hippocrates epar etiam ante cor creari putarit. Sed hoc in septem libris De semine genituali exactius à nobis & perpensum, & exploratum est. Corpus autem esse animæ impedimentum ad ratiocinandum & sapiendum etiam Plato nos docuit in Phædone.

Longè facilius poterit Galenus dicere, animam moveri : qui animam negavit sese, quid esset, scire : nisi, inquit, calor ipse naturalis sit. Idque non solum aliis multis in libris, sed in

in eo quoque, qui nondum latinus factus est, quem inscripsit De formatione foetus. Nam qui dicit animam dolere, lætari: materialem animam intelligit. At ipse integrum super hoc condidit commentarium: in quo declarat animam affici à corporis affectibus. Laxius quoque Platonici ipsi locuti sunt: inter quos Xenophon in Symposio licenter nimis dixit: *ἀρδεν τὰς ψυχάς*. Hoc quoque loco Hippocrates animam inurere ait. Et in libro De modo victitandi, animas à fœmellæ & viri seminibus simul commisceri, propter similitudinem, quæ in utrisque sit. Et in eodem libro turpiter nimis animam ex aëre & igni conflata esse. Si enim ita sit: pars ergo fuerit corporis, non pars compositi, alteri parti dans esse, scilicet corpori. Itaque tutò postea potuit errare errorem alterum multò majorem, cùm dixit, in furorem animam humanam agi. Ergo in libro de carnibus, cùm scripsit animam de cælo profectam: videtur ignem & aquam de cælo deducere. Nimia quoque translationis licentia usus est Cicero in lib. 2. Officiorum: ubi prodidit, à voluptatibus magnas animi partes detorqueri. Nam & animam dividit, & subjicit corruptioni. Quod enim afficitur, habet aditum ad interitum: est enim alteratio dispositio ad corruptionem. Sed partes posuit pro potestatibus: sicuti pro potentia, & factione, etiam partes dicimus.

Aristoteles autem in libro De indiciis morum sumptis à corporis lineamentis quæ Græci

ci vocant physiognomica, ita sentit: Videntur, inquit, mihi anima & corpus mutuis affectibus inter se respondere. Sic enim interpretor felicissimum verbum Græcum, *συμπαθεῖν*. Et subdit: Animæ quoque habitudo alterata, secum alterat etiam corporis figuram. Sic enim transfero, *συναλοιῶ*. Tum sequitur, contrà quoque alterata corporis facies, animæ habitum secum alterat. Cum enim hoc quod est mœrere, atque lætari, animæ sit: manifestò videntur ii, qui mœrent, tristiores esse: qui lætantur, hilares. Post hæc sequuntur verba paulò corruptiora: sed sensus est, corpus & animam mutuis conjunctionibus inter sese consequi. Cujus rei addit argumentum, ut ipse vocat, manifestum. Furor enim, inquit, circa animam videtur esse. Quo furore ita demum liberant medici animam ipsam, si & medicamentis, & certa victus instituta ratione purgent corpus. Qua ex corporis curatione, simul corporis figura solvitur, simul animæ furor aboleretur. Igitur si utrumque simul tollitur: planum est, mutua conjunctione conjuncta esse. Hæc & alia talia eo libro ita scripsit Aristoteles, ut Alexandro aliisque animarum intersectoribus gratum fecerit: præsertim si codicis errorem sequamur: ubi in recto sic scriptum fuerat: *ἐπειδὴ ἐστὶ ψυχὴ τὸ ἀνιάδῃ*. Quasi anima sit mœror & lætitia? quod plus est, quàm si, ut nos legimus in secundo casu, animæ, scribatur. Verum ipsum ita intellexisse constat, ut doceret, instrumentis læsis, non lædi animam, sed impediri. Manifestò



festò enim deprehendimus , mancis pedibus depravari ambulationem : officium ibi animæ tollitur , non vis : tantò minus substantia. Itaque à mancis & mutulis , integri generantur. Atque hæc sanè de certis animæ potestatibus ita sint. At de furore cum scribit, quid sentiamus ? Dicit enim animæ affectionem esse. Contraria nanque contrà ejusdem subjecti sunt furere & sapere sunt contraria. Sapere est cognoscere. Cognoscimus per animam non per corpus. Hic respondeamus , Homo sapit per animam : furit autem per animam : quoniam per pravas species fit repræsentatio. Itaque anima non fallitur. excipit enim quod offertur. sed offeruntur vitiosa. Quare sic sunt accipienda dicta Aristotelica : Corpus natura esse posterius. Est enim materia , quæ talis est , quia propter formam & per formam est. Itaque sequitur animam. Plato autem etiam tempore priores formas statuit , non solum natura. In Timæo nanque animæ à Deo factæ , obducunt divi corpus à seipsis detortum. Ubi vir ille mirificus etiam ordinem potestatum designavit , Formam rem cælestem à prima causa fabricari : Materiam , quæ futura esset illius serva , à causis secundis constitui. Sic igitur à priori tanquam à causa , intelligimus ab anima corpus dependere. Cum autem dicit animam à corpore : hoc fit à posteriori : sicut vis fabri à magnitudine mallei , aut parvitate. Accidit enim animæ hoc , ut ejus imperium , ac vis à corporis pravitate impediatur. Quod autem sic acceperit divinus ille

vir ,

vir, déclaravimus, & in defensione tertia M. Tullii Ciceronis, & in tertio De anima, & in libro De causis partium primo: in quo certas animæ partes, hoc est, potestates subtrahit ille à Philosophi naturalis contemplatione: propterea quòd neque materiæ mixtæ sint, neque ad effectiones suas indigeant instrumento. Si enim materiales eas omnes agnovisset, etiam sub motu declarasset constitutas. In quarto autem divinitus loquitur, corporis humani statum secutum fuisse ipsam animam: quæ quia cælestis esset, plenâque natura ad intellectionem destinata: erectum idcirco fuisse, non pronum. Quare quodè Zamolxide Plato affert, tum bona, tum mala omnia in corpus ab anima proficisci: atque idcirco præceptis sapientiæ medicandam illam, non est supinè accipiendum. Si enim anima à seipsa prava esset, statim infans esset malus. Sed contra ipsa instrumentorum, ac specierum pravitate, pravè cognoscit. Idcirco in secundo De causis partium, & secundo De anima Aristoteles negat animam esse ullum elementum: & quod ad hunc locum facit, ejus esse sedem calorem naturalem: à quo item excipiat species. Quid mirum igitur, si physiognomon ruffum dicat iracundum? nunquid iracundam animam dicet? atqui ruffa non est. ille autem iracundus, quoniam ruffus. Quare idem divinus vir in tertio De generatione animalium, generosum animam in corporibus modicis esse prodidit: ab eorum habitu animæ officia metitus, tanquam

quam ab instrumentis naturæ opera institutis. Quod in eodem altius explicavit, ubi animalium calorem vitalem neque ignem esse affirmavit: sed neque ab igni: Quin etiam animæ humanæ cum corpore conjunctionem non statim fieri: sed sequestro quasi nexu quodam cælestis corporis certi: cujus ratio ab his inferioribus longè sit aliena. Hæc non ab re huc attulimus, ut intelligeremus hoc apotelesma de animæ motionibus.

Intelligamus & illud: Quiescente corpore, anima videt videnda: audit audienda. Molliendus enim verborum sensus est. Neque enim aures habet anima. Nam si audire dicamus animam, eandem etiam silere dicemus: sed excipere species tam ad auditus potentiam, quàm ad alias facultates comparatas. cognoscit enim aut per species, ut albedinem, & nigrorem: aut post speciem, ut ovem, postquam lac agnoverit, tanquam lactis causam. Atque hæc quidem tantisper, dum corpori obnoxia. Nam cum amissis speciebus puritatem suam nacta est, cælesti cognitioni postliminio restituta, tum verò exercet divinationem.

Dixit, tum sua, tum corporis munia obire omnia: per sua, intelligit ratiocinationem, & somnia divina.

Intelligit actionem, operam: puta, fodere, scribere, cujus effectio manet. Deinde alterum genus actionis, cujus effectio non manet, intellexit per ambulationem.

Dixit, momento temporis ratiocinari: intellexit

tellexit ἀρχινοίας : nam qui solertiam interpre-  
tantur , à nobis alibi sunt reprehensi. Nam so-  
lers est qui artem totam callet : ἀρχίης autem,  
etiam rudis & sine arte qui sit, dici potest. Est  
solertia habitus perfectus animi ad rem quam-  
piam : ἀρχινοία est affectio virium animi posita  
in celeritate. præsentia animi dici potest.

In calce propositionis concludit. Non pa-  
rum sapientiæ comparatum iri ei , qui som-  
niorum calleat significationes. Itaque de-  
monstratio perfecta est. Qui animæ indicia  
noscit , sapientiæ partem adipiscitur : qui so-  
mnia intelligit , indicia illa noscit.

Nota nunc phrasim. Quoniam dixit ani-  
mam servire τῇ Διανοίᾳ ὁ σὺναιθετός : & postea  
appellavit ipsius animæ Διάνοιαν. Non so-  
lum mutavit dialecton, sed etiam vocabuli  
vim : ut cogitatio corporis sit ab anima :  
& cogitatio animæ seorsum. Pro animæ fa-  
cultate divina, in tertio De anima , & in pri-  
mo De causis partium , Aristoteles : & ipsam  
facultatem μέντοι Διάνοιαν : quoniam Διὰ ἧς  
ἔργον operatur. De hoc latius in tertia oratione  
pro M. Tullio.

Calvus interpretatus est , αὐτὴ ἑαυτῆς ἐχίναται , sui juris non est. non malè : propterea  
quòd dixit ἀνεπίστατα. Verum anima sui juris  
semper est : & administrat corpori voluptates,  
quoniam ipsa vult : nōne animæ pars vo-  
luntas est ? Cum autem agit , vult agere. De-  
cipitur autem specie falsa recti. Furens enim  
sibi consciscit mortem : quoniam ejus animæ  
repræsentantur species in hac vita terribiles :  
quas

quas putat non nisi morte abolēri posse. Itaque anima hoc vult : hoc agit. Ergo semper jus suum obtinet. Sicut judex , cui Orator eloquentia sua tenebras offuderit , malè judicat : suo tamen jure utitur : ita anima semper sui juris est : non tamen pro se semper agit , sed pro corpore : propterea quod hanc rem potiore ducit. Vult enim corporis administrala esse. Non igitur à corpore cogitur , sed decipitur : ejus enim custos , ac tutrix est. Itaque commodius ad officium , quàm ad jus referetur.

Ε' *πεξέρπασσα*, Calvus dixit , serpit : minus plenè. nam *τὸ ἐν*, significat locum , in quem recipit se : *τὸ ἐξ*, loca unde retrahitur. Sed non est supervacaneum notare tempus. Neque enim dicit *ἐπεξέρψασσα* id est , egressa , ut indicaret corporis partes non esse vacuas anima. adhuc enim motus dicit continuationem.

*Διακέρ*, efficaci verbo usus est. Nam præpositio *Δι'*, conditionem perfectam , & finis compotem , atque etiam puram significat , per quam induat sese intellectus ad finem usque.

Quod alii , *ἐν ἀκραι*, ipse dixit , *ἐν ὀλίγῳ*. Calvus interpretatus est , tempore modico , rectè. at cùm addidit , loco : an rectè nescio. Intellectionem , temporis individuo momento fieri in libris De anima declaravimus : sicut & aeris illustrationem. An ratiocinationem , quam declarat hîc per verbum , *ἐν θυμῷ* , in temporis momento divisibili.

Non rectè in Græcis exemplaribus pars hæc cum duobus sequentibus apotelesmatis , avulsa erat à reliquo commentario.

## APOTELESMA II.

*Igitur quæ somnia divinitus publicè privatimve eventum aliquod sive malum, sive bonum insontibus portendunt: sunt qui exacto iudicio artem calleant, iis interpretandis.*

## CÆSAR.

Post communem rei, qua de agitur, professionem: particularem aggreditur: facitque divisionem, in somnia divina & naturalia. Rejicit divinorum interpretationem ad alias artes: alteram partem sibi hinc reservat: aitque somnia quædam fieri divinitus: eaque interdum publico eventu: aliquando privato contingere, procurarique per certos homines gnaros rerum futurarum.

Dixit ἡ πόλεσι, ἡ ἰδιώτη λαῷ urbibus aut populo privato. Comprehendit per urbes, publicum: per populum, privatum. Nisi enim addidisset ἰδιώτη, idem dixisset bis. at ea additione intellexit, quod alii dicunt τῷ πρὸς ἑαυτὸν id est, uni cuiquam è populo. Nam quod interpretati sunt, aut civitatibus, aut populo privato cuiquam: quonammodo intelligunt populum privatum? Nam publicum à populo dicitur, quod populi est, non unius. Contrà privum unius est: tractum à familia herciscunda: cum res in partes secarent. hoc enim est, *μεῖον* ut quod esset commune trium fratrum integrum, cederet per trientes suum cuique.

At

At populus à civitate nihil differt. Est enim populus ductum nomen *ὡς τὰς πόλεις*. At πόλις, civitas est, communis locus, in quo πολλοὶ πολλοί. Populus autem cives ipsi, qui è vicis multis in unam sedem jure sociatam conveniunt. unde civium nomen *ὡς τὸ κίεον*.

Est & alius locus incommodior: cùm dicit, ἢ κακὸν, ἢ ἀγαθόν, μὴ δὲ αὐτῶν ἀμειλίω. Calvus ita, quæ fermè nunquam errant. retulit ἀμειλίω ad somnia, & addidit Adverbium, fermè, malè. neque enim quod divinitus est, errat. Cæterùm Hippocrates non dixit, μὴ δὲ ἐωυτῶν ἀμειλίω ut referatur ad, ὁκόσα: sed δὲ αὐτῶν ut referatur ad πόλεις & λαόν. Quare sic intelligimus: aut mala portendi, propter eorum flagitia: aut bona propter eorum innocentiam. Qua ratione auctoris quoque pietatem compertam habebimus.

### APOTELESMA III.

*Quæ verò corporis affectiones ab anima præmonstrantur: sive quòd repletum sit, sive quòd inanimatum: aut aliquam cognatarum partium redundare: aut eorum, quibus assueverit, quippiam mutatum iri, has quoque affectiones judicant: sed ita, partim ut assequantur, partim aberrent. Verùm utriusque rei causam ignorant, & quare deprehenderint, & quare falsi sint. quamobrem obnuntiant cavendum esse, nequid detrimenti capiatur. Cæterùm*

*quibus sit vitandum consiliis , cum nihil doceant : Diis immortalibus vota jubent nuncupari id quod tametsi & ritè sit , & in primis est conducibile : oportet tamen Diis invocatis , nos quoque operæ aliquid in medium asserre : quæ ad hunc sanè modum præscribi possit.*

## C Æ S A R.

Nunc proponit alterum somniorum genus : quod ex corporis affectionibus repræsentatum, accipitur pro judicio valetudinis utriusq;. Et quoniam somniorum conjectores omnia, lucri aut gloriæ causa, ad suas artes divinando referebant : ostendit Hippocrates in hoc genere somniorum non solum falli solitos : sed etiam ignorare causam, quamobrem decipiantur : itaque ad communem aram confugere consueſſe, ad vota scilicet : transferreque hominum spes, atque expectationem, ad Deorum potestatem. Hoc institutum si damnaſſet Hippocrates, is & contra receptam consuetudinem & contra pietatem faceret : sin probaret, ars, quam hîc profiteretur, supervacanea haberetur. Utrunque igitur observavit : ut & ritè vota dicat nuncupari, & aliquid operæ nihilo secius navandum illorum auxilio. Ostendit igitur operæ necessitatem, cum dicit ; conjectores falli, qui omnia ad Deos referant : Ipse verò quàm piè senserit de Deo, declaravit per initia libri, qui De muliebri natura inscribitur, ubi rerum omnium  
huma-



humanarum causam ad Deum referendam monet. Et in libro De moderatione, ait, A Medicis universa Deo attribuenda: quoniam, ut in primo De victus ratione, Dei solius recta opera sint, Quod autem Deorum potestati ægritudines sint attributæ: scribit etiam in libro De virginum morbis: & in libro, De morbo sacro: quo in loco expiatores insectatur, qui non supplicationibus, sed vanis superstitionibus medicari aggrediuntur.

Dixit, Cùm corpus repletum sit aut inani-  
tum: à cibis scilicet, nondum conversis: aut  
conversis, cùm addit redundantiam cognata-  
rum rerum, id est, excessum principiorum,  
quibus est corpus constitutum: puta sanguinis,  
aut aliarum partium: Ita definivit medicinam,  
ablationem, & additionem. Quæ definitio an  
rectè data sit, in decimo historiæ animalium  
declaratum à nobis est. Adjunxit etiam, con-  
suetudinum mutationem, ut alias quoque res,  
quas non naturales falsò vocant, compre-  
hendat, exercitium, coitum, somnum, æ-  
rem.

Mendosè legebatur *ἀνέθεν*. Calvus rectè,  
*πρωθεν*, solitarum mutatio rerum. Nam re-  
rum, quibus non assuevimus, mutatio ad nos  
minus adeò pertinet. Respondet hæc senten-  
tia illi aphorismo, in quo A rebus, quibus  
assuevimus, lædimur minus, tametsi propor-  
tione molestiores sint. Et alteri in quo disci-  
mus, ægrotantes cibis etiam incommodiori-  
bus minus affligi, si respondeant palato: quàm  
juvari iis, qui deterius sapiant.

## APOTELESMA IV.

*Diurnas actiones si in noctem transmittat cogitatio, reddâtque in somnis ea, quæ interdum honesto in negotio, aut opera, aut consilio patrata sunt: id homini bonum est. sanitatem enim significat: propterea quod anima diurnis in consiliis perstat, neque repletionem, neque inanitate victa, aliâ vere quâpiam, quæ extrinsecus evenire solet.*

## C Æ S A R.

Hæc est secunda Commentarii pars, & initium totius contemplationis. Demittit enim sese ad somniorum species particulâres. Habet verò contemplatio hæc permulta capita: Nam & à corporum habitudine accipit signa: & à rebus cælestibus notat argumenta: item indicia ab elementis, à partibus corporis, à spectris vita functorum, à consuetudinibus, tam motus, quàm cibi potûsque: præterea ab eventis, ut prælio, natatu, cursu, atque ejusmodi.

Hic autem eam prosequitur partem, quæ repræsentat in somniis diurnas actiones. Significat enim concordiam animi ac corporis, corpusque constare sibi: vires namque naturæ validas esse quæ eodem officiorum tenore continentur. Hanc quoque sententiam fovet Aristoteles. ait enim, diurnas effectiones præire noctur-

nocturnam intellectionem. Hoc genus somnii non est ignoratum doctissimo viro M. Tullio Ciceroni : Qui cum fecisset C. Scipionem somniantem præclara quædam de repub. eas demum objecit species per quietem , de quibus pridianum sermonem habere instituisset. Galenus etiam non solum ex corporis operibus , sed subtilius quoque ex animi affectionibus , quæ interdum contigerint , somniorum eundem modum evenire : puta , si , è prælio postquam redieris , ubi quiescas , per somnum manus conseras : animum id fortem significat , valetudinēque constantem. Rerum autem similitudinem cum ipsarum nocturnis imaginibus notavit idem , cum dixit , præter corporis habitudinem , accidere somniorum tractus tales , quales sint peregrinæ corporum affectiones : veluti cum nivem somniat biliosus feбри correptus quotidiana. Causam nanque morbi indicat , non temperamenti. Cum in accessione tertianæ idem somniet : neque morbum , neque causam , neque adcõ temperamentum signat , sed materiæ motum , ac punctionem in rigore. Ita aliquando cibum , aliàs regionem , interdum tempus , aut aliud quippiam in causa esse intelligimus. Quare etsi diurnis convenient affectionibus : tamen corpus malè habere dicendum est. In corpore enim ægroto aliter somniare , quàm diurnæ sint actiones , bonum est. Mutatio nanque portenditur , dummodo in melius.

Verum ipse Hippocrates , ut docuimus ,

maxima ex parte prosequitur curam præservantem. Itaque dixit, signatè, bono in negotio. Tangit enim versationem deinde dicit, aut opera: tangit effectiones, in quas exit animi vis. postea dixit, consilio: tangit deliberationem. Tria enim sunt, deliberatio, opera, finis. Dixit, bono in negotio: Pravo nanque in negotio si versaretur, morbum significaret: quippe malorum humorum imminuentem motum. Habet enim proportionem virtus cum sanitate: Nam illa est animi, sanitas corporis quædam mediocritas. Itaque sanitas, & virtus in medio, una est: extrema verò ægri tudines & vitia multa. Rectum enim unum, obliqua multa. Ab illo medio, sine mediocritate abscedunt corpora, atque in morbos cadunt. Ad id medium mediocritatemque, ars ea quæ corpora reducit, inde nomen adepta est sibi, ut à modo ac medio medicina diceretur.

Reddit rationem propositionis, cum dixit, sanitatem significat. deinde rationis rationem, ubi addit, animum in diurnis perstare consiliis. Tertio loco hujus quoque rationem rationis: quoniam scilicet, neque excessu, neque defectu agitur: intelligit causas interiores, quas antecedentes vocant. Postremò addit ea quæ extrinsecus affligunt: intelligit causas procatarelicas: puta, Solis calorem, gelu noctis, item alia quæ veteres quum negarent esse morborum causas, haud multum distabant ab eorum ineptiis, qui ut astrologiam destruunt, etiam mare negant Lunæ motus sequi.

Dixit, eodem modo repræsentari: ut naturæ constantiam significet. Nam modus, est qualitas quantitasve ejusdem substantiæ. Potest enim quispiam diurno exerceri sacrificio. Hoc idem si somniet, variare modum potest: ut pro vero Deo nostro, si recipiat obsoletum cultum veterum monstrorum. Eadem actionis erit species, modus autem alius.

### APOTELESMA V.

*At cum diurnis functionibus somnia adversantur ita, ut inter ipsa non conveniat: indicatur corporis perturbatio. Itaque ex forti forte malum portenditur, ex debili imbecillum.*

### CÆSAR.

Nunc ex contrario eventu contrarium ponit significatum. neque adducit rationem: quoniam contraria ratione fulciuntur. Addit etiam quasi gradus quosdam: validum scilicet, & imbecillum. Quo loco optimè intelligimus, rectum unum esse: obliquum autem, ut dicebamus, multa. Rectum nanque medium est. at medium unum. sic centrum unum. Circumferentia, multitudinis obtinet naturam: quare sibi rectum semper constat. Obliqua tamen si recto contraria sunt: tamen ipsa inter se quoque sunt adversa. Itaque in bono somnio unam posuit propositionem: in malo posuit multas, cum variavit Apotelesma per forte & imbecillum. In bono non variavit: sed

34. IN LIBRUM HIPPOCRATIS.  
præscripsit bonitatem atque simplicitatem ,  
quum dixit eodem modo repræsentari. Hæc  
scribimus exercendæ scientiæ gratia. nam bo-  
num quoque gradus modosque habet , sed  
ipsi sibi constant : malorum species etiam in-  
ter se , ut diximus , sunt contrariæ. Igitur a-  
nima regit corpus interdum in re justa : consu-  
lit officiis & frugalitati. Si idem non somniat,  
sed ad rem attentior , avaritiam exercet per  
quietem , ibi malis succis affici corpus , argu-  
mento est : propterea quòd diversæ species  
opponuntur.

#### APOTELESMA VI.

*Utrum verò res hæ sint ad verruncandæ , nec  
ne , non est nunc consilium indicare : sed  
hominis corpus curandum esse statuo.  
Cum enim corpus plenius est : quod super-  
fluum est , animæ negotium facescit. Igi-  
tur id quod adversatur , si validius sit , &  
vomitus confert , & leviorum ciborum u-  
sus ad diem quintam usque : tum deam-  
bulatio post cibum , frequens atque conci-  
tior , moderatæque præterea exercitatio-  
nes.*

#### CÆSAR.

Hic est , ut dicebamus , authoris finis , ut  
imminentis morbi præmonstret curam , sum-  
pta indicatione à signo quod è somnio porten-  
ditur. Antequam autem ad curam venit , ob-  
servat.

servat præcepta Philosophorum : quæ docuit Aristoteles in primo Posteriorum. Neque enim solum scire debemus quæ recta sunt , ut recipiamus : sed etiam quæ sunt prava , ut rejiciamus. Itaque cum dixisset , à conjectoribus vota concipi ad avertendam deorum iram quæ somniis portenderetur : ipse hîc negat sibi curæ esse , averti debeant nec ne. sed pro operis instituto ait , corpus curandum esse. Quibus verbis potius ostendit operis & propositum & finem. deinde reddit rationem , quæ in corpore redundant, iis animam obtrurbari : nihilo scilicet minus , quàm quum gubernatorem malè habet vis major venti. Tertio loco ponit curam qua detrahatur plenitudo : idque tribus modis. Primus est , vomitus. educit enim id quod jam est , à circumferentia ad centrum. Alter est , sudor excitus per deambulationes & exercitamenta : cujus ope subtiliores partes à centro ad circumferentiam exigantur. Tertius modus non tollit id quod jam est : sed prohibet quod esse potest , indicto usu ciborum leviorum. neque enim apponetur quod sit redundaturum.

Animadvertamus non solum deambulationem , sed etiam ejus modum. Concitatam nanque vult esse : ne scilicet corpus validius alatur. neque enim concoquitur cibus : sed è ventriculo crudiuscule elicitur. Hæc est una è præceptionibus , quibus cavemus ne fiamus pinguiores : itaque is est finis vehementis deambulationis post cibum. Deinde dixit , exercitationes conferre : sudorem nanque educunt :

36 IN LIBRUM HIPPOCRATIS  
cunt : ut si quid crudi nondum dejectum sit ,  
sed venas subierit , exprimatur.

Calvus , ἀποτρέπεν , amovenda. rectè : sed  
minus explicatè. ad augures enim & aruspices  
pertinet verbum ἀποτρέπεν. at amovere, etiam  
ad Medicum. Quare Hippocrates , si Latinè  
loquatur , ne dixerit , sese non statuere an  
morbus sit amovendus. etenim corporum cu-  
ratio , morborum amotio est. At avertere aut  
averruncare, signata prisca verba sunt ad hunc  
significatum. Ad hunc eundem usum posuit  
Xenophon in Symposio : καὶ εἰς τὴν ὄναρ ἀγαθὸν  
ἰδῆς , τοῖς ἀποτροπαίοις θύοις. Eadem verbi vi e-  
tiam ἀποτροπαῖοι dicuntur : λύσοι quoque à  
solvendo. Λύσιος, Liberi patris cognomen-  
tum proxima ratione. Plutar. in 7. Convivia-  
lium docet sacrificium ἀποτρόπαιον τῇ ἐσχάτῃ ,  
καὶ τοῖς ἀποτροπαίοις ἐκφέροντες τὰ δειπνά. Idem  
in Romanis : πρὸς τὰ τινος ἀλλοτρίοις πῖσι δαίμω-  
σι καὶ ξένοις ἀποτροπῆς ἐνεκα ὅτι ἐπίοντες πρὸς ὅσους  
δύο μὲν ἐκλήνας.

Ἀποκρεσὶς ἐγγύεω, factum est excrementum:  
significat jam excretum ac separatum esse ali-  
quid. In Calvi editione , quare semel atque  
iterum excreatur scriptum sit , sanè nescio.

Ἐπράξε τὴν ψυχὴν, negotium fecit animæ:  
πράγμα id significat : loquutio Attica est ,  
πρῶτῳ σε τέτρα & εἰ ἀπράττω. quod etiam do-  
ctissimus notavit Gellius.

Ἐκπρωσαγωγῆς, à cibo scilicet, ὅτι σίτιον. sic-  
ut mox ipse dixit Aristot. in V. hist. ἐξ ἀναγωγῆς.  
Theodorus per intervalla. In II. Meteoror.  
καὶ τεχνῶς ἀλλ' ἐκ πρῶταγωγῆς , non continuò ,  
sed



sed mox. Et Hippoc. in VI. morborum popularium, ἐν προσαγωγῇ τ' ἀναντία ἀνάγειν καὶ ἀγναπαίνειν. & in I. Epidemiōn, ὅσα ἐν προσαγωγῇ ἀλλὰ συνεχεῶς paulatim igitur & quasi gradum facere.

Ἐπιγυμνάζεσθαι. τὸ ἐπὶ, significat, præter deambulationem etiam exercitationes, quas nudi magna ex parte faciebant: unde & nomen. quanquam etiam in vestibus currebant, & in πανοπλία, sicuti qui pyrrhicam saltabant. Tametsi nudi in certamen antequam prodirent, nomina dabant: propterea quod cum veteri consensu Græciæ sancitum esset, ne mulieres ad Olympicorum spectacula admitterentur: quæ contrà facerent, de Typæo monte supplicii causa præcipites darentur. Callipatira gymnastico habitu induta fefellerat: In primo Eliacorum Pausanias.

## APOTELESMA VII.

*Quod si minus validum sit id, quod oppugnat: omissio vomitu tertiam demito ciborum partem. Quam vivendi rationem in dies item quinque promoveto: deambulationibus urgeto: vocis utitor contentione: Diis immortalibus vota concipito: atque ita sedabitur perturbatio.*

## CÆSAR.

In forti ac vehementi causa tribus remediis utebatur. nunc si levior ea sit, demit & frequentiam remediorum, & magnitudinem. Nanque vomitum non instituit: & ciborum tertiam partem duntaxat adimit: addit vo-

38 IN LIBRUM HIPPOCRATIS  
cis contentionem. Quoniam intenduntur  
nervi, multum spiritus continetur. Ergo ve-  
næ & arteriæ inflantur. unde vapores multos  
excerni necesse est. Itaque in libro de voce &  
anhelitu rectè dicit Galenus, vocem lædi aut  
tolli, læsis aut sublati pectoris musculis. Hoc  
non ignorarunt Prisci Latini, qui in vocis con-  
tentione, laterum beneficio se uti prædicabant.  
Quòd autem hic vomitum non indicit, hoc  
multi Medici semper fecère, ut vomitum non  
probarent. nam Asclepiades in libro De con-  
servanda valetudine penitus damnavit. Sed  
de ejus usu atque ratione Avicenna in primo,  
Plinius in XI, Cornelius in I, Paulus in VII,  
Hippocrates in multis locis.

Apponit in calce, pietatis monumentum,  
quum dicit, Diis esse supplicandum.

Nota, ἐς τοὺς πέντε: quoniam suprà, Dies  
quinque dixit, idcirco addidit, τοὺς. nos ex-  
pressimus per conjunctionem, Item.

Appellavit more suo perturbationem hu-  
morum, quam vocem ad eundem usum hunc  
legimus apud Aristotelem.

### APOTELESMA VIII.

*Solem, & Lunam, ac cælum, tum sidera  
ipsa pura, suo quæque modo motuque a-  
gitantia si quis per quietem cernat, pro  
bono habebit. Valetudinem nanque, e-  
jusque causas commodas indicant. Cæ-  
terum præsentis victus ratione habitudo il-  
la servanda erit. At si quid contrà eve-  
nerit,*

*nerit, morbum quempiam corpori minatur: ac validum quidem à fortibus indicis, ab levioribus debiliorem.*

## CÆSAR.

Tertia hæc pars est commentarii: in qua à rebus cælestibus sumit judicia. Cæterum apotelesmatis hujus non reddit rationem. credo cum anima res cælestis sit: si eas sedes unde ortum ducit, claras, illustres, compositas per quietem intueatur, sua natura frui videtur, neque à corpore impediri. ergo jubet victus non mutari rationem. Calvus addit, optimo nutritu alere, minus prudenter. si enim vox hæc, Optimum, simpliciter accipitur, non omnibus convenit is victus optimus: sin (ut ajunt) secundum quid, ne id quidem hîc recte ponitur. Neque enim optimo victu vivimus: & agricola, aut fossor, si cepis tum vesci solitus sit, prohibet mutari.

Dixit *ἁγία, καὶ καὶ ῥέοντες* id est, neque præter morem, neque præter agilitatem. Modum intelligit semitam, *ἁγία*, tempus. ita judicia tria sunt: puritas, ut succi in corpore sint defecati: agilitas, ut digestio, sive *ἀνάδωσις*, suo tempore ac positu faciliè evadat quod opus habet, neque sit obstructio: modus, ut suo quæque componantur loco.

## APOTELESMA IX.

*Ac sidera quidem in ipso moventur ambitu: Sol medium obtinet: Luna in concavo cælorum est.*

## C Æ S A R.

Quoniam dixerat καὶ πρόπαν· necesse erat illorum motum declarare. Assignat extimam sedem sideribus, Lunæ citimam, Soli mediam. Cæterum nimis leviter percurrit. neque enim planetas assignat, præsertim quum & doctis & idiotis scriberet. Forrasse autem in eodem errore cum Platone fuit, quem etiam Apulejus, etiam M. Tullius errarunt, quum supra Lunam statim Solis orbem agnoscerent. Id enim sensit ille in Timæo, & in Epinomide. idem Timæus Locrus in Libro De natnra. Anaximander quoque, & Metrodorus, & Crates, æquè falsò Solem supra omnes Planetas posuere. Sed & veteres iidem, atque inter eos Plato, nomina perperam aut indidere primùm, aut imposita postea recepere, Nam quare φαίνοντα Saturni vocant sidus? quod quidem vix lucet. Nam φέροντα à splendore Jovem, rectè. sed alii aut Solem, aut Solis filium eodem nomine. Martem verò probè τυρόντα. Venerem εἰς φέρον, mutile. Nam sequitur auroram haud parum sæpe. Pessimè autem εἰλκόντα Mercurium. Ignavissima enim & maligna in primis lucè est, sed & ignota penè semper. Illi igitur hæc nihilo consultius dixere, quàm Solinus illud: Venerem per multa signa procul ab Solis latere cum statueret in natalibus urbis Romæ. Sed & veteres augures nomina pro sua libidine miscuere: qui eundem Solem, Liberum, Mercurium, nuncuparunt.

Inter-

Interpretati sumus *ᾠείοδον*, ambitum: optimè. Nam *ᾠεί* idem est quod *ἀμφί*: unde nostrum, am: sic, amplector, ancisum, ansanctum.

## APOTELESMA X.

*Si quid horum siderum extinguere, lædi, aut aboleri, vel ab orbita sibi attributa absistere videris: eadem quoque parte morbum occupaturum judicato.*

## CÆSAR.

Exequitur minutius quod scripserat generatim. Cùm dicebat, Quod si quid contra eveniat, morbum imminere: declarat quot modis Extingui: id est, defici lumine. signabit enim vitæ periculum, calore scilicet oppresso naturali. Lædi, puta mutare nitorem. significat in corpore detrimentum. Aboleri: hoc est, evanescere. indicabit corporis consumptionem. Absistere ab orbita propria, monstrabit digestionem impeditam. Quibus modis comprehendit actionem naturalem mutatam, læsam & ablatam. Atque his attribuit locorum in corpore cognitionem ex locis siderum: per stellarum indicia, corporis circumferentiam: per Lunam, cava corporis intima: per Solem, viscerum partes, venas & arterias.

Quoniam autem superiori apotelesmate dixerat clara & *ευαίεα*, & *καὶ τῶππιν*: nunc posuit contraria: clara extinguuntur, *διαίεα* impe-

impediuntur, modus intercipitur : quoniam non suis moventur orbitis. Quo in loco videtur Hippocrates fuisse in ea scientia : sidera lumine & motu agere. Igitur ii qui Galeno adversantur petenti dies judicatorios ab Luna, ita instant : Neque primam diem Lunæ, neque vicesimam septimam posse quicquam : propterea quòd tunc sileat Luna. Sed falluntur ipsi. Hoc enim læduntur ægroti in vicesima septima : quia Lunæ lumine deficiuntur. Sed satis sit hîc ad hoc respondisse. Nam certo commentario eorum insolentia repressa est. Nunc verò non semper dicamus lumine agere sidera. Neque enim lumen in terræ viscera penetrat ad metalla conficienda. atque hoc in secundo De anima disputatum est : ubi lux perlucidi corporis affectus esse, demonstratur. ita neque ad radices, è quibus herbas eliciat, sese induit lumen. præterea sidera nihil usque agerent extra illud hemispherium, quod illustrant. Nunc non agimus de calore. aliud enim agunt cùm calefaciunt. calor enim aliud à luce est. At Martis sidus in sexta domo non illustrat me : & tamen afficit morbo. Quod qui negant, nihil aliud norunt quàm negare : in quibus plus inscitix & pertinaciæ agnoscas, quæ evires, quàm sapientiæ ac constantiæ, quas sequare. Neque enim eos puduit etiam Hippocratis verba in prognosticis detorquere : quibus monet ille, cælestia quædam observanda esse. Isti verò temporum tantùm mutationes ab Hippocrate designari dicunt, qui non légerunt in libro De aere,

aere, & locis, aſtrorum ortus & occaſus ab Hippocrate commendari. Præterea ſub Cane quare ſunt incommoda medicamenta? nam tum Sol altiffimus non eſt, neque dies longiſſimi: & tamen æſtus maximi ſunt: non ob ſiccitatem præcedentem, ſed vi ſideris: Nam etiam piſces ſub aqua ſiderantur. Quin iidem ajunt à Lunæ vi mare non moveri. ſed neſcio quem repercuſſum promontiorum, in quæ incumbit. Adeò ſunt impudentes, ut ſectam fortuitorum non pudeat inſtaurare: cum tamen ſeſe Galenicos vocent. Atqui quæcunque ordinario moventur motu, certam motoris cauſam habeant neceſſe eſt. Præterea curſus & recurſus potius inter Africam & tractum Europæ debuit effici. At contrà, videmus ea loca præter-radere pelagus, regredi- que ab Oceani alveo, unde nulla ſunt promontoria: ſubire quoque adverſos fluvios ſtatis horis: quæ nunquam aut Lunæ fallant motum, aut fallantur. Illud quoque ignorarunt, cùm argumentantur, Lunæ motum diverſum eſſe propter epicyclum: ergo maris refluxum, ſi à Luna ſit, variari debere: At non variatur, inquiunt, cùm Luna illi nihil: ignari verò quemadmodum Lunæ motus ille non eſt, ſed primi mobilis: maris autem ſtationes deduci ſecundum Lunæ corpus, quod certis momentis fuerit conſtitutum: cujus ratione ac ſitu æſtuariorum ceſſiones reſeſſuſque ſiſti, aut incitari videamus: ita ut poſt initium ſeptimæ ad nonæ uſque finem. item ab viceſimæ initio ad calcem viceſimæ ſecundæ, maris mala-

cia



cia observetur. Verùm quod de constantia eorum desiderari dicebamus. ita sanè est. Nam quo vultu negant iidem, stellas suo lucere quanque lumine? Ajunt enim eas id ab Sole mutuari: cùm tamen utrique Lampyridum generi lumen extra Solem cogantur agnoscere attributum. At verò si ab Sole lucent sidera, atque eadem non nisi lumine agunt: ergo solus Sol agit. omnia igitur unum erunt: ab uno enim principio profisciscuntur. Unius enim lux, ab una luce actio. Postremò Veneris sidus nunquam conspicitur dimidiatum, veluti Lunæ corpus: quare ab sese lucet. Æquè cæca altera horum sectæ pars: quæ præter calorem nihil hîc agi putant ab astris. Sed illi nihilo felicius, qui ab sideribus frigora effici posse non putant: propterea quod lumine agant: lumen verò cum calore sit. Principiò hoc falsum est, lumen nusquam esse sine calore. In rebus enim per se frigidis & extrinsecus quoque glaciatis, lumen est in tenebris. Præterea falsum & illud, omnia astra ubique lumine agere. Tum calor non semper eodem intelligitur modo. nam vivit cicuta: qua vivit, calidior est quam piper mortuum. Vita enim ab igne non est, neque ignis, ut ex Aristotele suo diximus loco. Frigus quoque res est quædam positiva: agit enim. nam ridiculum est dicere terram frigidam esse, quoniam cum igne non est mixta. sua enim forma frigida est: ergo habet causam positivam & primam, & secundas.

Erat in codice mendum, ἰπέχας pro αἰπέ-  
 ρας.  
 A P O-



## APOTELESMA XI.

*Si ab aere aut nube ; sidera horum quippiam pati videantur , signum debilius est : sin ab aqua aut grandine , fortius. indicat enim in corporis intima humidum ac pituitosum illapsum incrementum. Conferitur huic plurima exudatio : quam perficiet , si leviori cursu primum , mox etiam omnibus indutus vestimentis frequentius concitetur. Tum verò id quoque curandum est ; ut postquam sese exercuerit , deambulet jejunius multum. Præterea quinque dies totos expedit victitare , tertia dempta ciborum parte. Quòd si malum valentius videatur , etiam vaporario opus est. excrementa nanque per summa corporis educi debent ; propterea quòd nocumentum in ambitu corporis est. Cibi verò sicciore conducbiliores sunt , item acres , tum asperi meraciores : postremò ii labores , qui maximè exiccant.*

## CÆSAR.

Dixerat siderum incommoda , quibus certa morborum genera denuntiabantur : nunc subdit causas incommodorum : ut in species deducat. Statuit differentiam inter nubem & aquam : propterea quòd nubes plus obtineat aeris : idcirco minus indicet discriminis huma-

46 IN LIBRUM HIPPOCRATIS  
 humanæ vitæ imminentis. Cum aere nanque  
 animam nostram conjunctam esse vitalibus  
 officiis, tum alibi sæpius, tum in libr. De spi-  
 ritu declaravimus. Explicat deinde ἔστιν ἀπο-  
 λεύσμεναι Pituitæ, inquit, argumentum est.  
 Sed divinitus dixit, φλέγμα ὡδὴ, non φλέγμα:  
 quoniam nullus humor in corpore purus est:  
 quemadmodum sensit Galenus in libris De  
 morbo & ejus causis: quanquam in hoc visus  
 est sibi contradicere. verum hoc alterius ope-  
 ræ est. Declarat locum vitiosi humoris, à  
 circumferentia introrsum delati. Sidera enim  
 ambitum significant. Ponit curam: retrahit  
 scilicet à vitalibus ad loca, unde fluxerant.  
 Summa deliberationis sic pote est, Sudor  
 confert. Neque verò dixit, Sudor: sed, Su-  
 dare: ut ex actione artificiali sequatur sudor.  
 Ponit modum: primum, leviter: deinde, in  
 vestibus: postremò, frequenter. Et ante ci-  
 bum exerceat se: ne scilicet cruda in venis e-  
 vocentur. Postea deambulet: ut si quid te-  
 nuioris antea eductum est, id attenuetur de-  
 ambulatione, quod est relictum crassum. tum  
 indicit victum parciolem. Hactenus de aeris  
 aut nubis indiciis: De grandine verò & aqua,  
 quòd sint vehementiora, post hæc dicit, In  
 morbo valentiore, etiam vaporario utendum.  
 aperit enim magis. Statuit rationem: Quo-  
 niam, inquit, evocanda sint ad cutem nocu-  
 menta.

Tum apponit victus modum. Siccis cibos  
 laudat. ne augeatur succus malus, pituitosus.  
 Acres proponit, ut excitent, & penetrent, &  
 inci-

incidant. sic origanum pituitosis Galenus dat. Asperis uti jubet, ut abstergant, & impediane ne intrò plura recipiantur. Addit meraces esse debere: intellexit valde asperos, quorum vis aliorum mistione non sit diluta.

Postremo loco similes apponit labores cibis: scilicet exiccantes: ii sunt, labores vehementes. Nam labores quidam sunt qui humectant: ut moderati, quibus solvuntur partes crassiores citra sudorem: propterea crescunt qui sese ita exercent.

Ἐξ ὀλίγου προσάγειν, per initia paulatim ad sudores summos: nos diximus, Primum leviore cursu.

Προσάγειν ἐς πάντα ἡμέρας, eam victus rationem ad quintum usque diem producere. Nos hanc continuationem explicuimus sic: Totos quinque. Similis locutio est etiam M. Tullii ad Atticum, & apud Homerum in Iliad. δέχομαι πάντα τέλει. Herodotus in Thalia eodem quoque modo locutus est, ὑπὸ ἡμέρας πᾶσι τοῖς μέσσοις. Cohæret huic dicendi modo Plautina festivitas in Menæhmis, Elleborum potabis aliquot viginti dies. quo more etiam Aquitani nunc loquuntur. Sic idem in Pseudolo, At ne viginti modicis multavit minis. Addebant enim modum precio, etiam terminato.

Πυρεῖσσι, alibi fots & fomenta interpretantur: ac rectè quidem. hîc cùm de toto agatur corpore, vaporarium potius intelligimus, quas *stufas* Germani vocant. Sic infra distinguit τὴν πυρίαν ἀπὸ τῆς θερμότητος.

Διὰ ζῶντος, cutem intellexit, communi nomine cum colore. Color enim est affectio corporis visibilis in superficie per lucem. Nam oportet ut sit lux ab igni in mitione, & repercussus à terra: alioqui transmittuntur species per corpora pellucida, quæ Græci vocant diaphana, nos perspicua. Quomodo autem quædam in tenebris quoque videantur: & an in nigredine lux admista sit: in secundo De anima disputatum est. Nunc verò hoc agimus, cutis & coloris commune unum esse nomen apud Græcos, propterea quòd color sit in superficie: qui color cum visibilis sit, ab luce redigitur ad actu videndum. Nèque enim videretur, nisi ejus species (quàm barbarè atque ineptè Joannes Gandavus vocat intentionalem, nos immaterialem) educeretur de materia per medium ad oculum. Oportet enim in omni actione agens esse & patiens: sicut in tertio De anima disputatum est. Nam Platonis explosa jampridem sententia est, quì per ἐκπομπὴν putavit fieri visionem. Falsam quoque eorum esse sententiam, qui sensum agentem posuere, suo loco demonstravimus. Sicut ne illi quidem verum dicunt, qui negant ab luce educi species visibiles. Argumentum quoque eorum claudum est, nam quum dicunt agens patiente suo esse nobilius, rectum est: quum dicunt animam nostram esse nobiliorem, jam deficiunt. Nam corpora unde lux provenit, corpore nostro sunt præstantiora: intellectus illi, quorum vi lux agit, intellectu nostro nobiliores. Lux  
nobi-

nobiliōri modo accidens est , quàm ea qualitas quæ est in materia : quam ipsa afficit immaterialitate sibi simili. Nam in colore lucem materiæ admistam inveniens lux cælitus emissa , eam sibi associat , atque repercussa à terræ partibus , quæ ibidem sint , defert & ad oculum , & ad parietes. sicut videmus in vitro viridi elici speciem , atque impingi solo , aut laquearibus aut muro : eodem modo confieri visionem manifestum est. Neque visio nobilior est quàm lux. sine luce enim non fit. & lux aliquid omnino Dei est , vel præstantissimum. Illud quoque Averrois falsum est in secundo De anima , quum dicit , Colores ab luce habitum non acquirere : propterea quòd , inquit , lux solius corporis translucidi habitus est. verum est lucem esse translucidi habitum , sed non est solius. Nam etiam corporis lucentis habitus est , quod tamen non est translucidum. Quare non solum per lucem videmus , sed ipsam quoque videmus lucem. Sed idem in libro De sensibili & sensu , longè majore errore lapsus est , quum scripsit , Colorem sine luce , esse in potentia colorem. nam in medio quoque corpore solido color est : tametsi actu non videtur. Aliud enim est esse colorem , quatenus color est : aliud esse colorem , quatenus videtur. Accidit enim colori esse in superficie : potest enim etiam esse non in superficie. Deinde accidit ei actio lucis : neque enim absente luce perit color. Neque duæ ceræ superficies si jungantur , color corrumpitur : sed

50 IN LIBRUM HIPPOCRATIS  
unitis corporibus, unus fit. At visilem esse;  
est proprietas fluens ab essentiae principiis.  
Semper igitur visilis est, licet non semper vi-  
deatur. Neque est potentia visilis, sed actu.  
actu enim habet suae essentiae principia, quibus  
videri aptus natus sit. Non igitur est affectus  
superficiei primò & per se, sed corporis. Lux  
ergo cum mixture elementorum efficit co-  
lorem esse colorem, & esse visilem: à cælo  
autem demissa ab Sole, Luna, Venere aut  
aliis, non facit colorem esse colorem, neque  
esse visilem, sed actu videri. Verùm videar  
adversari mihi, qui dicam à sideribus agi e-  
tiam ubi lumine suo non contingunt. Nam  
si sola intellectione movent orbes suos intel-  
lectus, longè præstantiores sunt eorum affe-  
ctiones quædam, quàm ut sequestro lumine  
opus habeant. Igitur, inquiet aliquis, si ne-  
gasti lumen intra terram admitti, qua ratio-  
ne nunc dabis in solidis corporibus mediis co-  
lorem esse, in colore esse lumen? Facilis re-  
sponsio est: aut ab initio, aut ab æterno ( ni-  
hil nunc refert ) mixtam esse lucem in condi-  
tione coloris, dispertitamque multis rebus,  
sicut etiam elemento ignis: atque hanc mi-  
xtionem in colore ab igne esse misto, non ab  
astris defluere nunc. His de causis Græci eo-  
dem vocabulo & colorem & superficiem ap-  
pellarunt. Quoniam translucida corpora non  
videntur, idcirco quia eorum superficie non  
reflectitur specimen: Quare in visione refra-  
cta necesse est, remum videri curvum. pro-  
pterea quòd, quæ pars extra aquam est, re-  
sta

Ita videtur : quæ sub aqua , ea per aquæ superficiem repræsentatur. Ergo necessario fit visio angularis. Si enim esset corpus purissime diaphanum , qualis aer est : non sic fieret. At aqua non ita est translucida , quin habeat id crassitudinis , quod sit satis ad reflectendum.

Calvus *πῆς σίτησις*, malè interpretatus est , vinis. neque enim vino solùm , sed etiam omni cibatu sicco præcipit utendum.

## APOTELESMA XII.

*Quod si horum quippiam Lunæ acciderit : commodius introrsum retrahimus. Acris quoque , ac salsis , mollibusque cibis vomitus ciendus erit. Concitatis tum cursibus , tum deambulationibus , præterea vocis contentionibus utetur. Nec non ciborum moderata , statâque exhibitione inediâ tolerabit. Propterea verò introrsum retrahendum erit : quia nocumentum intus est.*

## CÆSAR.

Transit ad cava corporis , per Lunam : quemadmodum suprâ monebat nos. Itaque per vomitum procurat. Addit modum , Mistis acris : ut aceto , salsis & mollibus , ut garo , muria , oleo , piscibus. Acris nanque ventriculum pungunt , falsum detergit , molle supernatando nauseam facit : ergo ex ea discordia movetur ventriculi fundus ad expulsionem per suprâ , quæ est vomitus definitio.

nitio. De quo stultè nimis litigant: naturalis sit, nec ne. Quasi dubium sit, quod sit per instrumenta naturalia, nulla arte adhibita ut naturam juvet, an sit naturale. Nam si agens, instrumenta: finis, natura est: nonne erit naturalis effectio? sed quia finis partim est naturalis, quoniam exonerare vult ventriculum natura, rebus sibi officientibus: partim non naturalis, quoniam ordinarius non sit: idcirco dubitare Sophistæ potuerant. Itaque Galenus in lib. quem inscripsere De motibus liquidis, mistum posuit, tam à vi voluntaria, quàm à facultate naturali: sicut & anhelationis motum. quanquam verè mistus dici nequit: quippe à sola naturali vi aliquando proficiscitur. Neque enim rectè argumentere: anhelitus ab utraque potest fieri, ergo mistus est. Sicut densatio tam à frigore, quàm à calore potest evenire, ergo mista effectio est. Nam voluntaria actio in membris mera nulla est. habet enim instrumenta naturalia: At naturales duplices aliæ meræ, ut concoctio. aliæ coherentes voluntati, sed non semper, ut anhelitus: quare mista actio non debet dici, sed potius indifferens. Clamabunt nunc de nominibus. At nos respondebimus, etiam pecudibus res notas esse, atque asinis: solius autem hominis interesse rectè loqui. Est enim instrumentum maximum rationis oratio: cujus pravitate distorquentur ingenia. Galenus in libro tertio de potestatibus naturalibus, vomitum violentum esse scripsit. quippe rectè. vomitus enim est contrarius deglutioni. Quare




re tametsi instrumenta naturalia sunt, tamen eorum officia non sunt naturalia. Verum, uti dicebamus, aliquo modo officium quoque reijciendi erit naturale. si enim non esset à natura, non fieret. Sed ordinarium non est: sicuti neque canem tripudiare. Itaque si respicias ordinariam utilitatem, malus motus erit: si intelligas finem, bonus. Quæ autem sint causæ vomitum cientes, diversis operis ad varios spectant libros.

Dixit, τῇ ἀφαιρέσει, καὶ προσπαύσει. Quoniam non statim, aut penitus totum cibi demensum auferendum est.

Cum autem ἀντίπαυσις sit retractio ad contrarium: quanam ratione hinc est eo verbo usus? Nam si intus malum est: intro qui trahit per vomitum, nunquam retrahet in contrarium. Solutio: præveniendo curabit, ne extrorsum procurrat. Sic retrahenda moles sanguinis est in pleuritide ad remotiora loca, ne addatur collecto humori alia pars eò apta fluere: quamobrem contraria in parte vena secanda erit. Nunc misceant cælum terræ. Principiò non est disputandum, senseritne Galenus hoc, senseritne Hippocrates: sed eos fatendum est, ab eodem latere præcepisse: id quod & omnes clamant, & nos ultrò profitemur. Quinetiam ex Barbaris (sic enim omnes, isti præ se solis, vocant) Rasis idem scriptum reliquit. Et Hippocratis verbum est, κατ' ἐξιν: quod verbum neque Curtius, neque alii complures intellexêre: qui καθ' ἐξιν, id est secundum habitudinem, scriptum fuisset.

se existimarunt : atque ibi propterea quàm multa cogantur dicere , ipsi viderint. occasio autem erroris fuit locus in libro De victu in morbis acutis , ubi est *καὶ τὴν ἑξίν καὶ τὴν ἑλίκιαν*. verùm *ἑξίς* Ionica vox est , quæ significat directionem ac tractum , *καὶ τὸ ἑλίκιον* unde *ἑξία*. ea in composito utitur Herodotus in Thalia , semel atque iterum : *μέρος ἐξί καὶ τὸ ἀπὸ ἑξί καὶ τὸ μάλαν*. Item in Terpsichore , & alibi. *καὶ τὴν ἑξίν* autem non semel apud Hippocratem. Galenus usitatiores verbo & ibi , & in tertio De crisibus declarat : *καὶ τὸ ἐν θυμῷ* , inquit , fluit sanguis per dextram narem ab jecore , per sinistram ab liene. Hippocrates alibi saepe *καὶ τὸ ἐν θυμῷ*. In secundo Epidem. *καὶ τὸ ἀπὸ ἑξί καὶ τὸ μάλαν* , & οἷς *καὶ τὴν ἑξίν*. Idem in primo De morbis : *τὴν φλέβα ἀποσκάσαι τὴν ἐν τῇ χειρὶ , τὴν ἀπὸ τῆς κεφαλῆς καὶ τὴν ἀπὸ τῆς ἑλίκιαν καὶ τὴν ἀπὸ τῆς ἑλίκιαν καὶ τὴν ἀπὸ τῆς ἑλίκιαν* . ut desinant illi suum *καὶ τὴν ἑξίν* intelligere de rectitudine villorum quibus venæ constant. Quasi verò villis trahat vena , non autem simplici calore. Non enim movetur vena , neque renes aliò trahunt , quàm simplici facultate sine instrumentis motus. Sicut ne jecur quidem. Est igitur Galenus , aut quis alius senserit hoc. Quid ? cum Galeno interiit universum humanum ingenium ? nonne artes per secula ceperunt incrementa , vobis ipsi imponitis silentii servitutem ? nonne hæ sunt scientiæ liberales ? Respondent , Credendum Galeno : quoniam vita brevis , ars longa. Sanè. Ars adeò longa fuit ,

fuit, ut illius vitam excefferit. Itaque Arabes medicinæ finem imposuere. Quare hîc videamus pro ratione atque experientia utrum sic agendum. Ratio igitur à fine peti debet. Finem, in quem intendimus, hunc esse par est, prohibere sanguinis copiam, ne ad malè affectum concurrat locus. Hoc autem agimus, ne virtus opprimatur. Ergo ab opposita parte sanguis detrahendus est. Colligitur autem hoc Geometrica demonstratione.



*B* Sit dolor in latere sinistro : aperta indidem vena plus trahet à dextro in sinistrum, quam dextra incisa in sinistrum. Plus enim humoris est inter circumferentiam dextram, & doloris locum, quàm inter e-

undem locum, & circumferentiam sinistram. Sit itaque pectus hominis, *A, B, C, D.* medietas, *H, I.* dolor, *E.* vena Galenica, *F.* vena Avicennæ, *G.* plus est humoris inter *G,* & *E,* quàm inter *E* & *F.* Ergo incisa *F,* & minus auferet, & plus attrahet, facto motu. unum habent quò profugiant : non prodesse, quoniam nulla sit, ut appellant colligantia. Ac nos dicimus, non nunc agere, ut quod fluxit detrahamus. neque enim magni momenti est : neque quisquam prima statim die mortuus est : sed post multam affluxionem, quàm tollit vena contraria remota : vena autem e-

jusdem lateris non solum non tollit, sed etiam trahit ad locum male affectum. Itaque toto post facto fluxu, ex eadem parte nos quoque detrahimus. Quod autem verum sit quod dicimus, videmus quotidie. Sæpe enim numero evenit, ut secta vena in adversa parte, ad latus illud dolor sese transtulerit, relicto priore loco: ut appareat eos falsa dicere de colligantia. Ac de ratione quidem hæc. De experientia autem quid dicamus, facile in promptu est: Jam duodeviginti annos nisi unum vidimus, ex eadem parte incisa vena, evasisse. Et sanè corpus erat athleticum, ut etiam magis miraremur. Verùm scimus multos etiam sine phlebotomia sanos factos. At plus octoginta redeimus in commentarium quinto abhinc anno, qui omnes eo curandi genere sint extincti: cùm plus quingenti his duodecim annis evasisent, quibus in adverso cubito vena aperta fuerit. Verùm isti objecto nobis nomine Barbariæ, solum Galeni nomen etiam adversus invictas rationes crepant, ajunt que malle sese cum eo errare. Errent igitur.

#### A P O T E L E S M A XIII.

*Si Sol harum rerum ullæ afficiatur, vehementius malum hoc, curatūque difficilius fit. Oportet enim utroque versum distrahere, cursibus & rectis, & flexuosis: item deambulationibus, aliisque omnium generum laboribus: præterea instituta ciborum temperatione post vomitiones, ad quintum usque diem.*

## C Æ S A R.

Tertiam partem excutit ab Sole: qui cum media corporis significet, difficiliorem morbum indicabit: propterea quod & intrò & foras distrahendum erit.

Dixit *δυοῖα γωγώτερον* propter eam rationem: Duas enim in partes, eas denique contrarias educendum: quoniam cum intus laboramus, ea pars proprior est vomitioni & dejectioni. cum in exteriori circumferentia morbus apparatus, sudore faciliè extrahitur. at in medio si sit, & hoc & illud cum sit agendum, operosior sanè cura videatur.

Posuit ἥ, pro eo quod est *γὰρ* est enim ratio difficultatis.

Dixit *δρόμοις ἔ πρόχοις*, complexus utrunque currendi genus, rectum ad metam, & curvum circum metam. Rectus autem fuit triplex: primus, simplex stadium: secundus, duplex uno cursu stadium, quem *δύλιχον* appellarunt: tertius, duplex reflexus recurso, quem *διὰυλον* nominabant. eum cordis cursui, quod ad vitam spectat, comparat Aristoteles. Falsum igitur est. quod in codicibus Suidæ scriptum circumfertur, stadiodromos longiorem tractum exhaustire cursu, quàm dolichodromos. At contrarium constat ex epigrammate Parmenionis, quod qui volat quæret in primo libro. etiam proverbio raro; atque ab istis proverbialibus præterito, insigne, *μὴ ζητᾷ ἐν σταδίῳ δύλιχον*. Pollux in tertio, more suo vocum farragine osten-

58 IN LIBRUM HIPPOCRATIS  
tata, ignoto nos alere cibo instituit. nihil enim declarat.

Calvus pessimè transtulit, Utrinque deducito. Imò verò utroque : scilicet ad intima, per vomitum : ad extima, per sudorem. ergo ἀμφοτέρως non ἀμφοτέρωθεν scriptum est, sicut ὕδασι, non ὕδαθεν, ut loquitur Aristoteles.

Mirum, in hac affectione remedium à venæ sectione non attigisse : nisi si putemus partem hanc pertinere ad curandi artem, non ad præservandi. Quod locis aliquot innuere Galenus videtur, in libris De ratione conservandæ sanitatis. Dubitarit tamen quispiam. nam cum vomitum ciemus arte, quippe cibis acribus ac pinguibus : sanè ejusdem studii erit phlebotomia cum cursu, cum vomitu, cum lavacro, cum vaporario, cum fricatione. Verùm alibi ostendimus, sanantem & præservantem non remediis differre, ut putarunt veteres, & fortasse Galenus : sed sine. Quoniam sanans id quod non est venatur : illa quod partum est, servat. Finis enim etsi re ipsa unus est : at diversa ratione fit diversus. Facit & illud ad hoc, quod infra etiam ellaboro utitur.

#### APOTELESMA XIV.

*Sudo cælo sidera si premi, præque siccitate  
imbecilla superare ambitum nequire. Vi-  
deantur : periculum à morbo imminet. I-  
gitur laboribus temperare, humidioréque*

vi.

*vidu, atque molliore uti, operæ precium  
est: tum balneo, animi tranquillitate,  
largiore somno, usque dum pacatus sit  
motus.*

## C Æ S A R.

Redit ad sidera, assignâtque alias affectio-  
nes pro signis diversorum morborum à prio-  
ribus. Suprà posuit à plenitudine, nunc ab  
siccitate: sub qua comprehendit inanition-  
em. Siccum enim corpus succo suo eget,  
hoc loco. nam aliqua corpora cibi sicca sunt.

Posuit idcirco αἰθέριον: quoniam αἰθήρ τὸ  
αἰθέριον. Nos igitur signata voce, sudum: quòd  
esset sine udo. Calvus serenum, rectè: sed  
vocis radices non est affecutus. Agricolarum  
enim vox fuit, serenum, quo tempore seren-  
di & occasio & facultas est.

Duas ponit affectiones: primam, ἀλίβε-  
τον, onerari, aggravari, premi. Tractum ab  
jumentis, quæ sub sarcinis attritum tergo ha-  
bent. sic pigra astra intelligit. Altera affe-  
ctio, cum dicit, non posse ambitum supera-  
re: quippe ibi oppressioem indicat. ἀνιζοει  
intelligit, clivum orbitæ summum: sicut e-  
tiam in epigrammatis μελαφοεικώς, summas  
divitias. Nam αἰψίς quanquam rotæ curvatu-  
ram significat, supremam tamen orbis sedem  
agnoscunt Philosophi, qua maximè à terra  
distant: Augem nominant recentiores. Ad-  
dit causam: Præ siccitate, inquit. Quoniam  
veteres putarunt, ut nostrum ignem, sic ex-  
lestem

lestem ali humido. Ita Epicurus stultè nō-  
etis humiditate accendi sidera, die extingui,  
cū dicuntur occidere: ut Poëtæ ferendi sint,  
qui dixerint,

--*convexa palus dum sidera pascet.*

Statuit victum humidum: & materialiter,  
à cibis: & effectione, dupliciter: intus so-  
mno, foris balneo. Utrum autem somnus sic-  
cet, an humectet, puerorum quæstio est: id-  
circo quia jejunorum atq; inanitorum corpora  
siccescunt somno reducto introrsum calore  
naturali, qui reliquum hūmidum depascatur.

Posuit ἀλλὰ pro οὐ.

Ῥαθυμίῳ Calvus hīc quietem interpreta-  
tur, rectè: alibi desidiam, minus rectè. Ne-  
que enim interest hominis liberalis & frugi  
esse desidem: tranquillum & compositum  
decet. at Ῥαθυμία illud potius, quàm hoc si-  
gnificat. sed Græcorum licentiam, Romana  
castitate oportet temperari.

## APOTELESMA XV.

*Sin igneum calidūmq; appareat id quod  
oppugnat illa, flavæ bilis arguit exube-  
rantiam.*

## CÆSAR.

Non posuit curam: pone tu quietem, so-  
mnum, cibum frigidum atque humidum, vo-  
mitum quoque.

Τὸ ἐναντιόμῳ, quod oppugnat sidera: πυ-  
ροειδὲς καὶ θερμὸν, est πάρελχον, tum oratio de-  
scendit: Si dixisset, θερμὸν ἐ πυροειδὲς, com-  
modius



modius faceret. Duos tamen noxæ gradus recensuit more suo : vehementem primo loco, minus vehementem secundo posuit.

## APOTELESMATA XVI.

*Quod si victa evanescere videantur : timendum est, ne morte morbus finiatur.*

## CÆSAR.

Propterea quòd astra lucida sunt, eis cum vita nostra convenit sic satis. Spiritu nanque & luce constat calor noster naturalis. Itaque non temerè fabulantur, Promethei furta, ætheris sedibus sublectum ignem efficto corpori conflasse animam. ipsos item spiritus non solùm quasi instrumenta, sed veluti vinculum quoddam materialis atque immaterialis putabat Aristoteles. Animas quoque ipsas, quæ obnoxie corpori non fuissent, redire ad cava orbis Lunæ, ubi puro in loco agitent, cùm multi dixêre, tum eorum aliqui videntur ex Atlantico Platonis accepisse. quàm sententiam Euripedes explicavit in Oreste. Neque illorum mens ab horum sententia est aliena, qui in lacteo balneo felicium animas cælo perfrui prædicant : propterea quod suam illæ servarint naturam, cælestem scilicet, quam accepissent : deberi jure optimo easdem sedes, unde primùm profectæ sint. Neque enim fieri posse aliter, quàm ut locus certus certæ locatæ rei conveniat.

Rectè dixit, ἐς θάλασσαν καὶ νόστος, Indicavit enim tractum & motum humorum per dispo-

62 IN LIBRUM HIPPOCRATIS  
sitionem subeuntium lethaliū qualitatum,  
cū dixit, *ἐκ ἐς* duas complexus metas, to-  
tidem præpositionibus. Indicavit finem per  
*ἵνα* intelligo nunc finem, non perfectio-  
nem. Nam Aristoteles sapienter negavit, mor-  
tem finem esse: terminum dici posse non ne-  
gavit.

His rebus significatis ita respondent signi-  
ficantia: Nam *περίσπυα*, tractum morbi &  
pugnæ significat: *ἀπὸ ἀνίστατο*, tractus metam.

#### APOTELESMA XVII.

*Si autem vegeta ipsa, ac adversarias in fu-  
gam verti videatur, eaque fuga cita sit:  
illa verò persequantur: in discrimine homo  
est, nisi caveat, ne mente moveatur. O-  
ptimè confert his victitandi modus, exhi-  
bito veratro: aut saltem expedit, aqua  
victum attenuari, neque vinum bibere.  
Quòd si vinum detur, esto id album, te-  
nue, molle, aquosum. Acrīa nocent, &  
ea quæ desiccant, aut calefaciunt: item  
salsa. Labores quibus assueverit, & cur-  
sus frequentiores in veste boni sunt. Ab-  
stineat fricatione, lucta, unctione. Mol-  
liore somno, & animi quiete iuvabitur:  
sed ita, naturales labores ut ne præter-  
mittat. A prandio deambulato. Condu-  
cet etiam, si sudet in vaporario, ac dein-  
de vomat. Dies triginta modico victu u-  
titor. Sin replebitur, ex dulcibus, &  
aquo-*

*aquosis , & levibus bis in mense vomat.*

## C Æ S A R.

Ponit nunc eventum contrarium superiori : sed admiscet aliquid incommodi. Nam simpliciter dixerat , si astra vincerentur atque evanescerent. nunc contrà dicit, si vegeta sint. Sed addit , si fugit adversarius : non dicit , si vincatur. addit & id , illa persequi. Ponit post hæc significatum , furorem : magnum quippe motum indicari. Apponit curam duplicem , evacuante & regente. Evacuat elleboro : de hoc alibi. nam prisci illi sic agebant : nunc desitum est. Quamobrem quasi se emollit , cùm dicit , sin veratro nolint : at saltem humida mollisque victus ratio indicatur , ut & materia & forma simul adsint. Intellego hîc materiam , rem molliter crassiore , cujusmodi pedes sunt , atque extrema animalium. Intellego formam , contrariam calori ac siccitati , ut aquam : itaque interdicitur iis vino. Corrigit deinde imperii severitatem : saltem , inquit , album sit : subtile , molle , id est , languidum : & aquosum. qualia sunt apud nos vina Tridentina : item apud Alpinos , ad viculum , quem appellant Ferrariam. Acuta nocent , quia incitant : sicca , quia acuant : calida , quia movent : salsa , quia siccant.

Animadvertamus tamen , cùm addit labores acres , ac vehementes juvare. Facit enim dubiam sententiam hoc : siquidem exiccant : sed ita jussisse videtur , ut distrahatur materia à prio-

à priore motu atque excernatur è locis nobilioribus : quare postea quietem indicit. Illud quoque ambigamus, fricatio conferat, necne, quæ cutem inspisset. Nam altera, quæ digerit, mirificè conducit. Itaque unctionem quoque sustulit : propterea quod cutem efficit spissiore. Sic enim ab ἀλείπειν αἰλίνδης : nisi sit αἰλίνδης aspirata, ὠδὲ τὸ ἄλλο. Sic etiam in secundo De victus ratione. Tandem amovet labores exercitiorum : quoniam reliquæ humorum in quietis officio sunt continendæ. Per somnum igitur humectationem quærit, ac propterea sudorem. Optimo verò consilio quies quæritur : motui nanque contraria est : Et à motu timetur ægritudo : alioqui motum contrarium exegisset. Sed inordinato furoris motui nullus est contrarius motus : sola quies pro contrario præcipitur. Neque potuit jubere, quod fecimus nos : qui tyronem, quem milites declivo in dolio demississent, vertiginosum, ac stupidum factum curavimus, contrario motu, sed levi repetito.

Ordinarios labores continuat, nequid sordium in membris relinquatur : eos appellat naturales, scilicet qui vim naturæ non afferunt, qualis deambulatio. Nam iuxta artis est : quod & ex epigrammate discimus, luctam Argivorum esse, non Afrorum. Si enim naturalis esset, esset item omnibus gentibus communicata.

Sudorem tantum quæsit à vaporario : majus tamen commodum adipiscimur ex lavacris.

cris. humectant enim, non solum resolvunt, ac digerunt.

Dixit, *περιφθιῶναι*, contrarium, *τὸ ἀφανίζοιτο*, ut monebamus, astra ali humido eorum sententia. Sic Ptolomæus Lunam esse humidiorē, quippe quæ proxima terræ sit: Saturnum frigidum, quia distet à Sole. Verum & falsa est sententia, & ridicula: falsa, nanque Venus prope Solem est, sicut Mars, à Marte adcò diversa, ut eum temperet: ridicula, cum putat effectiones esse causas causarum suarum: ut omittam eum sibi adversari, qui in signifero eodem terna astra quaternis conjugationibus agnoscit inter se non solum diversa, sed etiam contraria. Calvus verbum *expressit*, sententiam oppressit: sicuti *τὸ ὑπάρχειν*, cum interpretatus est, quod adest. Nos rectius, quod inflat: quod subsistit, dixisset T. Livius, ut in primo, feras subsistere. sed *τὸ ὑπάρχειν* est, laceflens: ut est apud Demosthenem in oratione contra Neæram, *ἔχ' ὑπάρχει, ἀλλὰ πικρὸν ἔστι*. & mox, *τὸ ἔχθρας πρὸς τὸ ἑστὶν ὑπάρχειν*. Haud multum abest ab illo Platonis in Eutyphrone *ἐπεξίεναι* nos dicimus Latine persequi.

Nota, *τὰς ἡδὲ δὴ αἰέτας* scilicet intelligit. Dixit *κρατητέρας*, ut ostenderet ellebori vim. Brevitatem observamus ex illis verbis, *εἰδ' αὖ* nos sin autem.

*Τεῖψις*, unde *τεῖσάδες*. Notavit genera gymnasiolorum, *ἄλμα, ποδωκείων, πάλιν*, tria tantum inter cætera.

Adverte *μυθλακινδύτω*, scilicet naturam aut

66 IN LIBRUM HIPPOCRATIS.  
morbum, aut habitum. Nam alius dixisset  
*μαλακωδύου.*

Calvus sententiam contraria sententia expressit jucundè, *παλὴν τῇ καὶ φύσιν πόνων*: ne laboret, inquit Hippocrates, nisi laboribus naturalibus. Ille sic, cæteris laboribus præternaturalibus superседeto. Sed vocem addit unam, Cæteris, ut opinor incommodius. Cum enim dixisset, somnum, quietem, alia generâ procuret: non debuit addere verbum, cæteris. Neque enim ii labores sunt, sed quietes, somnus scilicet, ac desidia.

#### A P O T E L E S M A X V I I I.

*Si stellæ nullo impellente; per se ipsæ palantes videantur: animæ perturbationem propter curas indicant. Ergo animi remissione opus est, atque appulsione ad jocosa spectacula, aut saltem ad scenicas voluptates biduo, triduove. Itaque aut sedabitur, aut in morbum incidet.*

#### C Æ S A R.

Vexari ab hoste docuerat, nunc sine hoste ponit perturbationem, si stellæ vagari videantur nullius impulsu, sed suapte agitatione: sicuti cum vagantur ii, qui laborant lycanthropia. Indicatur igitur causa esse intus. Dixit animæ perturbationem, quoniam, ut diximus, putabant animæ affectionem esse mærorem, furorem, & alia talia: id quod nisi ita intelligas, nequeat cum signo convenire.

ponit

ponit curam , spectacula : sed addit , aut sedatum iri , aut in morbum casurum : penè ridiculè. Neque enim absimile illius est, O Laertiade quicquid dicam , aut erit , aut non. Quare verò non apposuit curam , quæ à morbo præservaret ? an quia rarò admittunt medicamenta , quibus quicquam possint proficere ? Neque enim ex anima excernitur quicquam per ea , quæ dejiciuntur. Stultè nanque dicat aliquis, excrementa esse animæ partem, quamquam deteriore. Verùm ubi corpus simili jam affectum fuerit qualitate , tunc curando ipsum , tollitur morbi sedes. Ita dixeris , si cum illis intelligas animum affici. Sic morbum , Erotæ , curant castigando. Ego verò cum meliori seculo nego in anima quicquam esse morborum , sed in spiritibus , ut in rebus species deferentibus. Sublatis enim humoribus cessat furor. ii enim quales quales sunt , tales erunt effectiones.

Ponit differentiam inter jocosa spectacula, id est, ridicula : & τὰ θεάματα simpliciter. Multa enim genera sunt scenicarum spectationum seria, eadèmq; jucunda : ut Trinummus , ut Captivi , & alia , Plutus , Ranae , Nubes.

Dixit , πλανῶται. Nos ad verbum , palare : indidem nanque deductum est Latinum nostrum.

## APOTELESMA XIX.

*Quæ sidera ex orbita sua excidere videbuntur , ea si pura , si illustria prorsum promoveantur*

*movent, bonæ valetudinis argumentum præbent: Quod enim in corpore parum est, id naturali circuitione post vesperras admanè excernitur. Nam quæ in ventrem demittuntur, & quæ in carnem redundant, ex circumferentia omnia deciduntur.*

## C Æ S A R.

Nunc illam explanat partem, in qua dicebat sydera ab orbe suo aberrare. Et duo statuit. Aut enim ab occasu ad ortum tendunt: ea est illorum rotatio naturalis adversus primi mobilis diurnam versionem; igitur significat parum esse, quòd acutè demissum sit: Aut è contrario feruntur. atque hoc sequenti apotelesmate explicabit. Nunc verò expultricis declarat vim: quæ de rebus attractis cognoscit, ac judicat: expellitque quod excretum sit, aut à se, aut à subserviente sibi excretrice. Intelligo nunc excernere, separare. Addit autem motui qualitates duas: puritatem, & lumen. Multa pura sunt quæ carent lumine, ut translucida corpora. Nam lucem habent, quoniam transmittunt species: lumen non habent, quia non emittunt. De igni autem dubitatio est, & alibi discussa à nobis utranque enim naturam videtur obtinere: idcirco diximus, multa: non, omnia. Præterea illustria sunt non pauca, eadèmq; impura. Impurum voco, quod admistum quippiam habet non illustre, ut & alia multa, & Luna ipsa: Maculosa enim est, non ex luminis, ut ajunt  
refle-



reflexione, sed ex diversitate partium. Nam quid mirum? Nónne diversum est ipsius corpus à cælo? nónne ipsa dicitur tota lumine carere? Reddit rationem sanitatis: propterea quod à corporis circumferentia quod demittitur, purum esse indicatur, sive in ventrem recipiatur, sive in carnem redundet: & quantum quod expellitur in ventrem: & quantum quod retinetur ad alendum, recensuit. Dixit igitur *ἐκκελίεται*: quoniam superfluum est, nec tamen vitiosum. In quantitate peccatur, non in qualitate: purum enim est.

Dixit, *πρὸς ὧν* intelligit ad exortum. Is enim motus syderum horum est, quæ circa octavum feruntur orbem. hoc autem declaratur sequenti apotelesmate: in quo contrarium motum explicat, cum dicit, *ἔκ πρὸς ἐπ' ἀπέρην*. Itaque Calvus benè, ac scitè legit *πρὸς ἢ ὀρθρον ἔχδ*: non ut vulgò scriptum circumfertur *πρὸς ἢ ὀρθρῶς ἔχδ*.

Non est contemnendum quo pacto illud intelligamus *ἐν τῇ κοιλίῃ*. Nam in ventre non fit separatio eorum, quæ à cute demittuntur: sed expultrix exigit à cute ad intestina: itaque ad intestina melius, scilicet *εἰς τὴν κοιλίαν*.

## APOTELESMA XX.

*Quod si aut atra, aut obscura fuerint, & in occidentem delata, aut ad mare, aut ad terram devergant, aut ferantur sursum: mor-*

*morbumporrendunt efficacius. Quæ sursum nituntur, capitis indicant distillationes. Quæ ad mare demittuntur, tubera in carnem designant eruptura. Commodè his cibi tertia detrahetur pars. Quem vivendi modum in quartum usque profert diem: atque interea vomet: postea in dies totidem tum vomitus, tum pristinam inhibet cibi rationem.*

## C Æ S A R.

Nunc alteram partem expedit contrariam superiori per motum, cum astra ad occasum devexa videbantur: Item per qualitatem. Atrum, inquit, aut obscurum: atrum puro opposuit: propterea quod à terra nigrorem fieri putabant: inter quos etiam fuit Theophrastus. Terræ autem natura maximè distat à superioribus. Altera qualitas directo opponitur superiori commentario: quippe obscuritas luminis.

Post hæc cælestia cum elementis conjungit in motu: Nam motus aut à centro est, aut ad centrum, aut circa centrum universitatis: idque dupliciter: aut ab Subsolanio in Favonium, ut diurnus motus: aut è contrario. Præterea hîc quoque variatur tribus modis. Primus est, propterea quod tam octavæ sphaeræ, quàm planetarum poli alii sunt à polis mundi: itaque devexiore spatio feruntur. Secundus est eccentricorum, quorum apsidem intelligimus. Tertius epicyclorum: quos frustra

stranituntur excludere Peripatetici : idcirco quia & centrum , & universum motum extra centrum terræ habeant. Nam quod ajunt , omne quod movetur , circa stabile aliquod moveri : fatemur. Cum dicunt terram esse illud stabile : negamus. Sed poli sunt illud stabile , ob quod rotationes versantur. Nam si terra in causa esset , qua moverentur , tunc quorsum versus contingeret , verti possent , in Meridiem , in Septentrionem. Et ridiculum est dicere , cælum non moveri posse , nisi subesset terra stabilis. Satis enim est habere punctum medium circa quod moveatur. Duo enim stabilia necessaria sunt in rotatione globi : profundum , & latum. Nam ipse motus in longitudinem fit. Sicut circulus si moveatur , satis habet : quoniam profunditatem nullam habet punctum in media latitudine quietis sedem. Igitur centrum mundi , est sedes quietis in profundo , poli in latitudine , motus in longitudine. Si igitur hæc satis sunt ad motum : ubi vis fieri potuit ut minores cæli in majoribus versarentur. Satis enim est naturæ cæli , si neque ad centrum , neque à centro moveatur : quoniam neque levis , neque gravis sit : itaque propter hanc naturæ rationem circa centrum vertitur : propter odorum rationem suorum , suo motu vertuntur epicycli. Ergo si per somniorum species ascendere videantur : superioris corporis notabis partes. Nam ita quoque in animalibus , sive reptilibus , sive piscibus , τὸ ἄνω , intelligit Aristoteles , totum pectus , & caput : τὸ ὑψίται , quæ inde

72 IN LIBRUM HIPPOCRATIS  
 inde in caudam, aut ad pedum ima: cùm ta-  
 men è situ piscium, pars superior videatur  
 dorsum, & occiput: inferior autem maxillæ,  
 ac venter: sed has pronas, ac supinas maluit  
 ille appellare. Nam ita divino viro visum est,  
 nobilissimam partem ei parti comparandam,  
 unde duceret originem: scilicet caput, cælo.  
 Sic etiam dicimus, dejicere superflua cibi ab  
 ore ad exitum excrementorum. A mari au-  
 tem ventris indicia sunt. unde & Latini al-  
 yum ab aluendo dictam voluere: quanquam  
 nos aliter suo loco. Tum quia inter cælum,  
 & terram est: tamen à terra non indicat pe-  
 des, sed carnem, in quam tubera eruptura  
 minitatur. Sed ita illi placuit, ut diximus:  
 quanquam ne omnia quidem tubera terrestria  
 sunt.

Mirum distillationes ex ascensione indica-  
 ri. Nam contrarius motus est. Intelligendus  
 est ascensus vaporum prius, mox descensus  
 eorundem condensatorum.

Interpretati sumus, τὸ μῦθον, efficacius:  
 scilicet quàm cætera. Quoniam signa excel-  
 lenti prædita natura sunt, statòque motu,  
 non temerè, moventur: à quo si aberrarint,  
 validiorem causam subesse putandum est.

Dixit, ἡμίσηται πὲρ σπία πάντα id est com-  
 parare. verbum est agricolarum convehen-  
 tium fruges. quo & Hippocrates alibi, & Thes-  
 salus filius in legatione usus est.

## APOTELESMA XXI.

*Horum si quid in cælo insidere, idque pu-  
 rum,*

*purum, humidumque apparebit; sanitatis nota est. etenim cælitus id in hominem descendit: quippe anima tale cernit, quale in ipsam ingressum est.*

## C Æ S A R.

Ponit quietem, cum dicit,  $\iota\phi\acute{\iota}\zeta\epsilon\alpha\lambda$ : ergo humorum concordiam. neque enim aut summa, aut ima mutant. Ponit calorem, & lumen, quasi formam vitæ: scilicet stellarum puritatem. Ponit materiam, & pabulum: scilicet humiditatem. Post hæc signa, ponit significatum: quippe sanitatem. Ponit inde rationem signi, & significati: idcirco quia cælitus descendit. Habet hoc probationem à cælorum proportionem cum vita nostra. itaque iisdem vocum lineamentis, & calor, & vita, & cælorum Deus dicta sunt,  $\zeta\epsilon\iota\nu, \zeta\eta\nu, \zeta\epsilon\iota\varsigma$ . Astruit postremo loco rationis probationem. Quoniam animam, inquit, tale cernit, quale à Diis immortalibus, cælesti de sede demissum recipit. divina sanè sententia, qua demonstrat animæ cum cælo conjunctionem. Habet autem Geometricam rationem: propterea quod à cæli circumferentia devehuntur divinæ illustrationes, quæ per animam perinde, atque per cognationis hospitium transeunt in res corporis elementares, tanquam in centrum linearum.

E'  $\epsilon\alpha\iota\theta\iota\sigma\tau\omicron$ , ab æthere, id est à cælo. quoniam  $\alpha\epsilon\iota\varsigma\theta\epsilon\acute{\iota}\varsigma$ . semper enim perpetua vertigine volutatur. Itaque Plato in Cratylo inde deos dictos putat:  $\iota\omicron\nu\lambda\alpha\varsigma$ , inquit,  $\delta\phi\acute{\epsilon}\rho\epsilon\omega$ . Solem, ac

D

Lunam.

Lunam. quanquam maximus ille vir paulò infelicius addidit etiam Tellurem : quæ sententiæ huic non solum non serviret, sed etiam adversaretur. Neque enim movetur tellus, nedum ut θεός sit, à cursu. Quare in undecimo De legibus castigatus est locutus : ἡλιόν τε, ἔ σελήνην, ἔ ἀστέρα, ἔ γῆν, ὡς θεοὶς ἔ θεῖα ἐντα. ut priores θεοὶς dicat : terram autem θεῖαν. Assentitur Aristoteles quoque Præceptorī suo : qui in primo De cælo ætherem ab æterno cursu dictum vult : castigatque Anaxagoram, qui ætherem pro igni intellexerit : quid & turba literatorum, ὡς τὸ αἰθέρα : & videtur sensisse Cicero in primo De natura Deorum, ubi ætherem ardorem cæli vocat. Sapientius, à Præceptore. Anaxagora dissensit Euripides, qui in Alexandra dixit, αἰθέρα διὸς δώματον. & in Oreste Helenam inter Divos relatam collocat, ἐν αἰθέρι πύλαις. sed Stoici summum Deum ætherem intellexere, ut est in quarto Academicarum quæstionum. Eundem igitur cum Jove retur esse Chrysippus, & alium ab igni. Quare in secundo De natura Deorum, cum vocat cælum nulla peregrina concretum natura : & in eodem, cæli complexus. qui æther appellatur : quanquam Pacuvius ætherem videatur ignem agnovisse, cujus amplexu aer ambiatur.

## A P O T E L E S M A XXII.

*Quod verò atrum, atque impurum, obscurumque fuerit, morbum minuitur : quanquam non à repletionē, aut inanitionē, sed*

*sed ab eo, quod extrinsecus ingruerit. Citatis decursionibus curantur ii eo usque, dum corpus, sed intra modum, dissolvatur. Compresso verò spiritu excernat, quod obvium sit. Post cursiones, statia faciat incitatoria. victus modus mollis, levisque esto, ad quartam usque diem.*

## C Æ S A R.

Cum causæ aliæ sint intus, aliæ extra: ea, quæ intus sunt, & efficientes & materiales esse possunt: Nam ut sunt subjectæ qualitatibus deferendis, materiæ sunt: ut impediunt naturales effectiones, efficientes erunt, Eas veteres in conjunctas & antecedentes partiti sunt. Nam quæ morbum antecessissent, *αἰτιώματα* appellarunt: easdem facto morbo, conjunctas: ut peponis caro, antequam corrumpatur, & postquam corrupta sit. Recentiores, qui omnia subvertère, ut doctiores videantur, nullam apud Galenum intelligi conjunctam causam profitentur: propterea quòd ea tum causa morbus sit. sed neque verum id est, neque Galeno asseveratum. Morbus enim esset substantia, non accidens. Sicut ridicule lapidem in renibus, morbum appellant: cum lapis sit substantia: effectio lapidis morbus. est enim impediens, impedimentum, impeditum. Fatetur Galenus morbum esse naturæ officiorum impeditionem: Impediens est phlegma putridum, est igitur effectio putrefacti phlegmatis, morbus,

D 2

aliud

aliud sanè ab ipso impediēte, atque illi accidens. potest enim non impedire. Quod si idem cum illo est: ergo substantia erit in substantia: & idem à seipso abesse poterit, sine sui corruptione: unum erit duo, & duo unum, & idem aliquid, ac nihil. Vides bonos Metaphysicos: qui si clament hæc ad Medicum nihil pertinere, quid igitur litigant? quid arguantur? quare volunt mutare receptas sententias Philosophorum? quamobrem non se continent in sua pellicula, quam perangustam sanè, ubi volunt distendere, distumpunt? Eiusdem est sapientiæ profiteri, calculum esse morbum in numero. Videamus morbi rationem, quo depravantur naturæ officia, aut minuuntur, aut tolluntur. Ergo morbus in figura, quo figura depravatur: in quantitate, quo quantitas: igitur in numero quo numerus. At lapis ad corpus nihil pertinet. ejus enim numero, non depravatur numerus partium corporis: sicut sexto digito, defectu oculi: sed in via morbus est: via enim læditur. Hæ sunt causæ interiores: exteriores autem non nisi efficientium rationem obtinere possunt: ut Sol æstuationem efficit, nix gelu. Ab his morbo affici nos, ut supra diximus, olim stulti æquè negarunt quidam: quos Galenus cùm alibi, tum perpetuo commentario fusiùs, quàm acutius arguit. Eas appellant Græci procatasticas.: quippe quæ prostent nocituræ, etiam ante omne initium, ita ut exteræ sint à principiis conjunctis ægritudini. Hasce causas dicit



cit hîc imminere futuro morbo : cuius signum sit sydus , quod non moveatur : idemque atrum sit , impurum sit , obscurum sit. Atra sunt etiam quædam splendida , non propterea qualitatem , sed propter situm partium. Nempe ex levore , unde fiat aëris repperçussus : ut gagates , cornu , ebenus , postquam sunt expolita. videmus etiam impura lucida , ut dicebamus : idcirco atro addidit , impurum , sordidum sanè : utrique verò opposuit obscurum.

Difficile verò est iudicium hoc , & disceptabile. Nam quare non à causis interioribus , sed exterioribus morbus fiat ? præsertim cum sydera illa non moventur ? Respondeo : propter hoc , intus motum non esse , foris autem eventurum : idcirco quia sydera exuerint naturam suam , nitorem scilicet : ergo à causa extranea passa sunt. Nam ipsa à contrariis non sunt composita : ergo intus non possunt pati , sed extrinsecus. Ita Hippocrates , Si homo esset unum , non pateretur , non doleret. quanquam ille laxè nimis. Nam unum posuit pro simplici. At verò nihil simplex præter Deum : unum autem forma facit , ex multis. quare ubi una forma , ibi unum. unum igitur homo est , non simplex. Præterea ne illa quidem propositio vera est , Simplex si esset homo , non doleret , non pateretur. patitur enim elementum ab elemento : & tamen simplex est. Itaque Galenus coactus fuit addere , non pati intus , id est , ab interna causa.

Mirum id quoque , procatarcticam statuit

78 IN LIBRUM HIPPOCRATIS  
causam: & tamen curam mandat per corporis diminutionem: vult enim dissolvi, Intelligit igitur à procatactica interiores causas materiales motas esse.

Dixit, presso spiritu excerni τὸ παρελθόν. quod alibi quoque declaravimus. Impellit enim extrorsum: quoniam reciprocatio ad introrsum prohibetur. Sic inflantur venæ, atque facies accenditur, propterea dixit, πυκνοῦται. Densescit enim aliis aliàs partibus impellentibus, atque inculcantibus.

Εἰ παρωγῆς dic tu, extraneæ rei superventu. Calvus productionem, quo sit consilio interpretatus, nescio. ὡς ἐλαχίστη, minima dissolutio nos diximus, intra modum, ex Cicero. valde enim pusillum est, quod citra modum fit.

Erat error in codice ἀφανές scribe εὐφανές. nota præterea mutatam locutionem, ἀλλὰ κένωσιν & postea dicit, ἀλλ' ἐξώθεν ἐπαρωγῆς.

#### A P O T E L E S M A XXIII.

*Cum à Deo accipere quippiam somniamus, argumentum est probum bonæ valetudinis. Ostendit enim, quod in corpus sese induit, purum esse.*

#### C Æ S A R.

Nunc relictis syderibus alius contemplatur expediens animæ nostræ cum Deo cognitionem: quam sibi ille similem fabricatus est. Superius à cæli motu, à situ, à qualitate disputavit: Nunc à forma, seu quasi forma, & motore, & fine: quæ in cælo primo unum sunt

sunt. sese nanque intelligendo, movet intelligentia prima cælum. Itaque & sibi finis est, & cælo quasi forma, & corpori motor. Intelligo enim formam æquivocè, alio modo, quàm in rebus, quæ corrumpuntur. Pro forma nanque est, quia animat. Secunda autem intelligendo primam, sese intelligit: itaque illius quoque movetur motu ordinario ea de causa, non violento. Spontè enim sequitur motorem primum propter ipsum. Scipsam autem intelligendo, movet motum suum, propter se. utrumque autem propter primum. utriusque enim ille dator est. Nam & jussit ut se sequeretur, & ut suo ipsa motu ageret. licet enim motus sint contrarii secundum terminos: non sunt tamen contrarii secundum finem. Unus enim omnium finis, intelligere primum movens. Quare ab ejus motu per vim rapi non possunt, per intellectionem sequi volunt. Quod si dicat quispiam, duas in contrarias metas simul ordinario motu moveri non posse: hoc quoque fatemur nos. Nam suus motus planetarum primaria est intentione illis: suumque orbem in Subsolanum quisque movet. At diurnus motus in eis non est ab ipsis, sed à primo movente. Neque propterea violentus aut est, aut dici debet. Volunt enim sic moveri: quia primum illum intelligunt, suum movere: à cujus voluntate atque intelligentia dependent intellectus inferiores. Igitur non possunt primam intelligere, & nolle ipsius motum. Idem enim est intelligens, & intellectum. Ergo diurnum mo-

tum in suis orbibus volunt, ut illius est : suum autem ut suum , exercent : ita & volunt moveri , quia moventem intelligunt : & volunt movere , quia mobile intelligunt. Dico moveri , non ipsos : sed orbem , cui assistunt : & quia carent materia , & contrariè , neque tardio capiuntur , neque premuntur labore in motu illo. Postremò etiam si esset violentus : qui tamen non sit : vel sic non sequeretur , aliquando non defuturum. Primum nanque movens potentia est infinita. Sed infinito nihil esse potest par , aut æquale : ergo nihil contrarium : ergo nihil tollens actionem. Quoniam autem Deus omnia est : intelligentia , ut Dei imitentur universitatem , cælum movent , ut quo modo possunt , omnia sint. Nam cælum etsi loco non movetur , tamen situs acquirit omnes : quos omnes quanquam habet secundum totum , tamen alium atque alium secundum quamlibet partem habere intendit. Hæc est prima perfectio , propter quam similiores sunt intelligentia Deo , quam si quiescerent. Altera perfectio ab hac pendens est : Quoniam Deus omnium rerum efficiens est. Igitur hoc quoque imitatur intelligentia. Si enim non moveret , unum tantum ageret. Quare factum est , ut earum quoque motiones diversæ essent inter se : idcirco scilicet , ut variis sitibus mixtæ affectiones in hæc demitterentur inferiora , per coitiones , oppositiones , quadraturas , & alia. Disputant , Si primus motor infinitæ potestatis est , quare non moveat citra tempus ? orbis enim

enim finitus est. Præterea Aristoteles adducit medium pro causa diversitatis motus : itaque in vacuo futurum dicit motum & citra tempus. Quare motui primi orbis , cum nullum sit medium , quod impediat , celerius quovis tempore movere debuit : quod recentiores vocant , in instanti. Respondemus , motorem non uti sua potentia secundum se , sed ad finem universitatis. Neque enim quodcunque potest , id facit. Si enim hoc faceret , etiam sine motu ageret. Sed ille optimum quodque semper vult. Itaque quanquam est infinitæ potestatis , non tamen infinitum potest facere , extra se. Itaque infinitum ex se gignit , infinitum in se spirat. Ejus autem consilia in umbra tantum nobis nota sunt. Si enim plane essent nota : aut ille esset homo , aut nos Deus. Verum nos mancipia sumus investigationis , ut simus liberi comites veritatis. Quod autem Avenroës negat verum esse , situs à cælo alios , atque alios quæri , quoniam sunt infiniti : malè fit. Principiò falsum est , in corpore finito æquali , circulariter moto , partes esse infinitas , & situs infinitos secundum quantitatem , nisi in potentia : Itaque qui situs negabit , quoniam infiniti sunt in potentia , etiam motum negabit , quoniam dimensiones longitudinis infinitæ sunt in potentia. At idem si dicat infinitos esse secundum durationem , ut ajunt , tunc ridiculus fit. Sic enim non appeterent suas versationes , quas ipse ponit infinitas. Præterea ut verum sit , quod falsò dicit : tantò magis est sen-

rentia nostra : propterea quòd intelligentiæ similis esse Deo vult , qui ipse est infinitus. Nam veritas quoque infinita est , item bonitas , quippe Deus : & tamen is finis hominis est. Stultè enim dicat quis , intellectum nostrum aliud agere , quàm ut sit similis Deo : etiam fœneratores , etiam tyranni suis flagitiis eam perfectionem sese putant adepturos. Quod autem addit idem Avenroës , cælorum perfectionem , esse motum , inquantum motus est : quoniam sit idem hoc de omnibus animalibus : hoc non solvit quæstionem. Neque enim demonstrat circularis motus rationem : Neque circulariter moventur cæli , quia circulares sunt : sed facti fuere circulares , ut circulariter moverentur. Circularis autem motus quodammodo motus omnis est. Item habet alteram perfectionem , propterea quòd non mutat locum : Quare necesse est , ut sit infinitus quodammodo : quippe cujus neque initium , neque finis assignari potest. Motus igitur , inquantum motus , viventis perfectio est : sed non ultima. Movetur enim ex appetitu ad finem , aut ut evitet , aut ut consequatur. Igitur perfectus motus perfecti corporis perfectio. Hinc solvitur dubitatio. Nam si unus est finis : quare non etiam unus terminus ? Qua igitur ratione primus in Favonium movet , alii in Subsolanum ? Multæ sunt rationes hîc. Primum nanque movens perfectissimum est : ita & suum movere potest , & alienum. Deinde ejus perfectio magis appareat , si secum agat etiam contraria : tum major multò  
muta-

mutatio fit, ex aspectibus & conjunctionibus. Postremò si fuit optimum, ut Luna in duodeviginti circiter expleret ambitum dies: si eadem diurno motui motum suum superaddidisset: non optimum fuisset: Maximas enim & summis momentis fecisset mutationes. Quoniam igitur non est finis ultimus, sed Deus finis est: idcirco motus non dicuntur contrarii, nisi situ, non autem fini. Diversorum enim situum unus finis. Adeo autem perficiuntur, ut voluntas una sit, electio nulla. Nihil enim Deo par aut simile quod ad eligendum possit ei comparari. Pura natura est in intimis, ut in igne: non potest enim nolle comburere. Pura voluntas in intellectibus cælestibus: quoniam simpliciter cognoscunt sine propositionum collectione. Media autem proportio quædam in intellectu humano: propterea quod media quoque ipsius vis est. Nam ut informat, elementariam obtinet naturam: ut intelligit abstractorum. Quod autem Avenroës respondet ad hanc quæstionem, falsum est. Ait enim in cælo dextrum & sinistrum esse: quanquam hoc Aristoteles quoque veteribus ex Pythagoræis videtur admisisse: atque idcirco quod primò motori dextrum, aliis sinistrum esse. Principiò si assignant dextrum & sinistrum, ratione nostri frustra sunt. Nam qui trans æquinoctialem incolunt, quod est nobis dextrum, hoc sit illis sinistrum; atque è contrario. Sin id commenti sint ratione cæli ipsius: nihilo melius. Nam si idcirco attribuunt, quoniam

animalia sunt cæli: ergo par in omnibus ratio motus: æqualiter enim animalia sunt: quare idem erit motus. sed non est. Præterea cælis aut est caput, aut non est: & si habent, aut unum, aut duo. Nam Rotæ pisci caput atque oculi in modiolis sunt, hinc atque hinc unus. Si igitur dextrum & sinistrum est, videtur caput quoque esse. ergo erit in polo. esto igitur in arctico. Nam eam partem stulti in cælo supremam interpretati sunt. ergo in antarctico erunt pedes. Hoc autem ridiculum est: Recta enim sphaera est iis, quibus neuter polus extat. Necesse est igitur antarcticum quoque esse alterum caput: ejusdem nanque officii est. Ergo contrario modo trans æquinoctialem erit dextrum & sinistrum. quare eveniet ut idem corpus continuum eodem motu dextrorsum & sinistrorsum moveatur. Quod, si nullum caput habeant: ergo par ratio antarctici, & arctici ad æquinoctialem. Quare idem circulus meridianus à polo ad polum esset dexter & sinister. Si enim pedes mei eodem jure sint, quo caput, & cincturæ locus æquinoctialis sit, crura sinistrum dextrum fiet, ratione pedum tunc, sicut nunc brachium jure capitis. Quibus rationibus picturas illas veterum Philosophorum facile delevimus. Nam etiam principium illius sententiæ falsum est. Neque enim animalis, in quantum animal est, proprium est moveri per progressionem: Ostrea enim & Patellæ quædam non moventur: neque moveri dextrorsum aut sinistrorsum,



sum , sed prorsum : directus enim motus nobilior : brevior enim , & simplicior. Itaque sensus penè omnes in anteriore corporis parte : motus autem datus est ad appetendum , quòd per sensus captus sit. Dextrorsum autem ac sinistrorsum motus secundarius est. Motus autem est via ad perfectionem.

Si videmur à Deo donari , qui ab antiquis *δωτὴς εἶναι* dictus est : donumque id purum sit : purum quoque donum illud erit , quod sese cælitus insinuat.

## APOTELESMA XXIV.

*Contrarium autem malum. insinuasse nanteque sese in corpus morbum , ostendit. Quare superiore ratione hunc quoque curabimus.*

## CÆSAR.

Attende , cùm supra morbos imminere dicat , ac nondum esse constitutos : nunc profitetur jam invasisse , atque occupasse. Fortè propterea quod signum ipsum prævalidum sit , quippe à Deo.

Nota locutionem , *καὶ οὐκ ἔτι πρότερον* : aut deest , *καὶ* : aut , *πρότερον*. neque verò sentias , quod ajunt , ita loqui concisè , quoniam Ionice. nihil enim Ionibus fusius , laxiùsve , tum vivendi , tum loquendi licentia : vel vide Homerum , vel Herodoti memineris. sed quales viros ? profectò facilè principes utriùsque orationis : utrumque verò etiam sapientem :

Nam & Homerum nunquam putassem summum & Physicum, &, ut tum esse poterat, Theologum: nisi tam stultè de Diis locutus esset. Neque enim tam vccors, tamque futilis esse potuit, ut ea sic intelligeret: sed ad syderum potestates, atque officia Geniorum omnia voluit referri.

### APOTELESMA XXV.

*Mollis pluvia, clementi cælo, minuta rotatione, sine hyberno impetu, bona est. Ex aere nanque spiritum moderatum, purumque subiisse demonstrat.*

### CÆSAR.

Nunc tenet institutum ab elementis cælo conjunctis: ac primùm ab aeris affectibus. Pluvia enim aquæ affectio est, motus scilicet: item aeris, sanè à situ partium. Est enim aer condensatus, nubes, cujus humidiores partes expressæ fluunt. Quasi dicas, pluviam esse aquam ex aere densato. Conjungit aerem cum anima: quoniam vitales auras veteres dixere: & aer, atque anima eodem nomine dicti sunt *ἀνεμος*, quippe ventus, aer est.

Dixit, mollem pluviam, non rigidam, non distentis tractibus, sed flexis, & interruptis. excludit enim hîc hybernos imbres. Itaque rectè interpretati sunt, *μὴ σφοδρὰ βεῖχας*, non multo humore. Nòs, minutam rotationem.

Dixit, *ἐν εὐδίᾳ*, cælo non turbulento. quoniam *ὁ δὲ θεὸς ἡρεῖται καὶ ἡ εὐδία* quasi pacato Jove.

ve. sic enim Latini appellant cæli clementiam, cum sub divo possumus agitare. Sic in XXVI. sectione propositarum quæstionum petit Aristoteles : Quare Favonius est *διδεινός*, & *ἡδίστος*. Quoniam, inquit, *ἔχει κρύσιν αἶρα*, & *ἔτε θερμός*, & *ἔτε ψυχρός*. & subdit: *ὅταν ἀποχειμαίῃ*, *διδία εἰώθε γίνεσθαι*. & iterum alibi de eodem : Quoniam inquit, *δύκρατος* est, facit *διδίαν* Zephyrus. Quia scilicet est temperatus : & propterea quod post tempestates spirat : & habet aeris temperaturam : idcirco ei convenit cum aere, quem non turbet. Aer autem tepidus est. Teporem Zephyri dixit, sicut à Lucretio, Genitabilis aura Favoni. Igitur & ventus flat : & is ventus *διδεινός* est : & sine motu flatus non est. ergo non poterit transferri *διδία*, tranquillitas. Est enim tranquillum, quod omni vento vacat. At *διδία*, etiam currentibus navigiis est: ut apud eundem in XXIII. sectione : *ἐνίοτε πλοῖα θεοῖα ἐν τῇ θαλάσῃ δίδιαι καὶ πίνονται*. Itaque & à vento, ut suprà diximus, fit *διδία*. & cum vento, ut hîc. Auram igitur mollem, ac suavem intelligimus, vacuum tempestate. Sic etiam in XXV. sectione ait : *ἐν τῇ ὑψηλοῖς τῶν οἰκων ὁ αἶρ διδουεπίζει, & μάλιστα ταῖς δίδιαις*. Sic enim intelligit Pollux in primo, cum declarat *διδόν* πλόον, Nempe enim tepore tantum navigamus, nec sine aura penitus. Itaque contrarium agnoscit Aristoteles τὸ *διδόν* τῶν χειμερινῶν tum propter motum turbulentum, tum propter frigus : ut in XXVI sectione, *αἱ κατὰ τὰς δύσεις δίδεινον σημεῖον : αἱ τε ἀνατολὰς χειμερινόν*,

ειόν. In eadem quoque, τὸ προχειμάσαντ<sup>ο</sup>,  
 opponitur τῷ δόδια. Et alibi, ὁ δ'ράχνης ἐεζά-  
 ζεται πῶς δόδιας. & mox, ἀλλὰ τὸ ἐν τῷ χειμῶ-  
 νι μὴ φαίνεται. Xenophon in Venatorio, pro-  
 tepido: ὅταν μὲν ἡ ψύχη, ἐν δόδεινοῖς, ὅταν ἡ  
 καύρα ἐν παλισκίοις. Quare non rectè inter-  
 pretatus est Præceptor meus, magnus ille vir  
 Leonicensus, quem equidem honoris causa  
 nomino, Hippocratis illud ex Aphorismo:  
 χειμῶν νόσ<sup>ο</sup>, δόδι<sup>ο</sup> austrinam hyemem, se-  
 renam: credo cùm δόδεινον Favonium legis-  
 set, & apud Plautum, eundem serenum,  
 sic transtulit. Nam ille in Mercatore sic scri-  
 psit lepidissimo Trochaico: Hic Favonius se-  
 renus est, hic Auster imbricus. At verò si  
 pluvia hyems est: quî fiat ut sit serena? Hoc  
 primus doctissimus Manardus monuit nos.  
 Neque enim in dieb<sup>us</sup> varietatem, sed con-  
 stantiam malitiæ toto temporis tractu indi-  
 cavit. Quam varietatem festivo admodum  
 verbo significavit Hippocrates in primo Le-  
 talium contagiorum, particula secunda:  
 & appellavit μίξανθειαν. Sed illic νόσον  
 cùm dixisset, humiditatem ostendit à ven-  
 to: id enim significat, νοτὶς: idè addi-  
 dit & teporem, δόδιον: unde δόδιον a-  
 pud Homerum, apricum interpretantur:  
 quod suavissimis verbis circumscripsit divi-  
 nus Poëta.

*Et stabula à ventis hyberno opponere Soli  
 Ad medium conversa diem.*

Itaque αἰθέριον, τὸ ἐλαττον νότον dixit Aristot-  
 eles: τὸ μίξαν, νεφώδη. Neque verò mala-  
 ciam

ciam significavit, ut putabat Manardus. nam etiam cum aura est ὄδιον. Malacia, ut o-mittam de mari tantum, non de aere dictam: non solum aura, sed omni motu vacat. Itaque in quadris Lunæ in mari malaciam intelligas, cum nullo movetur impulsu. Inde legas in historiis, malacia immotas naves, quæ omni essent vento destitutæ. Potest igitur ὄδιον, etiam subnubilum tempus esse, si vento valido, aut tempestate vacet. Nam in ὄδιον quoque pluit: at sine nube non pluit. Mirum igitur quo pacto & Leoniceus pluviosam fecerit hyemem, ac serenam simul: & Calvus hic in serenitate pluat.

Signatè dixit, ὕδατι σφόδρὰ τὸ ὕειν. Aquam enim pluviam significat prima, & propria origine sua. Sic distinguit Aristoteles in iisdem libris quæstionum, τὴν ψάλασσαν ἀπὸ τοῦ ὕδατος.

## APOTELESMA XXVI.

*Hinc diversi imbres, largi scilicet, hyemales, ac procellosi, cum aqua sordida, ab insinuiato spiritu morbum prætexunt. Modico cibatu ales omnes hos.*

## CÆSAR.

Opponit τῷ ὕδατι, τὸν ὄμβρον sed ἀειφραπ-κῶς. Sic enim τὸ σφόδρα opponitur, τῷ μαλθακῷ sic duo altera, τὸ χειμῶνα, τῷ μὴ δεινῶς & τῷ ζάλλῳ, τῷ μὴ σφόδρῳ βεῖχεα.

## APOTELESMA XXVII.

*Indicia, quæ cælestia intendent nobis,*  
his

90 IN LIBRUM HIPPOCRATIS  
*his judiciis observare, hisque consiliis vi-  
ctus inire oportet rationem. Tum Dii  
immortales secundis in rebus supplica-  
tionibus adeundi, Sol, Iupiter cælestis,  
Iupiter opulentus, Minerva, Hera, Mer-  
curius, Apollo: in adversis ad Deum iram  
avertendam, Tellus, Heroes incommo-  
dorum averruncatores.*

C Æ S A R.

Epilogus à cælestibus, addito elogio pie-  
tatis. Dixit, indicia: Dixit, iudicium: Dixit,  
consilium: postremo, curam eamque dupli-  
cem: alteram ab humano auxilio, alteram ab  
ope Deorum immortalium. Duplex autem  
Deorum genus prisci commentum sunt: alte-  
rum propitium, ut Jovem: alterum noxium,  
ut Vejovem: ita Diræ canuntur à Poëtis, So-  
phocle, Seneca, Euripide: item Catullo in  
Argonauticis, à Marone ad Battarum, ab Eli-  
sa adversus Æneam, à Cambyse contra Per-  
sas, ab Horatio in Canidiam. Hujusmodi sunt  
Erinnyes, & Febris, & Robigo, & Sum-  
manus, & alia monstra ridiculæ vetustatis.  
Boni autem Dii, Dii Magni, Dii novenses,  
Dii Penates, Dii Semones, Tutanus, Redi-  
culus & aliæ ineptiæ. Ægyptii quoque Plan-  
tas, Deos Reges: duodecim signa, Deos  
Consiliarios appellarunt. ejus rei rationem  
alibi diximus. Mirum Apollini vota concipe-  
re: Æsculapio authori gentis suæ, nulla: item  
neque Nocti, neque Somno, cum utrique di-  
vini

vini sint à Priscis habiti honores. Soli autem  
 supplicant: propterea quod occultarum rerum  
 index est. Nam hoc quoque fuit in more po-  
 situm, ut exorienti Soli somnia narrarent: id  
 quod etiamnum docet nos Sophoclis Ele-  
 ctra. Solem igitur ponit tum propter hoc,  
 tum propter lumen: author enim sensus  
 visionis est. Jovem, propter vitam. Mi-  
 nervam, propter intellectionem: ex Jovis  
 nanque vertice nata est. Mercurium, propter  
 Genium. animarum enim ac geniorum, &  
 comes est, & evocator: unde *πομπαῖ* Ⓞ di-  
 ctus est: tum idem Caduceo somnos dat, at-  
 que adimit: viarum index est. Apollinem,  
 propter somniorum conjecturas. Terram,  
 quoniam Nox somniorum mater, ejus um-  
 bra est: itaque dicta est abdere arcana sinu  
 suo: unde somnia ab inferorum recessu dua-  
 bus mittuntur portis. Heroas, quoniam vir-  
 tute cælum meriti sunt, expiato orbe nostro  
 monstris. Quare in pavoribus, & miraculis  
 exclamabant, *ἡρώκλεις*: propterea quod esset  
*ἀλεξίκακ* Ⓞ. Tales & divi fratres Gemini, in  
 tempestatibus. Idem quoque numen in u-  
 tranque partem acceptum est additis cogno-  
 minibus diversis, *γαῖήοχ* Ⓞ, & *ἐννοσίγαι* Ⓞ. Item  
 Apollo à perdendo: cujus sagittæ essent pesti-  
 feræ. Idem *παιήων*, à medicando, quo co-  
 gnomento ei acclamatum est, cum à serpen-  
 te Delphos liberasset. Heroum autem cul-  
 tum sacrosanctum fuisse tum alibi legimus,  
 tum apud Philostratum. Est & in Urania He-  
 rodoti scriptum idem, in responsione Athe-  
 nien-

92 IN LIBRUM HIPPOCRATIS  
nienſium ad Alexandrum Mardonii legatum.  
Definit Lucianus Heroem, ex Deo & homi-  
ne compoſitum. Athenæus eorum vim in un-  
decimo declarat, terribilem, ſed magis no-  
ctu, quàm interdiu. Plutarchus in Romanis  
dicit Græcos in novilunio Diis ſupplicaffe  
primo loco : ſecondas preces concepiffe He-  
roibus & Dæmonibus. Item primum pocu-  
lum fuiſſe Deorum : ſecundum, Heroum.  
Plato μέγιστον δαίμονα τὸν ἑπὶ πάντας κυβερνήτην  
appellavit. Plutarchus in Hellenicis ὑπεκ-  
καύσεια, feſtum apud Solos urbem recitat:  
quem diem ſolennem agerent in Minervæ  
honorem averruncationis ergo. Sed & Ti-  
mæus Locrus in libro De natura, δαίμονας  
παλαμναίους, ἑχθονίους, ἑ ἐπὶ πόλεις tradit. Expi-  
ationes autem illæ, poſtulationes ab antiquis  
vocabantur. Mirum, verò & id, cùm Ter-  
ram poſuit, Veſtam præteriſſe : ſed eandem  
putavit fortaiſſe. At Plotinus in libro ſecundo  
De quæſtionibus animæ, Terræ animam,  
Veſtam interpretatur.

Jovem, cæleſtem cognominat : quoniam  
aliis quoque numeris invocabatur. Labra-  
dæus, in Caria, à ſecuri, quo nomine id te-  
lum eorum voce appellabatur. Agoræus,  
cui vota concepit pro Socrate puero pater So-  
phroniſcus. Fuit & Policus, ex Pausania, &  
Plutarcho qui etiam βελαῖον recenset in com-  
mentario εἰς περὶ εὐτέρῃ πολιτεῖαν. Fuit Pappæus  
apud Scythas, ex Herodoto. Fuit Tropho-  
nii delubrum : item Æneſii apud Strabonem  
in nono : Lyeæi in octavo : item Liberato-  
ris,



ris, Hospitalis, Limitaris, si Hercæum velis dicere: Olympii, Tonantis, Feretrii: Imperatoris, in sexta actione in Verrem: ubi etiam ἑρῆιον Græca interpretatio est. μελιχίᾱ mentionem facit Thucydides in primo, cum veneratione maximæ festivitatis. Pausanias in Atticis agnoscit Aphesion, propter Æaci sacrificium quoddam: idémque πεινελληνίδην. declarat fufius causam in Corinthiacis, ut pluviam eliceret. At nos aliam ob rationem, Elicium. In Corinthiacis item χθόνιον, quem nos Ditem, & Summanum: cui etiam sunt fulmina attributa. Alterum ὕψιστον: nos hunc optimum maximum: quæ erant propria Capitolini, ut ait M. Tullius. Capitolini facit mentionem Pausanias ibidem: sicut in Eliacis, Impubis: Quem nos Anxurem, quoniam esset ἀνδρὸς ἐνελίδην. In eodem libro est, ὄρεσι. Est in Alexandra Lycophronis Jupiter φύξι, cum alibi multis locis, tum apud Strabonem libro nono, Jupiter σωτήρ, quem M. Tullius in actione quarta in Verrem negavit unico Latino verbo exprimi posse: Verùm ille, ut suo loco diximus, servivit causæ: Nam cum vellet Verrem premere criminis magnitudine, exclusit eam vocem à Latina potestate. Verùm in eororatione, quæ inscripta est in L. Pisonem, seipsum, qui patriæ salutem dedisset, conservatorem appellavit: in tertio autem De finibus, salutarem, cujus in tutela sit salus. Servatoris quoque Jovis templum memorat Plinius in libro XXXIII. Hippocrates

crates etiam *κρίστωρ* hîc vocat: Statorem Calvus pessimè est interpretatus. Nam Stator Jupiter à Romulo primum est nuncupatus, qui exercitum stitisset à fuga: qui fortasse sit idem cum Jove Stativo Plinii libro X V I. at verò *κρίστωρ* possidere est. Ctesii Jovismeminit Plutarchus in libro De fœnore: Jupiter, inquit, Ctesius vix eorum opes servet, qui sumunt fœnori. Ergo in *τεμετίοις* ejus simulachrum statuebant, ut ait Suidas. quæ vox, cùm & *æ-rarium*, & cellam significet promptuariam, ad penum potius respexit Anticlides in libro undecimo Athenæi, cùm Cadiscum ornat lana candida, ut sit pro signo Ctesii Jovis. Nos opulentum ex Plauto interpretati sumus: Minervam autem cognominem illi, Heram: Quoniam, Hera fortunæ nomen est, ut legimus apud Ennium. Post somnia prodigiali Jovi rem divinam facit Plautus in Amphitruone.

Galenus his elementariis judiciis, alia addit similia: ignem accensum videre, ob flavam bilem: fumum & caliginem, ob atram pluviam, ab humore frigido, liquido: glaciem & pruina, de pituita gelida.

## APOTELESMA XXVIII.

*Quæ verò in terris functiones exercentur, eæ quoque ad valetudinem conferunt dignoscendam: ut, acutè videre, audire: firmè ambulare: inoffensè, ac sine metu currere: terram quoque intueri solutam, benèque*

*néque cultam : arbores germinantes , fru-  
 ctu gravidas , ac mites : amnes temperato  
 labentes cursu , aqua lympha , ac quanta  
 satis sit : Item fontésque , puteique vale-  
 tudinè bonam nuntiant somnianti : ejús-  
 que corpus pro suo modo , & digerere , &  
 admittere , & excernere.*

## C Æ S A R.

Relicto cælo demittit sese ad corporis of-  
 ficia , quæ hîc agnoscit duplicia : altera , quæ  
 corpori debeantur , ut currere : altera quæ ci-  
 vilibus negotiis propter corpus , ut agricultura  
 : quæ utraque unico simul apotelesmate  
 executi sumus : quoniam ipse utrisque item  
 simul apotelesmate sequenti contraria ponit.

Quæ hîc dicit clara sunt. Memor quoque  
 Præceptoris Galenus fuit , cùm dicit , lævi-  
 tatem corporis inoffenso cursu significari.

Dixit , προσημαίνει & τὰδε πρὸς ὑγίαιαν non  
 quòd futuram significet sanitatem : sed quia  
 signa præcedunt sanitatem : non quidem na-  
 tura , non tempore , sed Medici intellectione :  
 cui si narres somnium , indicet sanitatem :  
 quam somniis præscriptis agnoscat.

Dixit , λείλυ τὴν γῆν , solutam scilicet , nec  
 pertinacibus glebis inæqualem ; sic Poëta ,  
 Resolutaque terga. Indicia trium rerum po-  
 nit in sanitate , πείσθους , προσσυναγωγὰς , ἀπεκρί-  
 σεις. Per πείσθους , intelligit , ἀνάδυσιν , id est ,  
 digestionem , quæ per motum judicata est .  
 Per προσσυναγωγὰς , transmutationem , & unio-  
 nem ,

96 IN LIBRUM HIPPOCRATIS  
nem, quæ significata est per fructus mites :  
Per ἀπερίσεις, superflua excernentis animæ  
vim : ea declaratur, ubi dicit, puram aquam,  
& quanta debetur. Omisit coctionem : quæ  
tamen scitissimè ab arborum fructibus potuit  
indicari. Diversa nanque πέψις, & ἀνάδωσις :  
utranque tamen recentiores digestionem vo-  
cant minus aptè. Intelligit autem τὴν ἀείωδον,  
ἀνάδωσιν quoniam succus ille circumfertur, ut  
mutetur in corpus : digestionem interpretati  
sumus nos, secuti Ciceronem, qui Attico  
scribit sic : ut mea mandata digeras : id est,  
suo quòque tempore, ac loco exequare. Ita-  
que apud Celsum intelligas, quod Galenus  
ἀλγοπεῖν, & digestivum ἀλγοπηκόν. sic enim  
scripsit in libro quinto, capite duodevicesi-  
mo : Sed quædam digerunt materiam, quæ-  
dam extrahunt. Nam resolutio fit per diges-  
tionem. Oportet enim, quod coit, aut co-  
ierit antequam resolvatur, dispertiri. Hoc  
paulò pòst dicit ipse, Resolvenda astricta,  
mollienda dura, digerenda quæ coeunt. Sic  
enim componit contraria inter se, resolvere  
compacta, emollire dura, dispertiri unita.  
Prius enim dissolvuntur, quàm resolvantur. In  
malagmate Polyarchi hoc, & haud multò  
pòst in Medi malagmate. Eodem sensu, in li-  
bro secundo, capite quartodecimo, Aut mol-  
liendum, quod induruit : aut digerendum in  
eo, quod copia nocet : aut alendum id, quod  
tenue & infirmum est. Non est dubium quin  
intelligat ἀλγοπηκόν. Sic enim scribit paulò  
pòst, Usque ad cutem digestionem quadam re-  
laxatum

laxatum penetrat. Fricatione enim laxatur cutis, cum fieri vis digestionem. Sic alio verbo simillimo eundem usum veteres expressere, ut Terentius, Differor doloribus. Et Vergilius, Nubila differt. Sic idem verbum alia compositione in Menæhmis posuit Plautus, Vestes degerit: id est, defert: quod ineptissimè & interpretati sunt, & confundere cum verbo, dego. Idem Celsus in tertio, capite quarto dicit, Ubi corpora plus resolvuntur, refici frequentius debere: quare, ait, celerius cibus dandus est in morbo, qui plus virium aufert: itémque in eo cælo, quod magis digerit: id est, resolvit. Ita Plinius in libro vicesimo sexto, capite undecimo, Cruditates, quæ nauseam faciunt, digerit betonica: id est, discutit. Nam idem aliud intelligit; cum dicit, concoctionem adjuvari: aliud, cum dicit, cruditatem tolli: ut in libro vicesimo septimo de absynthio: Concoctiones adjuvat, cruditates detrahit. Cruditas nanque sequitur concoctionis defectionem. At barbari nostri his ex locis videntur accepisse concoctionis significatum: cum putarent super stomacho tantum intelligi. quod etiam ex Seneca in prologo declamationum elicere potuere: cujus verba sunt hæc: Nec patiebatur alimenta per stomachum, per somnum, quietémque æqualiter digeri. Cum idem Celsus in primo multis locis, in tertio non paucis, in aliis libris aliquot, concoctionem dicat, non digestionem.

Hic fontium commendat visionem. At in-

E

fra

98 IN LIBRUM HIPPOCRATIS  
fra apotelesmate tricesimosecundo vesicæ vi-  
tiosæ argumentum esse prodidit.

### APOTELESMA XXIX.

*Contrà , diversa ab iis , noxam prædicunt.  
Si visus , si auditus impediri videatur ,  
caput ægrum indicant. Matutinæ huic  
deambulationes instituendæ , præsertim  
à prandio : observata priori vivendi ra-  
tione. Quod si crura malè habeant , vo-  
mitu materia detrahenda erit , & præsti-  
tis victitandi legibus addenda luctandi  
exercitatio. At ex terræ squalidæ visio-  
ne , impuram esse carnem coniectamus.  
Itaque post exercitationes , multum est  
deambulandum.*

### CÆSAR.

Quemadmodum suprà duo erant capita ad  
sanitatem ex officiis rectis corporis , & civili-  
bus : ita hîc duo contraria. Et corporis mor-  
bos in duas diducit partes : in superiora , per ca-  
put : in inferiora per pedes. Utranque curam  
per diversiones fieri jubet. Nam capitis mor-  
bos , per deambulationem : pedum vitia ,  
per vomitum. Ita Galenus scripsit , quendam  
somniaffe lapideum sibi factum crus : atque  
ita ei crus fuisse solitum eo morbo , quem  
Græci vocant paralyfin.

Alterâ pars secundæ respondet parti. Su-  
pra dixerat , terram levem , solutam , bene  
cultam : nunc squalidam , incultam , asperam.  
Si-

Signum hoc attribuit carnis impuritati. Quoniam uti dicebamus, caro, sanguis coctus est. Fortasse verò quispiam festivus ossium potius accipiat indicationem. Sicciora enim sunt, & plus habent terræ. Terræ quoque officium præstare videntur: stabilitatem scilicet, ac firmitatem. Itaque in Timæo identidem ignicocta, & aqua extincta sunt. Possit respondere, ossium principium à semine esse, quorum materia sit: semen autem æris referre naturam. Verum sic nunc esto, ut voluit.

Calvus existimavit, τὸ τραχείω non esse terræ epitheton: sed arteriam, quàm tracheam vocant. Ita malè confudit: capita namque visus impedimenta ponit: deinde tracheæ tum crurum. Rebatur enim omnia à corpore. At enimverò quare ab arteriæ læsione carnis læsæ sit indicium? Ex carne non constat tota: carnis neque causa, neque effectio est: non ipsi caro servit, non ipsa carni. Sed suæ gentis more locutus est Hippocrates, quemadmodum & Herodotus in Melpomene: ἔστι ἡ καὶ λεχθεῖσαι πᾶσαι πιδιάς τε γῆν, & βαρύμεως πόδι ἀπὸ τέττε λιγύδης τ' ἐστὶ, & τραχείη.

Neque rectè dixit idem, ἀντισπασίον, convellito: sed avellito, aut revellito.

### APOTELESMA XXX.

*Steriles arbores humani seminis declarant corruptionem. Si frondes cadere videantur, ab humidis ac frigidis impendet temperamentum: sin frondosæ sint & fru-*

*ētu careant, à calidis, & siccis. Ibi igitur victus siccus, calidusque esto: hic frigidus & humidus.*

## C Æ S A R.

Supra à terra, nunc à terræ officiis triplicem docet sterilitatem. Genericam, foliorum scilicet, ac fructuum: cum dixit, ἀκαρπία, τὰ ἀφ' ὧν τὰ δένδρων, ostendit. Alteram frondium tantum: cum dicebat, φυλλορρεῖντα. Tertiam fructuum tantum. Nam nisi, ἀκαρπία, genus sit utrunque complectens, ineptè iteratò poneretur, ἀκαρπία. Aut igitur non potest evitare: aut verbi ambiguitate usus est, quam æquivocationem vocant: ut ἀκαρπών etiam de frondibus intelligatur. Utrunque autem comparat semini somniantis: nimirum defectum generationis. Quare colligemus hīc quod vulgò videmus: quòdque in libris septem De semine genitāli diximus, Virtutem informatricem etiam perfectis in corporibus esse. Nam & ramos novos fundunt, & fructus annuos: quædam etiam biferæ sunt. Theophrastus autem cum dubitabat, partēne plantarum dici mererentur frondes, quæ deciduæ essent, abessentque, & adessent, sine totius interitu: rectè fecisset, si sic nos monuisset.

Duplicem verò assignat causam: Frondium defectum ab humidis & frigidis Hyemis enim appulsu cadunt folia. Fructus defectum à calidis, & siccis: Quoniam deficiente humore, calor fructus conficit. itaque syderantur.

Ve-



Verum, ut certius dicatur, à calido & humido tam frondes, quam fructus proveniunt : à calido & sicco exuguntur : à frigido & humido putrent ac decidunt, Ergo notabis foliorum casum, non defectum. Cadunt autem à frigore omninò reperiuntem succum, quominus exeat in extrema planta per petiolum, aut propiores venas. Hoc autem longè melius à Theophrasto in primo De causis, enarratur, fœcunditatem neque à frigido fieri, neque à calido : sed à calore temperato : Stultè enim arbitratos esse priscos, naturam calidissima animantium genera in locum frigidissimum, quem cohererent transtulisse : puta pisces, quò duo extrema temperatione quadam coirent in statum vitæ. Empedoclis fuit opinio hæc. Sed multæ plantæ calidæ in aquis proveniunt : multæ frigidæ in arida. Illius generis Persicaria, Malobathrum, Acorus, sive ille noster sit, sive quem aromaticum calamum vocant falsò. Hujus ordinis Hyoscyamus, Mandragora. Quare non ab elementis accipiendæ sunt rationes, sed à formis. Formarum enim omnia plena sunt : ac de potentia materiæ eliciuntur à tribus rebus inter se ordinatis : ab agente propinquo, quæ est virtus informatrix : ab agente primo, qui est primus motor : ab agente medio conjungente vim rei purissimæ, scilicet motoris primi, cum vi rei minus puræ, scilicet animæ informativæ. Itaque Avenrois quoque pessimè causam proposuit, propter quam calida

in locis frigidis gignerentur. In quinto namque libro Emendatæ Medicinæ assignat, aut densitatem corticis, aut quia sub terra submersæ sunt, quare ab aëre frigidus aut calidus non attinguntur. Verum & falsæ sunt, & à Philosophia alienæ. quasi verò tamarindi qui oriuntur in terra Arabia, aut sub terra sint conditi, aut cortice contegantur. Tum autem calamus iste noster aromaticus juxta fluvium Tanaïm nascitur palustribus tractibus, & propter Vollam flumen, calida planta sanè, radice rara, ac soluta, & quæ, cum extrahitur, humoris plena sit, Air vocant incolæ, & nomine alio, Bostuorce. Quod si aqua ipsa, quæ elementari natura gelida est, in terris calidis, atque etiam exustis reperitur. quare ibi non erunt res, quæ ex ea ita componantur, ut ejus quàm plurimum possideant? Nam si omnia ubique quatuor elementis constant: quid prohibet certam formam cognatam sibi elementi proportionem, & quærere, & accipere? Aut qua ratione locis dulcibus lupinus nascitur amarus: beta verò salsa, lapathum acidum? Neque enim calida in calidis nascuntur locis, quoniam calida loca sunt: sed quia plantæ illius forma ibi est. Quod si calida planta propter loci calorem, calido in loco nasceretur: omnia calida omnibus in calidis evenirent. Itaque, ne illud quidem, quod ajunt Philosophi, verum est, Omne simile à simili conservari loco. Intelligo similitudinem elementarem. Nam similitudinem proportionis necessariam asseveramus loci &

locati. In qualitatibus autem manifestis aliter invenias. Inter pisces invenias quod sit venenum calidissimum : urtica urit , scolopendra , alia multa , pastinacæ vulnus viperinum morsum æquat. Præterea iidem pisces aliqui , ut mugil , solea , & in mari degunt , & in fluviis : illius aqua salsa , calida , sicca : horum contraria. Quæro exemplo ridiculo rem bene seriam : Asinus cujusnam sit temperaturæ ? Nam si calidæ , quare non resistit frigoribus ? si frigidæ , quare frigidis locis moritur ? Neque enim in Scythia vivere animal illud ajunt , propter hyemes. Non extat caloris aut frigoris causa , cur noxiis bestiis Creta careat : lupum in Britannia nullum esse , importatum interire. De lepore ; mustella , atque aliis satis multa Ælianus , Plinius , Aristoteles. Quare qui omnia per elementorum qualitates metiuntur , elementares sunt ipsi sanè. Maxima tamen rerum pars cum locis , ac temporibus ineunt societatem. Sunt enim fœdera quædam , ac sequestræ pignorum conjunctionumque naturæ , aut ipsæ formæ , aut à formis.

## APOTELESMA XXXI.

*Fluminum mutata facies sanguinis motum repræsentat Plus justò tumidi si fluant , excessum : si minores , defectum agnoscas. Largiore victu his opus est , illis parcior. Turbulenti perturbationem signant. Restituetur puritas cursu , ac deambulatione postquam spiritus , contentione motus fuerint excitati.*

## CÆSAR.

A terræ partibus nunc : est enim gremium liquoris terra. Sicut igitur ex decocto sanguine caro fit , sic à terra carnis accipit indicationem , ab aqua sanguinis : propterea quòd eadem ratione crascessens aqua , limus fit. Non malè respondet hoc Pindari sententiæ , ac Thaletis iudicio , qui aquam rerum omnium putarint elementum. Puto illi eam fuisse pro materia prima. Siquidem uti densescit aqua , terra fit : rarefcens, evadit aër: quemadmodum in nubibus patet. De igni poterat dubitari : idcirco quia a symbola inter se sunt : ut non pessimè potuerit ab illo pro forma poni. Igni nanque & crassescit aqua in salem , & solvitur in exhalationem. Verùm haud ita est. Et enim sal neque aqua est , neque ex aqua tanquam totum ex toto: sed tanquam ex toto pars in potentia: quæ per ignem , aut Solem ab alijs partibus in aqua separetur.

Fluminum mutationem ponit variam : ab eorum in otu , motum sanguinis : à motus ratione , tantundem : excessum , ex redundantia : defectum è subsidentibus : postremò à turbulentia , imparitatem.

*Ἀνὰ τὸν αἵματι*, motum: ut in febribus accessionem : circuitum Calvus cùm dicit , fideliter , non plenè explicat. Neque enim circunducitur sanguis , ut *αἵματι* impleat significationem. Nam in febribus idcirco dicitur *αἵματι*, quia revertitur paroxysmus : quasi circunductus ob diem purum , & vacuum à morbo.

A'vz-

*Ἀνακινδύματα*, intelligit humores.

*μη καὶ ῥέοντα*, Calvus optimè, si flumina non solito fluant modo. At Hippocrates, *γινόμεναι*, dixit: non *πέεστες*: id est, egressi à communi instituto: sic non solùm motum comprehendit, sed etiam faciem turbulentam.

### APOTELESMA XXXII.

*Fontium, puteorùmque visiones, Flatibus affectam vesicam declarant Quamobrem urina cienda erit, ut educantur.*

### CÆSAR.

Apotelesmate duodetricesimo commonefecimus nos, quemadmodum Hippocrates hoc sub loco super fontium somniis adversatur: quare hoc ut tollamus, intelligam hîc impuros fontes. Attribuit iudicia, & rei, & loci. Flatuum scilicet, & vesicæ. Ac loci quidem indicium sumpsisse videtur: propterea quòd fontium, puteorùmque ortus ima in terra sunt: sicut vesicæ in corpore unde liquores educantur. Quam ob causam Flatum potius, quàm humorem ascripserit, mihi nondum constat: Scilicet putarunt priscorum quidam, fontes, venásque alias subter terram densatis flatibus in aquam coire, tum fluere. At sanè perridiculum sit, Nilam totum in quem nulli amnes demittunt sese, tam longinquo, tam pleno ferri cursu, cujus parens sit flatus nescio quis. Istrum quoque qui viderit, eúmque è vento fieri putarit, ejus profectò sententia è vento sit. Multas

E S

alias

alias causas æquè frustra commenti sunt, nihilo verò meliores. Una tantùm vera est, Aquam terràmque simul uno globo inter se subeuntes, circa idem pactum esse, sed non æqualiter. Aquam enim terra operiret. Neque verò detectam Dei jussu dices ita, ut illius jussus hujus naturæ adversetur. Neque enim aliud Natura est, quàm jussus Dei, quorū series, effectiōnes, conjunctiones, separationes, mutationes, ritè, atque ordine perficiuntur. Naturam igitur illam illi induit Deus suspensionis ita, ut ejus esset propria. Contra hanc sententiam litigant sic: Nullum, inquiunt, violentum perpetuum. Igitur si terra non æquè à suo puncto medio distat, aliqua molis suæ parte ruat aliquando. Principiò ex sacris libris nostris non solùm concedimus, sed etiam profitemur. Deinde ne Philosophi prodi sese vociferentur, naturalia adducemus argumenta. Primùm dicimus verum esse, & ruere multis locis, atque à mari absorberi terræ partem sæpe. Præterea cùm terræ ambitus æqualis non sit, quippe tor montibus extantibus ipse sibi dissimilis est: igitur extra naturam suam sunt partes illæ. Neque enim locum suum adeptæ sunt: quare ruent item. Ad hæc, pars summa terræ in suo loco non est: itaque violenter ibi tenetur. Ergo quid inquierent? aliquando centrum petituram? Nugæ. Satis enim est habere proportionem loci. Quod si rupes extant, & tamen incommodant habitationi, multò commodius consultum est ab eadem natura, ut

caver-

cavernæ in sinu terræ sint , in quas aqua recepta relinquat locum habitationi. Aqua enim imum punctum medium non petit, sed sedem suam , ultimæ illi proximam scilicet. Neque enim si terra aboleretur, relicta aqua, compleretur ab aqua terræ locus, nisi propter vacuum : quippe aqua non est maximè gravis. Motus autem, &  $\pi$   $\pi$  elementorum habent inter se proportionem. Nam ut aër supra sua loca non ascendit : sic infrà sua non descendit aqua. Neque tamen propterea dicitur aquæ motus esse tanquam corporis misti ex gravi, & levi : sed suus simplex simplicis : levis, si terræ comparetur : gravis, si aëri. Igitur extra suum locum aliqua pars cum sit, còtendit, truditque alias partes, quæ ibi sunt : eæ objectu imi terræ globi reperiussæ resiliunt in superficiem terræ. Aqua igitur quæ ad littora alluit, non operit ea, quoniam ascenderet : sed petit cava terræ, ut suo loco potiatur : eo pondere, suas ipsa partes, quæ imæ sunt, ita premit, ut per inania terræ ad superficiem faciat resilire. Nam quanquam in Mechanicis ostendimus, non salire altius aquam per fistulas, quàm ea sit pars, unde ducatur : tamen si organis prematur puteus, eliciamus multò altius, quàm ipsa organa sint. Ita tota maris moles organi vicem obtinet, præut ipsi fluvii fontésque sunt. Proportio igitur ponderis compensat defectum altitudinis : qua ratione fit, ut compressa emicet. Atque hoc quidem quanquam violentum videtur esse, à principio tamen naturali

108 IN LIBRUM HIPPOCRATIS  
pendet, propterea quòd & mare sedem suam  
petit, urgétque ipsum sese: & aqua naturalè  
vior est, quàm terra. Quid igitur mirum,  
si quemadmodum aër ab aquæ superficie re-  
meat sursum versus: ita aqua à solido ter-  
ræ globo repulsa resilit? supérque fertur eas,  
in terræ partes, quas, nisi extarent inæquali-  
ter ab orbe æquali, operiret?

#### APOTELESMA XXXIII.

*Mare fluctuabundum ventris morbos nun-  
tial: Qui levibus, mollibúsque dejectioni-  
bus sunt tollendi.*

#### C Æ S A R.

Mare fluminum parens est: venter, eorum  
quæ in vesicam dilabuntur: crassum retinens,  
ut expellat: quod liquidum est, eò per venas  
deferri patitur. Itaque Hippocrates in libro  
De humoribus, ventris officium terræ munceri  
comparat: Hujus, arboribus alendis: illius,  
animalibus.

#### APOTELESMA XXXIV.

*Terra, aut domicilium si moveri videantur:  
homini sano languorem portendunt, ægro-  
tanti sanitatem atque præsentis status  
mutationem. Sanus suæ consulat valetu-  
dini: si victum alium præscribat sibi, pri-  
mum domat: deinde pauxillo cibo reficiat  
se. Totum nanque corpus principiorum  
movetur ratione: Æger autem nihil muta-  
bit, mutatur enim ipse tunc ex eo, in quo est.*

#### C Æ



## CÆSAR.

A mari quæ portenderentur , ostendit : nunc ab effectione maris. Terræ nanque motus non solum à flatibus , verumetiam fit à fluctibus subterraneis : unde nomen Neptuno *ἐννοσιγυῖς*. Constat id etiam historia , duabus Achaïæ urbibus Elice & Buri absorptis mari post terræmotum. Terra igitur natura stabilis si moveri videatur : nimirum præsentis status ostendit mutationem. Ergo sanis morbum : ægrotantibus sanitatem. Terra autem mater & principium vitæ. Facetè autem dixit domicilium. Sic etiam appellat corpus nostrum Plato, & ejus imitator Cicero in Catone.

*Ἀπὸ ὑπαρχέους*. à principiis : id est , ab iis qui intus sunt , humoribus. Quare eos mutari oportet. Calvus falsò putavit , *τὸ κινέται*, purgari , & evacuari corpus. Nam Hippocrates reddidit rationem , propter quam vomitu debeant evacuari & victu attenuari. Quia , inquit , pro eorum modo , quæ intra corpus sunt , variatur corpus. Et addidit *ἅπαν*, ut ostenderet maximam vim principiorum : ex quorum pusillis momentis maximas fieri mutationes rectè dixit Aristoteles tum alibi , tum in libris de generatione animalium.

## APOTELESMA XXXV.

*Maris , aliarumve aquarum diluvio terra obruta , morbum significat. Multas quippe humor in corpore inest. Vomitu , atque in-*

*edia, tum laboribus, præterea siccis curandi sunt cibis. Post hæc per gradus paulatim pristina victus repetenda lex est.*

## C Æ S A R.

Nempe redundat, si obruit, atque etiam impedit officia naturalia. Genus morbi obijcit primùm, deinde speciem. Ab aquæ conditione intelligas *ὕγροισιν*: ut non solùm humorem accipiamus in genere: cujus appellatione etiam bilis calida, & sicca continetur: verùm id quoque, quod & actu, & potestate humidum sit.

Mirum, vomitum toties indicare: nulla temporum, ætatum, habitudinum, consuetudinis, regionis habita ratione. Nam in quarta sectione sententiarum, æstate curat superiora, hyeme inferna: propterea quòd bilis summa petit. At Celsus in primo, vomitum hyeme procurat magis, quàm æstate: quoniam plus pituitæ in stomacho tunc continetur. Ergo sanè sententiæ hæ contrariæ videantur. sed sive Theodorus, sive ille sit Laurentianus, non *τὰς ἄνω*, & *τὰς ὑποκάτω*, sed *κατὰ*: non superiora, sed per superna educere. Quare longè clarius patent earum sensus contrarii. Videntur autem Celsus, atque is, unde sumpsit, Asclepiades rationem loci habuisse, cùm per hyemem vomitum instituerit: idcirco quia locus ille per id tempus pituita gravatus est. Hippocrates autem ad humoris naturam potius respexisse. Bile nanque redun-

dante

dante in ventriculo, vomitum indicit, cuius motu bilis motum facilius assequamur: Nempe ascendit promptius bilis: quanquam rarius, quàm pituita, ut ait Galenus in secundo De temperamentis.

Dubitarit aliquis, si ventriculus hyeme calidissimus, ut rectè ex aphorismo colligimus: quonam pacto fiat idem humidissimus eodem tempore? Consumit nanque humorem calor. Sic respondendum esse videtur: Ubi natura læsa non est, neque circumventa causis alienis, ipsam sibi etiam variantem per tempora similem esse. Nam si calor multus sit, multum quoque caloris pabulum, sedemque esse, necesse est: si parvus, parvum. Dico per tempora, non per ætates. Quoniam humidum semper resolvitur. Sed humidum naturale per hyemem, non est minus humido naturali æstivo, nisi quantò minus ætatis processu factum est. Hoc autem non quærimus hîc, sed tempora inter se comparamus. Evenit autem propter temporis hyberni naturam, ut præter humidum naturale, humor alius grassetur in corpore pituitosus: quem de propinquiore loco voluit educere Asclepiades. At Hippocrates non solùm loci, sed etiam humoris motum contemplatus: qui humor æstate dominaretur, eum suo motu expelli facilius, quàm alieno existimavit. Dominatur autem bilis, ut in libro de hominis natura dixit ipse: & eadem sursum movetur, sursum igitur exigenda erit. Ubi ejusdem humoris per vomitum æquè perscribit evacuationem:

112 IN LIBRUM HIPPOCRATIS  
tionem: Quemadmodum in septimo Eeta-  
lium contagiorum, & in libro De humoribus.

### A P O T E L E S M A XXXVI.

*Neque verò illud bono est, atram terram,  
atque exustam cernere: vehementis enim,  
letalisque mali appulsu tentatum iri: quip-  
pe ariditas in carne multa indicatur. Quies  
igitur appetenda. Siccis, calidis, acribus,  
& iis, quæ urinam movent, abstinendum:  
ptisanæ decocto contentus sit: mollibus ci-  
bis, ac leuibus, sed paucis: albo vino: aquo-  
so multo: lavacris multis, calidis: sed in  
quæ nunquam jejunos ingrediatur. Molli  
cubet strato: animi tranquillitate conquie-  
scat. Frigus, Solémque vitato. Telluri,  
ac Mercurio, Heroibúsque supplicato.*

### C Æ S A R.

Terram descripsit à mari affectam: nunc  
ab igni, caloris vi. In cura adhibet omnia  
humectantia. Somni quoque meminit: sed  
attende, ne jejunos dormiat, néve jejunos  
balneum ingrediatur. Somno intro revoca-  
tus calor consumit membra, si desit cibus  
quicum agat. Itaque sudamus potius dor-  
mientes, quàm vigilantes. Balneum educit  
succum, eúmque optimum, si quid à cibo  
non sit appositum. Eadem ratione tum fri-  
gus, tum Solem vitat: propterea quòd desic-  
cant.

Intelligit vinum aquosum suapte natura,  
non

non arte dilutum : quod si desit , supplebit ars. Illud ausus est Galenus autumare calidum non esse : vinum igitur non erit. Et nobis sanè genus hoc ignotum est. Humeſcat sanè plus mero , dilutum : tribus de cauſis. Aquam enim habet ſociam illius effectiſionis : item altius penetrat : poſtremò difficilius ſolvitur à calore naturali : qua ex mora perſungitur munere ſuo. Nam partes meri ſubtiliores citius penetrant : ſed citius reſolvuntur. At dilutæ , & plures ſunt , & difficilius vincuntur. Quare ebrii fiunt magis , qui multum dilutum , quàm qui merum biberint paucius.

Cum vitat ea , quæ urinam moveant : intelligas calida & ſicca : quæque eliquant corpus : nullis veſtigiis relictis humeſtationis. Nam ſibi ipſe contradiceret. Vino enim albo aquoſo nihil præſentius ad urinas ciendas.

Τῆς ὁ πλισάνης κατέφθω τῷ χυλῷ, ptisanæ decocto. Conſuevit Calvus toto opere hoc , aliſque libris Hippocratis , pluribus luculentis verbis idem interpretari : qui hîc quoque dixit , ptisanæque ſucco , & jure decocto. Verùm ex hordeo & aqua ptisana cùm fiat , multos habet gradus , alios ad potandum , alios obveſcendum , quosdam medios , omnes ſecundum decoctionis promotionem. Nam leviſſimè coquitur ad potum , ne aceſcat. Ea propinatur tertianariis poſt ſirupum acetoſum. Diutius coquitur ad refrigerandum & abſtergendum in phlegmone pectoris. Hi ſunt potus ſimplices. Ubi verò coquitur ad eò , ut pulſ ex eo fiat , cibi ſummam conficit.

eit. Remissa ea crassities in mediocrem liquorem, utriusque obtinet facultatem. Sorbendo nanque, pro potu accipitur: alendo, pro cibo. Percolatur autem hæc interdum, neque amplius coquitur. Is dicitur esse succus, quem cremorem Latini vocant: atque hîc, & alibi *χυλόν* Hippocrates. Interdum autem coquitur: quare additur *κατέψω*. Arabes hæc omnia agnoverunt his nominibus, Aqua hordei, Kist hordei, Savich hordei: omnes Hippocratem secuti eo in libro quem Cnidias sententias inscripsit. Quo magis miror, quid in mentem venerit homini doctissimo Joanni Manardo, qui non solum artem ptisanæ conficiendæ sustulit: sed etiam damnarit usum: ausus idem facinus libero indigno homine, eum negavit nos probo vesci hordeo. Spero equidem aliquando futurum, ut isti delicati veris lactucis carere dicant nos. At herculè laudes ejus Galenus paucis verbis, vel plusquam divinas dixit, in octavo De medicandi ratione. Quid enim potuit præstantius esse, quam id quod refrigeraret, humectaret, sitim non solum tolleret, sed etiam prohiberet, facile coqueretur, probè aleret, nihil relinqueret noxiorum excrementorum. Ptisanæ autem nomen deductum etiam ad alias materias, ex Horatio scimus: qui ex oriza ptisanarium dixit, voce diminutiva: quamquam ex aliis frugibus certa sibi nomina comparavit: ut apud Græcos, *χονδρῶν*, quem corrupto nomine Candarusium vocant Arabes: Latini, Alicam. ea ex Zea fiebat. ex frumen-

to quoque factam ait Plinius, tam apud Latinos, quam apud Græcos, translato nomine ab ipsa fruge, ex qua fiebat, in rem ipsam factam. Siquidem chondros tritici genus, ex quo, quæ fieret ptisana, chondros quoque dicta fuit. Eodem modo Zea, quam nunc speltam vulgus vocat, alica quoque dicta est: ex qua, quæ fieret ptisana, nihilominus alica nominaretur. Sed & ars finxit nomina: nam ex viridi hordeo polenta dicebatur: ptisana ex integro percocto, atque excreto: omelysis ex molito. Polentam quoque extoſto facit Galenus.

## APOTELESMA XXXVII.

*In lacu, marive, aut fluvio, si quis se somnieturinare, malum est. Exuberantia nanque humoris indicatur. Tenuis victus, atque laboribus exercitatus huic utilis est. Quod si hoc accidat febrienti, bonum est: extinguitur enim ab humore calor.*

## CÆSAR.

Hoc quoque Galenus in Crisibus: ob sudorem præcedere somnia hæc. Id quod Avicenna transtulit in sectionem secundam quarti. Idem Galenus scriptum reliquit, Pugilem, qui in sanguinis folio sedere sese somniaverat, sanguinis redundantia laborasse. Alium distentum semine genitali veneris nocturnis affectum ludibriis. Ita in quarto Letalium contagio-

tagiorum, Nicippus febricitans venerem per somnia excitabat, atque ita convaluit.

Dixit ἀρταρομετρικῶς τῇ Δίῳ, pro tenui victu. Ductum enim est ab eo, quod spiritus tantum alimento quis contentus est. αἶεν namque spirare est : Δίῳ, perspiratio : sicut αἶων, ævum, tractus scilicet temporis, quem spirando transmittimus : & ἀῖς, quem spiraremus. Talis victus ratio pertenuis in principio acutissimorum morborum observatur, quo tempore nihil damus.

### APOTELESMA XXXVIII.

*Eorum, quæ ad sese, suamque naturam pertinent, si cui quid in somnis videatur esse ejusmodi, uti neque majus, neque minus sit : bonæ valetudinis demonstratio est.*

### CÆSAR.

Hæc est alia pars commentarii à privata natura sumpta somniantis : quæ plenissima est apud Hippocratem : nos quàm purissimè ut transferremus, curavimus, secuti phrasim Thucydidis, Demosthenis, Plauti, Ciceronis, si cui ea nota sit. Habet autem rationem, à quantitate, sicuti superiora : à motibus, à qualitatibus, à situ. Intellexit somniantem sui quippiam videre, non alieni, ut ei portenderetur pro re propria.

### APOTELESMA XXXIX.

*Candida veste, pulchrisque indutus calceamentis benè sentire debeat de sua sanitate.*

### CÆ-



## CÆSAR.

Hippocrates, qui bonus esset Philosophus, per aliud etiamnum prædicamentum ducit nos, quod appellant habere. Colligitur autem hinc proportio vestis ad illustrem, de qua supra diximus, syderum naturam. Ambitus enim corporis bene habet. Est autem pars superioris apotelesmatis : in quo omne genus rerum, quæ ad quempiam pertinerent, continebatur. Ita partitur nunc, ut declaret ea, quæ extra sunt : in sequenti autem, quæ intus.

## APOTELESMA XL.

*Membrorum modus alius, atque à natura constitutus, nihil boni pollicetur. pejus verò est, si minore sit quantitate, quam si majore. Victus in altero eventu augendus, in altero minuendus erit.*

## CÆSAR.

Conjectores aliter interpretantur : veluti Domitiani gibbum, Nervæ auream successionem. Caput magnum, principis incrementum. Quoniam caput relativè dicatur, alicujus caput, sicut princeps, alicujus princeps : & caput, princeps dicatur, quemadmodum servus, pedes. Ventrem obesum, paupertatem : iners enim membrum esse videtur, & avarum, aliorum operas in sua omnes absumens commoda. Sic Cæsaris nomen si quis somniet, dempta prima litera, pronuntiatur, isque Cæsar appelletur : intra centesimum diem obituum obnunciabant : eumque divinis æternæ

118 IN LIBRUM HIPPOCRATIS  
næ famæ titulis perpetuò victurum : propter  
ea quòd, quæ litera adempta esset, centena-  
rium numerum notaret : eum numerum vi-  
vendo item absumptum iri, quod reliquum  
esset, manere. Æsar verò Thusca lingua pri-  
sca, Deum significari. sanè etiam Græcus ser-  
mo non abhorret : αἶσα enim fatum signifi-  
cat. Est autem fatum jus divinæ potestatis.

Calvus dimisit illud totum, *Pejus verò, si minus sit.* Nempe à privatione ad habitum  
difficilior naturæ opera est.

### APOTELESMA XLI.

*Atræ species ad ægritudinem præmonstran-  
dam propensiores, majus discrimen ob-  
nunciant. Mollibus ergò humidisque bo-  
na valetudo constituenda erit.*

### CÆSAR.

Atræ bilis naturam veteres adeò veriti sunt,  
ut Galenus integrum condiderit commenta-  
rium. In tertio De locis male affectis, ejus  
species persequitur : Item in libro de bonis  
succis, in secundo De temperaturis, in sexto  
De morbis & eorum causis, ostendit fieri ex  
sanguinis adustione. Quare hîc prudenter  
mollibus, & humidis sanitas observatur.

### APOTELESMA XLII.

*Omnia item nova, significant mutationem.*

## CÆSAR.

Ut si Rex, privatus fiat, aut privatus, Rex : quòd de Smerdi Cambyfes, Aftyages de filia, item alia alii somniarunt. Circumfertur & suum Hecubæ somnium. Quæ omnia non ad illorum corpora, sed ad vim, eventumque fortunæ relata sunt. Matrem meam postridie, quàm me edidisset, sæpenumero prædicantem audiui, vidisse per quietem lintea univèrsa, quibus in arcè in qua natus essem, uterentur, igni correpta conflagraffe. inde flammam exisse ingentem cum ingenti sonitu, summâsque Alpes Noricas, Rheticas, Ligusticas pervasisse, atque sine noxa perlustrasse : nivem colliquatam, novam montium faciem ostendisse. Quibus visionibus conjectrices aniculas, quibus tota illa scatet regio, multa ridicula, quæ non ponam, pronuntiasse. At illa per jocum aliquando, aliquando per contumeliam me Paridem appellare solita fuit, donec excisis rebus nostris somnii vis prodita est.

## APOTELESMA XLIII.

*Vita functos nitidos, atque candidatos si quis viderit, bonæ valetudinis argumentum habet. Si quid puri ab his acceperis, ratio par. sanum nanque corpus dicitur, sanâque alimenta. A mortuis autem alimenta, & augmenta, ac semina ipsa suppeditantur : quæ si pura in corpus subeunt, edicunt sanitatem.*

## CÆSAR.

Nunc aggreditur ea, quæ extra somniantem sunt: atque nos ali opera mortuorum: credo, quia non potest alere nos quicquam vivens. Transformari. nanque necesse est. Nihil enim duabus formis informatur. At quod alit nos, nostri pars fit, aut jam est. Ergo sub totius forma existit. Quod autem vivit, suum sibi est. Itaque in octavo Pædiæ, vult terræ mandari corpus suum Cyrus: ut ibi mutato eo, aliquid capiant mortales emolumenti. Tangit tria: primum, semina, id est, principia: secundum, alimenta, cum sunt mutata: tertium augmenta, quæ alimentum consequuntur. Neque enim sine augmento corpus ali potest. Nam quod reponitur, in loco est consumptæ partis. auget igitur. Restituit enim pristinam quantitatem, partem eam, quæ fuerat diminuta. Est ergo nutritio, partis auctio: quia amissi est repositio. Quis autem inter has sit famulatus, unde proficiatur, quem in finem tendat, quandiu dureret, in septem libris De semine genitali satis à nobis dictum est.

Tetigit & id, quod retulit Galenus, sanum corpus, sana alimenta æquivocè: ita & sanum signum.

## APOTEL ESMA XLIV.

*Eosdem contrario habitu si videas, nudos, aut atratos, aut sordidatos, aut aliquid capientes, aut auferentes ex ædibus: minime*

*nimè commodum est: Instat enim morbus. Ea nanque, quibus alitur corpus, noxia sunt. Decursu, ac deambulatu curantur, mollique cibo, levi, postquam vomuerint.*

## CÆSAR.

Hoc quoque Galenus sensit, sordidos intus, foetidósque humores contineri: contra iis evenire, qui inter flores, amœnâque loca sibi ipsi versari videantur.

Festivum est, quod dicit, incommodo esse, si quid ex ædibus auferatur. Sed ex œconomia ductum illud: Nam si mortuos agris comparat ac seminibus, unde alimenta suppeditentur nobis, idem intelligamus, quod nos monet L. Columella, Non esse optimum optimè colere, ne sumptibus devorentur fructus. Neque enim plus petere debet ager, quàm det: sed ut plus det, satis petere.

Dicit, *αργαίην*, more suo, id est, paulatim. Nos explicuimus, per modicum. Sic in primo Letalium contagiorum, in tertia catástasi, *ὅτε ἐν ἀργαλῶν ἀλλὰ συνεχῶς, καὶ βίαια.*

## APOTELESMA XLV.

*Cum monstrosa corpora in somnis ostendunt sese, atque hominem territant: tum conijcimus, insuetis cibis, atque exuberantibus, gravatos esse nos. Cholera quoque, & morbum periculosum minitantur. Itaque vomitum provocato: quinque dies cibariis levibus, minutis acquiescat.*

F

Absti-

*Abstinebit ab acribus, siccis, calidis. Laboribus verò, quos natura exigit, præterquam deambulatione, quæ post prandium præscripta sit, exercebitur: Balneis, calidisque perfusionibus, & animi æqualitate fruetur. A Sole, & frigore cavebit sibi.*

## C Æ S A R.

A mortuis ad monstrâ hîc transit: attribuitque monstris id, quod nos mortuis: bilem scilicet atram indicari. Itaque elephantis somnia circa mortuos crebra visuntur. Monstrôsa autem corpora humorum potius perturbationem. sed utrunque ab utrisque potest colligi.

Dixit, ἀλλόμορφα. hoc est diversis induta formis quàm quæ vulgò videntur.

Choleræ nomen Galenus multis in locis & frequenter in numero plurali τὰς χολέρας ποιεῖ. In tertio De causis symptomatum dicit naturam excreticem in choleris uti utroque ore ventris: & superiore ad vomitum: & inferiore ad dejiciendum. Et in primo artis ad Glauconem, Choleræ, inquit, faciunt lipothymiam. In libro autem De victus ratione in acutis scriptum est αὐτὴ χολέρας ἐκρίσκει in qua venter nihil dejicit. In vii Epidem. Choleræ morbi causas materiales multæ enumerantur. Ejusque morbi mentio multa in libro De morbis, & in Epidemiis: In prænotionibus, quæ κηακοὶ inscribuntur, τὰ  
λυ-

λυπηραὶ χολέρας μὴ ἐπιγνομένης ἔλυσται.

In tertio aphorif. choleram evenire à adulta ætate, ibi Galenus quid fit non declarat : sed caufam communem apponit, *ἀχρεὺν χολῶν τῶν φρενιτίδων καὶ γαστρῶν, καὶ δυσεντερῶν*. Hic autem vero fimilius videbatur effe, à bili atra pendere monftrorum indicationem. Maxiùe enim convenit cum monftris, & rebus atris illis. peffimus enim omnium humorum eft. Nanque non obedit naturæ: adverfarius lucis: hoftis qualitatũ vitæ: non audit remedia: non paret confiliis. Ac bilis quidem flava impetum fuum habet: hæc autem contumaciam. Illa fanè leviffima fanguinis pars eft, ut in fecondo De poteftatibus naturalibus fcriptum eft: Dum coquitur fanguis, neque dum quicquam excretum eft, calidiffimus ille eft fimul, & dulciffimus: atque melli comparatur: poftea excernitur bilis flava, qua erat calidiffimus. Quo in loco quidem imprudentiores putarunt bilem flavam, dulcem à Galeno exiftimari. Et Drufianus Monachus doctiffimus fruftrà fcripfit, fanguinem non effe quartum humorem, fed è tribus unum conftitutum. Cæterum cholæræ nomine non folùm Paulus in tertio, fed etiam Celfus in quarto, morbum comprehendit, acutum quidem cum vomitu, ac dejectione fimul, atque doloribus. Ejus meminit fub eodem nomine in libro tertio interpres Avicennæ. Galenus in fecondo De alimentis: Pepo, inquit, morbum qui dicitur cholera, efficere confuevit, & Dioscorides

in capite de cydoniis, de menta, & alibi non semel. Plinio quoque nota vox est: & legitur in prologo libri vicesimitertii, & capite sexto ejusdem, & libro vicesimo quarto, capite tertiodecimo. quibus locis cholericum morbum à cœliaco distinxit: cùm dicit dysentericis, cœliacis, cholericis. Quare non rectè faciunt, qui cœliacos vocant eos, quos recentiores cholericæ passionē laborantes nominant: quanquam cœliacorum nomen aliter ab aliis acceptum est. Nam apud Celsum in quarto, ii sunt, quos ventriculi dolor urget: neque quicquam demittitur, ac ne flatus quidem. Ad ejusmodi morbum parati sunt ii, quos appellat Paulus dyscœlios: quorum scilicet alvus difficilior est. ut jam desinant recentiores dysenteriam difficultatem intestinorum nimis imprudenter appellare. Neque enim particula *δύς*, hîc significat difficultatem, sed detrimentum, ut dysparis. sed isti multa ineptè: sicut & cum, ileon, volvolum appellant: at, ile, Latinum jam est: item iliacus. volvulus autem morbus non potest dici: cujus neque materia, neque effectio volvitur. Paulus autem & Galenus cœliacos dixere, quibus alvus diffluit. Plinius quoque non semel ex Dioscoride, aliòve unde Dioscorides accepisset: eosque Latina voce Alvinos dicit libro vicesimo primo & vicesimo quinto. Non est igitur inutilis nominum contemplatio, ut Galenus satagit: sed necessaria. Sunt enim nomina rerum notæ: quibus corruptis, intellectionem quoque vitari necesse



cesse est, Vel hoc cœliacorum nomen quot nobis turbarum dedit? cùm non solum diversa significet diversis authoribus, sed etiam contraria iisdem, Medicis scilicet? Et Galenus ipse, qui nomina negligi jubet, quàm laborat, morbusne, an causa debeat appellari id, quòd naturæ officiis est impedimento. Sed de his suo loco. Hippocrates in libro De morbis interioribus videtur cholicam affectionem inter eos agnovisse, quos vocat typhos. Nanque & à cholera veniunt, & vomunt, & alvo cita sunt. Calvus stuporem minimè commoda interpretatione vocat. Nam alia vocali scribitur typhos, quod significet stuporem, ut apud Aristotelem in tertia particula propositarum quæstionum. Quamquam Plutarchus in libro De Socratis dæmonio, *τύφος* intelligit væcordiam, & insolentiam. Sed hoc Hippocratico typho laborantes, neque stupidi sunt, & valde sentiunt, & vehementer commoventur. Quæ fuit causa, ut cum Iliacis morbis conjungeret Hippocrates. Utramvis igitur bilem intelligas: sanè discriminosa est, flava effrenis, uti dicebamus, neque naturæ imperio obsequens, sua levitate fertur: itaque expelli non potest, nihilo melius, quàm pluma, quæ jactus impetum nequit capere. Eodem quoque modo sputum, quod leve est, non occurrit pulmonis atque aëris facultatibus, ad expellendum. Quidam eversores literarum negarunt, æquandum esse humorem subtiliorem in morbis, ante quàm educatur: sed

illico edendum esse : propterea quòd , in-  
 quiunt , per se aptus sit ad expulsionem. Ne-  
 que sputi comparationem bonam esse : spu-  
 tum nanque aëris objectu expelli. At humo-  
 rem tenuem medicamento attrahi , sicut à  
 magnete ferrum : quod quantò levius sit ,  
 tantò facilius trahi possit. Cæterum opus il-  
 lud non sola fit attractione : quin expulsionem  
 oportet perfici. Si enim expultricis non indi-  
 geret , quomodo de ventriculo , aut intesti-  
 nis deiceretur humor attractus eò per Medi-  
 cinam ? Nunquam enim moveretur. Quare  
 de corpore jam valde affecto clysteres non  
 exeunt : propterea quòd expultrix jam mor-  
 tua est. Si igitur expultrice opus est , jam ar-  
 gumentum de sputo bonum est. Atqui opus  
 est. Nam de intestinis humor eò delatus si de-  
 trahi debet à medicamento , ergo præbit me-  
 dicamentum , humor sequetur. Aut igitur ab  
 seipso movebitur medicamentum , aut ab alio  
 à se : ergo ab expultrice. Igitur si tam gran-  
 dem massam de intestinis expellit expultrix :  
 intestinorum multò commodius expellere  
 debuit ejus portiones particulatim in venis aut  
 membris fusas. Dicent irritatam naturam.  
 Nugæ. eadem natura , idem morbus , eadem  
 potestas. Præterea , plus nocet humor in ve-  
 nis quàm in intestinis. Ibi enim fit morbus.  
 debuit igitur plus irritari. Ad hæc in venis ex-  
 pultrix nobilior est , nobiliorem habet finem ,  
 Nobilius instrumentum , nobilius officium.  
 nam & purgat sanguinem : & vena nobilior  
 est intestino : & aut ipsa separat , aut segre-  
 gatricem

gatricem secum habet, sive comitem, sive administram. In intestinis nulla fit ab eorum expultrice, separatio: sed devoluto succo, venæ quod sibi proprium esse debet, sugunt. Quare si in venis expultrix particulas non expellebat, fuit in causa levitas, & tenuitas, quam nequibat apprehendere. Ubi autem collectæ sunt in massam, potuit eam exigere. Est etiam experientia. Nam in phrenesi si exhibeas medicamen, minus ac paucius deiciunt, quàm si sano præbeas. At phrenetico humor tenuior ac subtilior est. Præterea pituitosus per catapotia celerius levabitur gravidine, quàm phreneticus agitatione. Est exemplum in natura: ferri scobes vento agitata non trahetur à magnète: grandiores grumi vento minus obnoxii trahentur. Sic Austro spirante non potest cogi in unum nubes à Sole attrahente: ubi flare desiit, Sol tum cogit sparsas partes: quæ densatæ ubi sunt, & trahi, & impelli queunt. Sic in cursu non sudamus. vapor enim funditur, post cursum attrahitur ad cutem vapor densatus in humorem, & ab expultrice pellitur. In febribus quoque quantumlibet caloris foris apponas, non sudent. dico febres furiosas. At ubi vapor ille densiusculus factus est, sudant. Quare non negamus attractionem faciliorem esse rerum leviorum: sed impediri propter motum: non posse autem sisti, nisi emendata levitate & tenuitate. Oninino autem nugas agunt, cum in operibus medicamentorum tollunt effectiorem expultricis:

quippe non solum humorem, sed etiam medicamentum expellere debemus. Quærit Alexander ificum, sarciminis id genus est. Athenæus ificia vocat, nos etiam *salicia*, corrupta voce, nam fuit *salificia*: quærit inquam, quam ob causam ægrè coquatur. Ob spiritum, inquit, interceptum inter carniū frustilla leve est, neque occurrit calori: quare etiam in aqua demissum fluitat. Eadem est ratio humoris levioris.

*Ῥαθυμία* modestius animi æquabilitatem interpretati sumus. est enim vitium *Ῥαθυμείν*. at æquanimitas virtus, *ἐπιείχεια*,

#### APOTELESMA XLVI.

*Inter dormiendum qui putat sese cibum, aut potum solitum capere: is intelliget, & minus capere nutrimenti, quàm par sit: & animo esse tristiore.*

#### CÆSAR.

Postquam de membris disseruit, de eorum materia statuit, de cibo & potu: ac primum quidem in communi. Hæret autem sententia superioribus. Nam si membrum videbatur minus, egebat nutrimento. igitur nutrimentum quoque minus videbatur per relationem: quoniam comedimus. Addit etiam *ἀθυμία*: quoniam in paucō humido pauci spiritus: in paucis spiritibus animus demissior. Non quòd inde animus dependeat: sed quòd ab ipso illi: quibus utendis, naturæ officio fungatur. Ut hoc quoque modo illud item Herodoti

rodoti audiamus; in Thalia, Augescente corpore mens quoque simul capit incrementum: atque eo senescente, consenescit.

## APOTELESMA XLVII.

*Carnes validissimæ maximum excessum significant: tenerrimæ minorem: earum nanque ratio par, & cùm eduntur, & cùm videntur. Oportet his demere de cibo: propterea quòd plurimi alimenti argumentum est.*

## CÆSAR.

Nunc particulatim à carnibus. Edere, defectum alimenti indicat. Apponit causam: cogitatio ducitur naturæ sine, ubi igitur egemus cibi, ejus imago in appetitu excitatur. Eadem igitur ratio, & edendi, & somniandi: Ergo sibi contradicit. Nam plus edere, plus egere significat. Igitur & fortius edere, fortius indigere. Galenus quoque nobis astipulatur: qui à siticuloso ægro, scripsit, potationes somniari. Illud quoque laxius locutus est. Nam, aut dicendum fuit, minimum, non minorem, ut responderet alteri superlativo, tenerrimæ: aut teneriores, ut responderet comparativo, minorem.

## APOTELESMA XLVIII.

*Panes quoque caseo confecti, somnii ejusdem nacti sunt finem.*

## CÆSAR.

Nihil enim aut parum differt cujusmodi cibi

130 IN LIBRUM HIPPOCRATIS  
bi sint : nisi quantum pertinent ad majorem ,  
minoremque vim. Dicuntur etiam nunc Ita-  
licè *caseomazi*.

## APOTELESMA XLIX.

*Aquæ puræ potus, bonus est : cætera omnia  
noxia.*

### CÆSAR.

Si à defectu somnium hoc metiamur , sic-  
uti superiora : indigentia hîc significabitur :  
quare videbitur ; indicari defectus humoris  
puri , qui corpori debeatur : itaque bonum so-  
mnium non erit. Idcirco à conjunctione rei  
puræ cum corpore sumendum erit argumen-  
tum , ut Hippocrati subveniamus : atque ita  
humoris significabit puritatem , sicuti supra  
de syderum nitore cum statuebat. Verùm a-  
lia videtur esse ratio. Namque ibi cælitus , &  
ab aëre demittebantur affectiones : ab ele-  
mentis autem non item. Dicemus tamen e-  
lementorum cum syderibus conjunctionem  
ita intelligi oportere.

Sed quamobrem dixit , cætera omnia no-  
xia ? an propterea quòd aquæ tantum interest  
potari , olei non item , non aceti , non alio-  
rum ? Est enim appetitus frigidi , & humidus ,  
sitis. Mirum verò quare vinum aut oblitus  
sit , aut rejecerit tanquam noxium : nisi pu-  
temus vini significatione sanguinis exube-  
rantiam aut defectum indicari : quorum u-  
trunque noxium est. Cæterum , si cum vino  
aquâ comparetur , & utrunque ad vitæ nostræ  
consti-

constitutionem conferatur : aquæ natura minus commodior sit : vinum autem proximum.

## APOTELISMA L.

*Quibus assuevimus, ea per quietem intuen-  
do, animæ declaramus cupiditatem.*

## CÆSAR.

Hærent enim diurnæ species rerum appetitarum, quas res ubi anima non est con-sequuta, adhuc appetere par est : itaque in ipsis etiamnum versatur.

## APOTELISMA LI.

*Cum quid præterrore fugitamus, præ siccitate sanguis in nobis tumultuatur. Refrigerare igitur, atque humectare corpus convenit.*

## CÆSAR.

Ita veteres existimarunt, pavorem evenire aut à frigiditate sanguinis, aut à crassitie propter motus tarditatem : quorum utrumque tetigit divinus Poeta :

*Frigidus Arcadibus coit in præcordia sanguis.*  
Notavit enim frigiditatem & coitionem. Aut à paucitate. Neque enim laxari à natura ea, quorum ipsa indigens sit : sed parcere, ac metuere ne amittat, quod modicè possideat. Quæ habeatur ratio, quare Galli sint animosiores, item Sarmatæ, Britanni, Germani, Scythæ, Thraces, Syris, Arab. Indis, Mauris, ut ajunt. Verum ut ita res sit, at eam paucis

132 IN LIBRUM HIPPOCRATIS  
cis nimis colligunt argumentis, ac magnam  
sanè. Illorum nanque sanguis, ut multus, ita  
dilutus: quippe post primæ impetum æstua-  
tionis defervescit, his contrà accenditur. Per-  
tinacissimè verò mortem obeunt in pugna  
Mauri atque Indi, etiam in tela ruunt, tum  
lanceis transfixi prorsus sese induunt, ut ho-  
stem cominus contingant. Sic ab animanti-  
bus quoque quas illæ generant regiones, ar-  
gumentum licet sumere, Leonibus, Elephan-  
tis, Viperis, Tigribus, Rhinocerotibus: qui  
pro ludo & pila ursos habent, quod est tamen  
nostratium omnium fortissimum animal.

## APOTHESESMA LII.

*Cum pugnam committere, atque extimulari,  
aut vinciri videmur: tunc aliquid super-  
flui corporis functionibus adversari depre-  
hendimus. Tollit id vomitus, deambu-  
latio, levioribus cibis attenuatio: quos  
post vomitam dies quinque continua-  
bis.*

## CÆSAR.

Idem Galenus, Cum gravari videmur. nec  
moveri quimus, & onere gravati premimur.  
Quod & doctissimus Poëta iu quadam osten-  
dit comparatione.

*-in mediis conatibus ægri*

*Succidimus: non lingua valet, non corpore notæ  
Sufficiunt vires, nec mens nec verba sequuntur.*

Mor-



Morbi genus est, aut potius affectionis epithaltes, quasi assultorem dicas: multarum ea pestis index, ac prævia ægritudinis: haud dissimilis hujus affectionis quæ describitur hic: à pondere & pressione dictum putant. itaque Giganti cognominem voluere: cujus meminit Plutarchus in libro De fuga. Paulus mavult ab eo, quòd resiliant qui premuntur. Latini ab oppressione, concinna voce incubum: sicut à suffocatione Græci *πνιγάρμνι*: à Themisone *πνιγαλίων*. nam & Dioscorides vocat *πνιμγῆς ἐνυπνίων*.

## APOTELESMA LIII.

*Si quis errabundus, si quis clivos superare sibi videatur: difficile quippiam naturæ suæ incommodare intelligat.*

## CÆSAR.

Humores enim rectà in suum quisque locum, uti debent, non transmittuntur, si vagari somniet. In nixu quoque, atque ascensione violentus est motus. Cum enim duo in nobis sint motus, elementaris, & voluntarius: elementaris perpetuus est, & aggravat interdum voluntarium. semper enim deorsum trahit. Cum igitur scandimus, curvato crure tibiam perpendiculo statuimus, super quam trahamus corpus totum directò staturum. Ergo est violentus simplici naturæ motus. Hinc colligimus falsum esse, quod ajunt, descensionis motum de clivo mul-

134 IN LIBRUM HIPPOCRATIS  
multò esse difficiliorem. Alterum enim in eo  
crus semper directum est, in quod innitaris :  
in ascensu curvum utrunque.

#### APOTELESMA LIV.

*Fluviorum transitus, hostes armati, mon-  
stra difformia, aut morbi, aut furoris  
præsagia sunt. Qui his sunt præventi,  
juvantur victu tenui, levi, delicato, vo-  
mitu non violento, ad dies quinque labo-  
rum frequentia, quos exigit natura :  
verùm his post cibum abstinebit. Bal-  
neum, & desidiâ, & Solem, & frigus  
cavere debet. Horum enim usu, quem-  
admodum dictum est, bona poterit valẽ-  
tudo comparari.*

#### C Æ S A R.

Per transitum fluviorum, morbum notat.  
humor enim putredinis parens, putredo morbi

Distinxit furorem laxè nimis, à morbo. At  
equidem arbitror furorem maximum morbo-  
rum esse. verùm veteres animi vitium puta-  
runt, furorem : morbum corporis. hoc rectè,  
illud non rectè. nam si animus furit ergo in-  
terit. M. Tullius in libro I. De divinatione  
latius differit : ac tandem definit sic, Cùm à  
corpore animus abstractus divino instinctu  
concitatur. Sed hîc furor ille ab insania di-  
stinguitur, ut ait in tertia Tusculana : quare  
æquivocè utitur hoc nomine idem. Nam in  
septima actione in Verrem, furorem, scele-  
ris

ris & audaciæ comitem vocat. Sic Clodium, sic Catilinam furere dicit.

Difformia, non deformia, ut ait Calvus, αἰχμύρφα, non κακῆμύρφα, aut ἄμύρφα, aut δύσμύρφα, scilicet aliena specie, ut si leoni formosissimum virginis os imponatur.

Calvus idem. calda lavato, desideto. Sed præterquam quod codex repugnat Græcus, subest quoque ratio, ne sibi, néve naturæ contradicat. Exercitium bonum, moderatum tamen: item vomitus. ergo desidia, & inimica, & noxia.

Male videtur ignem cum aqua conjunxisse. Aqua à fluviis, ignis ab hostium capitur impetu. Quare inde morbos à putredine, hinc furorē ab inflammatione minitatur. Ex monstrorum confusis formis dissidium naturæ interioris proponit. Sic lis & amicitia ab Empedocle & Democrito & Epicuro pro principiis statuuntur. Sic Orpheus è Chao Amorem primū emerfisse, atque Phænctem appellatum.

## EPILOGUS.

*Hæc est vivendi ratio, quæ pro humano captu, Diis bene juvantibus, à nobis est instituta.*

## CÆSAR.


Bonus Medicus, insignis orator, pius vir. Nam & docuit nos vitæ rationes, & lactea demulsit oratione, & sementem fecit in pro-  
œmio

cœmio, eorum quæ excoluit in tractu commentarii, quæ colligit in epologo. Sed quàm moderatè, quàm prudenter? pro humano, inquit, captu. Nam ei qui contradicat, meminerit hominem esse se. Hæc fuit lex Pyrrhonis, & Aristonis, hæc novorum Academicorum: illi, nihil profiteri, hi nihil certi statuere. Addit & pietatem: Deorum opem, sine qua nulli sanè sumus. Commendat opus à præstantia, cùm dixit, rationem. A modestia animi, cùm dixit, se hominem. A perfectione, cùm dixit, non sine Deo optimo maximo sese hæc perfecisse. ipse sanè divinus vir, qui & nos doceat, & quo pacto, quibus opibus fretus docet, hoc quoque doceat: ut non immeritò maximus vir Galenus, nunc Admirabilem, nunc principem scientiarum, nunc bonum, nunc benignum, nunc veritatis parentem vocet: in primo autem libro De officiis membrorum, ejus sententias etiam Dei vocibus comparat.

F I N I S.









BIBLIOTECA

